

*Adm.*  
Aquilæ Cruse

*τὸ μνηστικόν, K*

*Eudæmon Aristotelicus;*

Richardi Watson

*Ludio Paraneticus;*

Orationes olim habitæ Cantabrigiæ, in solempni Professione Filiorum,  
Artem Candidatorum.

Prioris adhuc

*Autimachus Gigantum;*

Posterioris

Alia, quorum versa post Epistolam pa-  
gina indicem aperiet.


— *aliquæ non sūt. Avite, lib. r.*

LONDINI,

Typis R. I. MDCLXV.

731 a 11






731. a 11

1781. 10. 10. 10. 10.

IMPRIMERIE


Roger & Co.



*Janua. 20. 1664.*

Imprimatur,

Roger Lestrange.



*Adm.*  
Aquilæ Cruse

τὸ μαγιστῆρ, R

*Eudæmon Aristotelicus;*

Richardi Watson

*Ludio Paræneticus;*

Orationes olim habitæ Cantabrigiæ, in solemani Professione Filiorum,  
Artium Candidatorum.

Prioris adhuc

*Antimachus Gigantum;*

Posterioris

Alia, quorum vasa post Epistolam pa-  
gina hæc eam aperiet.

— *aliquæ non sūt. Avite, lib. 7.*

LONDINI,

Typis E. L. MDCLXV.

Adulterio

18. 18. 18.

Richardi Warton

Richardi Warton

Richardi Warton



Richardi Warton

Richardi Warton

6 45 30

Richardi Warton

Richardi Warton

Richardi Warton


Richardi Warton

Richardi Warton

Richardi Warton

LECTORI  
  
Lectori Candido Sc.

S.

uam manifestum a-  
pud Britannos da-  
num sustinuit Res-  
publica Literaria, currentis  
seculi nupero decennio, qui ar-  
morum Civilium inordinatos  
impetus, & irati militis cœcam  
violentiam, aut senseris, aut le-  
geris, longè faciliùs æstimare  
poteris, quàm voto quocunque,  
vel auxilio, reparare. Musa-

LECTORI.

rum undique direpta sacraria,  
& profanis populi furentis ma-  
nibus violata; expilata docto-  
rum virorū scrinia, & scripta  
illustrium Animarum monu-  
menta, Sibyllarum sc. nostra-  
rum folia, ad ultimos Insulæ  
hujus, tunc temporis (si quan-  
do aliàs) Infortunatæ, termi-  
nos contrariis ventorum flatibus  
agitata, jam tandem con-  
queri, aut deflere denuò, non  
esset illa sollicitius restituere;  
aut hæc eadem curiosius resar-  
cire. Illud ego honestum magis,  
& tempestivum, sentio; quic-  
quid



# LECTORI.

quid tantæ jacturæ superest;  
 quicquid è terrestri naufragio;  
 secundâ Fortunæ tabulâ dela-  
 tū, tumentes, tumultuantefve,  
 Insolentiæ fluctus supertrana-  
 vit, non aliter quàm è cælo de-  
 missum, religiosius excipere, &  
 Apollini, Deo literatorū ho-  
 minum, publicè consecrare. In-  
 de est quòd A.C. <sup>Εὐδαιμονία</sup> Ari-  
 stotelicū, Antimachum itidē  
 Gigantum, exhibemus, festi-  
 vi certè Ingenii reliquias, &  
 floridioris literaturæ specimi-  
 na, nec typorum elegantia, nec  
 chartæ puritate, contemnenda;

# LECTORI.

*Viri apud suos Cantabrigien-  
ses olim celeberrimi, Cissa-ci-  
strensis Ecclesiae non ita pridē  
per illustris ornamentū; cui, ju-  
veni, Virgilianam animam et  
Homericam simul (quidni  
etiam Platoniam Aristote-  
licamq;) transmissā dixerint;  
seni corculum Antiquae The-  
ologiae inditum, succum &  
sanguinem Ecclesiasticorum  
Patrum, & Scholasticorum  
Doctorum, transvasatū asse-  
runt etiamnum inter Præsules  
nostros integerrimi iudices,  
quibus notus fuit, & Catholicae  
doctrinae*

## LECTORI.

doctrinae callentissimi. Quod  
intentum adeo encomium, & de  
industria explicatum, quantum-  
vis tanti viri Manibus iuste  
debitum, & parum adulatorie  
persolutum, vix huic opellae  
praefixeramus, nisi idem longe  
majori Scripto, & severioris  
materiae, prodremum, de quo  
bene speratur adhuc, edidisse-  
mus.

Cætera, Lector, quæ hisce  
interferuntur, alium sibi, &  
planè alterum, authorem ven-  
dicant; cui non tam chara ha-  
bentur, aut formosa, ut, quod  
de

## LECTORI.

de Stmiarum sobole narrant  
 Naturales Historici, amplexu  
 eadē strictiori enecet, & semi-  
 mortua cadavera, aut palpi-  
 tantia tibi viscera objiciat; qui  
 modestior est, quàm ut cum Sci-  
 pionis Somnio suas semisom-  
 nes Vigiliis, cum Roscio Pan-  
 niculū, Derisoremve Latinū,  
 cum felici Scenico scoticum  
 quendam Ludionē comparet;  
 quàm ut Antimacho Gigan-  
 tū à latere sistat Pygmæū ali-  
 quē, aut perridiculū pusionē.  
 Poterat illud Epigrammati-  
 stæ meminisse;

Post

LECTORI.

Post te victuræ per te  
quoq; vivere chartæ

Incipiant, —————

nisi quod prætiū suis, nihili æ-  
stimandis, ponere videretur, et  
fictitiæ Famæ vitā, quam nec  
habuit unquā, nec sit fortassis  
habitura, audax Æsculapius  
prorogare. Fatetur aliquid hæ-  
rere animo altiùs infixū, nun-  
quā eruendū; et quamvis longè  
absfuturum sperat ut studuerit  
vindictæ, haud omnino inbone-  
stū sentit, aut indecorū, ut no-  
mini consulere, idemq; integrū,  
saltē quod ad temporis impen-  
dium

## LECTORI.

dum, & Scholasticas rationes  
attinet, posteritati dubia, suspi-  
ciosæve, transmitteret. Nulli-  
us magis affines causæ, nec cui  
certè fallaci aucupio, prodeunt  
hæ juveniles curæ, allocutiones  
Oratoriæ; quæ, præter Lecto-  
rē candidū, non festinant aliū  
sibi vindicē parare; à quo si vel  
Tyrocinio Academico com-  
mendentur, vel in Gymnasiis  
ad huc minoribus sustinean-  
tur, satis Editori gratificabitur,  
qui haud ignorat quàm æquè  
nunc, ac olim, dierum, non sine  
suo incommodo,

Et pueri nasum Rhinocerotis habent.

## Chartarum Indiculus.

- E**ξαίμακον Aristotelicus, Somnium. p. 1.  
**E**ludio Paræneticus. pag. 33.  
**A**dversus Rhetoras formularios, cum Se-  
necæ Troada R.W. a periti Cantabrigie.  
pag. 57.  
**A**d Philologiam antiquam Invitatio. pag.  
64.  
**S**enecæ Encomium. pag. 66.  
**C**lassicum Homericum Pralectoris Græci  
ad armata studia Collegas Juvenes pro-  
vocantis pag. 69.  
**T**abula Hebraica Pralectoris, inter bella  
Civilia, Collegas Juvenes ad studium  
Linguae Sanctæ convocantis. pag. 74.  
**P**refatio habita ante Disputationem Philoso-  
phicam. In Scholis publicis pag. 77.  
**I**n minoribus Comitibus, Prefatio Disputati-  
onis Philosophicæ, cum Patre habenda,  
antegressa. pag. 80.  
**S**peculum Socraticum, Ad nobilem quen-  
dam



- dam Juvenem, in arenam Philosophicam  
 sponte descendentem, breve Modera-  
 toris Anteloquium* pag. 84  
*Ad eundem, feliciter absolutâ Disputati-  
 one Gratulatorium Epiphithema.* pag. 85  
*Ardelio, sive in Scholis Foris consulto-  
 rum Moderatoris Oratio, præmissa du-  
 plici Controversia.* pag. 87  
*Pro electione ad Præfecturam Scholæ Per-  
 ficiæ, & paulo post, ad Sodalitium  
 Caio-Gonvilese, utroque simul fru-  
 ctuari privilegio ΕΥΧΑΡΙΣΤΗΤΩΝ ad indul-  
 gentissimos Electores, Magistrum & So-  
 cios Collegii de Gonvile & Caius, in  
 Academiâ Cantabrigiensi, apud An-  
 glos.* pag. 94  
*In Scholis Theologicis Præfatiuncula Apo-  
 logetica.* pag. 102  
*Declamatio prima. Quæritur, utra atri,  
 Prudentia an Eloquentia, in Impera-  
 tore præstantissimo, C. Julio Cæ-  
 sare, sit præferenda.* pag. 104  
*Declamatio secunda. Malefecit Porcia,  
 quæ Bruto, Cæsaris exitium meditante,  
 silentium præstitit.* pag. 114  
*Decla-*



*Declamatio tertia. Cæii Cæsaris, non  
Porcii Catonis, sententia, de captis in  
Conjuratone Catilinariâ Patriciis, &  
laudanda fuit, & à Senatu Romano  
admittenda.* pag. 128

*Declamatio quarta. Benè & consultò fecit  
nobilis Stanleius, qui, cum filii periculo,  
Richardo tertio, Angliæ Tyranno,  
auxiliares copias postulanti, pernegavit.*  
pag. 142

*A. C. Antimachus Gigantum; In istam  
questionem, qua solet disputari à Com-  
mentatoribus in Aristot. 1. Phys. cap. 4.*

*Utrum in quavis specie detur corpus  
maximum & minimum;*

*Digressio de Gigantibus.* pag. 164

---

Dictionnaire des Sciences. Cuiusmodi  
 Portus-Carolis, Portus de Capis in  
 Computatione Castellana, Portus, &  
 Portus de Capis, & a Portu Romano  
 Portus, pag. 158  
 Portus de Capis, Portus & Capis  
 nobilis Castellana, que cum Capis  
 Richardo de Capis, Anglie Tyranno,  
 Castellana Capis Castellana, Castellana  
 pag. 142  
 A. G. Anthonius Gignat, de istis  
 questionibus, que sunt de Capis Castellana  
 Castellana in Aristotele, & Philosophia, &  
 Tunc in quibus specie Castellana corpus  
 Castellana & Castellana  
 pag. 164  
 Dictionnaire de Gignat.

EY ΔΑΙΜΩΝ

Aristotelicus.

*Somnium.*



Uid mihi in nupero  
somnia, cum ego ad *quæ-*  
*Aristotelicum* quære-  
rem, obtigerit, iuvat  
proloqui. Nemo jam  
prædictum sibi ne-  
get, me narrare *Som-*

*nium*; nec quisquam fastidiosum hîc ca-  
chinnum tollat, aut distorto vultu no-  
stras irrideat ineptias, nam & mihi e-  
tiam *Cynicus* præsto est, qui *Zillos* istos,  
& *Momos* (si ausint hîscere) acriori  
morsu perstringat: Multo minùs seve-

B

rum

rum & rigidum volo interpretem, qui quælibet dicta, quòlibet, rapiat; qui nugas nostras seria faciat, & *ridentem dicere verum* jubeat. Absint maligni isti commentatores, aut verba saltem nostra intacta relinquunt: *Innocuos* nos aucupamur *sales*, quos hilari vultu animadvertat auditor, nec se vel rubore ulpiam perfusum sentiat: Nec despiciat quispiam leviores nostros & vagabundos jocos, quos nulla unquam eruditorum secula invisos habuerunt: Ridere, nugari, quæ nunquam visa nec audita sunt narrare, olim apud togatos, etiam in canis, obtinuit. *Lucianum, Persum, Petronium* non nomino; vel nostra tempora quam crebra hujus rei exempla protulerunt? Prodiit *Euphormio* è *Lusina*, circumfertur *Moria encomium*; *Mentippus* aliquoties visus est; *Sardi venales* non ingratum sapiunt; etià & nos *Thoma Mori* colimus.

\* Non nupero *Vtopiam*, & \* *Mercurio Britannico* liberis alas concessimus: Quidni ergo & nobis *mentiri* liceat? Agam mehercle (sed nec mentiar totus) & rem ipsam, ut mihi

mihi visa est, expediam: quod si falsa quædam, aut incredibilia, proferam, credite esse *somnium*; si nec recto ordine enarravero, scitote fluidas memoriæ impertiri *somniorum* imagines, quæ nec limam iudicii admittunt, nec politam requirunt in dicendo orationem.

Serâ sub vesperâ,

*Cum volucres hominumque genus superabile curis*

*Mulcebant placidi tranquilla oblivia somni;*

Cùm nullus canum latratus, nullas cursitantium per plateas strepitus, nullæ muliercularum rixæ parturientis cerebri machinam dimovere possent; cùm *Musis* solitudo & otium concederetur, dabam forte operam *moralis Aristotelis doctrina*; ita enim mecum cogitabam, non esse semper cum *Socrate* in nubibus habitandum; sed quid in vitâ agendum sit, quid non; quomodo regendi affectus, quinam erga alios mores requiruntur, investigandum: occurrit oppidò tractatus *de Felicitate*; placuit initio ipse titulus,

lus, quid enim non sedulò perpendatur  
 illud quod ad unum omnes expetimus  
 unice? legi igitur, relegi seriò, vidi  
 fundamentum ejus *virtutem*, & pullu-  
 tantem inde *εὐλαγείαν*, unà cum indefa-  
 tigabili unius *virtutis* appetitu: allexit  
 me statim rei suavitas, animamque mi-  
 rum in modum sui desiderio accendit:  
 verùm cùm penitùs introspicerem quàm  
 ardua esset ad *virtutem* via; quàm cre-  
 bra in illius cursu obstacula; quàm in-  
 constans animus, & in aliud semper pro-  
 clivis; quàm proni in vitium appetitus;  
 duxi ab imo pectore suspirium, &, ô  
 Deus bone! inquam, ecquis alicubi ter-  
 rarum jam vivit, aut aliquando vixit *bea-*  
*tus*? ecquis adeò perfectam in sese ad-  
 ministrat Rempublicam, ut nec civiles  
 eam discordiæ lacerent, nec externæ e-  
 am quatiant injuriæ? An potius inanem  
 Dii nobis posuerunt metam, quam ex-  
 petere quidem liceat, nunquam autem  
 attingere? An invitant nos ad *Hesperii-*  
*dum hortum*, ejusque aditum vigili dra-  
 conis custodiâ præcludunt? Itane mi-  
 seros

feros mortales Superi ludos habent? Adeone solis Coelicolis fas est spumantes nectare calices exhaurire, reliquis nè degustare licet? Ergò ite fallaces Spes, nec vanæ, unquam posthac, *Umbra Tantalæ* cuiquam supplicium inferant.

Hujusmodi querelis multam lassavi noctem, non parùm ipse lassatus longioris noctis cruciatibus: itaque turbatos artus grabatulo reposui, cùm subitò *Dius Somnus*, misertus distracti nimis animi, valentiori me virgâ tetigit, & placidâ requie vagantes affectus consopivit. Sed nec hîc finis laboris erat, initium dicatur potius: nam quæ me dormitarum comitabantur dubitationum reliquæ, mille in Phantasiâ labyrinthos, errores inextricabiles, & infinitas rerum imagines fabricabant: Videbar nunc in campis spatari, nunc ad currentis fluminis ripas sedere, nunc in summo alicujus turris fastigio collocari, nunc supernatare Oceano, nunc in aëre volitare; nunc *Hispaniam*, nunc *Aegyptum*, nunc *Russiam*, nunc *Septentrionales plagas*,



nunc utraq;ue *Indias* permeare : denique, quicquid immensus orbis ambitus complectitur, perlustrare videbar,

*Terrasque, tractusque maris, cælumq;  
profundum.*

Tandem, post longum iter, visus sum spatium quoddam incognitum occupare, quod nec unquam radius suis penetravit Sol, quò nulli anni aut siderum cursus pertingerent, ubique desertissima solitudo erat, & magnæ cujusdam intercapedinis vastitas, credo *Epicuri* fuisse *inter-mundia*, vacuum imaginarium, vel potius orbem illum quem Astronomi in Lunæ corpore occludi effingunt : Chimaeræ hîc passim oberrant propè infinitæ, hîc

— *Centauri stabulant, Scyllaque  
triformes,*

*Et centum geminus Briareus*—

Larvæ, lemures, & quæcunque olim grandæva Superstitio vereri solebat figmenta; omnes hîc montes aurei, amnes vino & nectare fluebant,

*Flavaq; de viridi stillabant ilice mella.*

Incolæ



Incolæ plerumque sunt κεφαλαί, κύνες, & id genus hominum monstra, quæ vani Historici in extremis *Indiis* fabulantur versari; Horum vestimenta fiunt ex panno è lanâ caprinâ contexto; hisce præcipuum opus est, afinos tondere, elixare lapides, arare litus, & arenæ femina mandare, aquam cribro haurire, utres vento plenos mergere. Vidi hîc nonnullos in circulo congregatos, & miris argutiis de quadraturâ circuli disputantes; alius perorabat de constantiâ foeminarum; alius meditabatur litigiosam de afini prospectu orationem; erant etiam nonnulli è Scholasticorum grege, qui ex impossibilibus suppositionibus inextricabiles neclebant syllogismorum nodos. Hîc dum oberro, tacito mecum murmure, mirabundus quis me Deus, extra meorum consortium, in tam devîis & inaditis spatiis collocasset, ecce occurrit mihi senex quidam, rigidiori vultu, raro capillitio, naso adunco, barbâ impexâ, pallium illi duplicatum erat, sed pertusum & lacerum, dextram ful-

ciebat baculus, finistrâ laternam tene-  
bat, a tergo autem ingens pera depen-  
debat, ex qua identidem obsonia, lupi-  
nos, & legumina, quibus vesceretur, ex-  
cipiebat. Mirabar primò hominis inge-  
nium, nec facile mihi erat conjectare de  
quâ gente esset; verum cum propius ac-  
cederem, & ex moribus *Cynicum* ag-  
noscerem, meditabar statim fugam, ut-  
pote qui id genus hominum,

— + *Cane pejus & angue,*

Exosum semper habui, ille, ut me  
terga dantem cerneret, Heus tu (inquit)  
juvenis! quò festinas? quem fugis? ne  
metuas dentem meum; sum quidem e-  
go ille *Diogenes*, sed non, ut olim, *Cynicus*;  
istas artes longa me *Vetustas* docuit de-  
discere; jamduqum aculeatum *Satyrico-*  
*rum* vestrorum sum aspernatus furorem,  
qui non in vitia, sed in homines, sævi-  
re solent; maximè verò tum mihi ve-  
nenum istud fuerit fastidio, cum puti-  
dula *Schioppii* scripta ad manus pervene-  
runt; interim tamen conspicua vitia,  
fraudes, & dolos, non possum sine notâ  
præte-

præterire. Non potui non mirari tam compositum hominis, ad risum nati, sermonem, tamque inexpectatam (ni verbis imponeret) metamorphosin; & Ignosce, inquam, mi pater, timido nimis juveni, & si quod puerilis metus culpæ nomen mereri videatur, crede me peregrinum in hisce locis, adeoque non sine ratione suspiciosum esse; verum, quandoquidem tam liberam mihi dicendi copiam fecisti, si excidit tibi, ut ais, *Cynica* rabies, cur, quæso, lychnum in manu geris; qui te vivum arguere solebat? Imò, inquit, ego etiamnum quæro *felicem hominem*, sed nec acerbioribus quenquam dictis lacerò, nec in quâlibet vitia invehor; tu autem, quia ignarus hîc locorum & hominum erras, si lubet comitari, testis eris. Exosculor gratissimè hominis humanitatem, & jam etiam venit in mentem quantum in vespertinis vigiliis circa *felicitatem Aristotelicam* desudâssem, itaque lubentissimum me huic itineri addo comitem. Incedimus passu impari, & in viâ fortè inimus collo-

colloquium de *Deorum beatitudine*; cum ille, Non certè, ait, invideo coelicolis ambrosiam suam, nec stupendam illam, quam apud mortales obtinent, æstimationem detrahare cupio; interim tamen (in aurem dicam) non carent ipsi suis maculis; *Saturnus* filii impietate regno pellitur; *Jupiter* iratæ *Junoni* rixas, fulmine suo graviore, perpetitur; *Juno* zelotypâ vexatur infantiâ; *Mars* & *Venus* in adulterio deprehenduntur, & vulgi fabula fiunt; Inde poenas luit *Sol*; &, cum ipse a propriis flammis immunis sit, *Daphnes* tamen amore plus æquo flagrat; *Vulcanus* non solis Superis ludibrio est; *Mercurio* etiam, *Deorum* interpreti, vix adhibetur fides: adeò nec ipsis Diis datur plenâ felicitate frui. Vix poteram memet continere, quin tam iniquam nequissimi senis ulciscerer impietatem, sed retinuit studium assequendi propositi, & in alieno etiam regno omnia tuta metuebam. Progredimur ergò, cum è longinquo ad dextram turres aliquot, & magnorum ædificiorum fastigia apparent,

rent, crederes *obeliscam* vidisse, aut  
*Mausoli sepulchrum*, adeò summitates  
coelo minitari videbantur: ego, Princi-  
pis alicujus aut magnatis palatium ratus,  
quid illa, rogo, magnifica præ se ferunt?  
nonne *felicitatem* promittunt? Imò,  
ait, si alta stabula equum meliorem red-  
dant, & iste splendor arguit *felicem*;  
quod si vehementior venti flatus exur-  
geret, aut immiffis *Vulcanus* habenis in-  
faniret, videres ut corrueret ista *felicitas*:  
ipsis autem principibus nihil potest cogi-  
tari miserius, qui cùm suorum perfidi-  
am, exterorum injurias, famam publi-  
cam, invidiam, seditionem, suspicantur,  
in continuo metu vivunt: adde turpissi-  
mas adulatorum linguas, quibus ne *Seda-  
lius* tormentum gravius excogitare po-  
tuisset. Vidèn' tu illam sanguisugam?  
(simulque ostendit *Euclionem* quendam  
in obscurâ casulâ nummos numerantem)  
Vidèn', inquit, aureum illum montem  
quem miserrimus iste per fas atque nefas  
struit? acervus sanè vix *Tago* aut *Pacto-  
lo* cedens, sed cui non ausit, etiam si  
vel

vel maxime allatret stomachus, assem-  
demere: os merum & pellis totus est  
& plusquam triginta dies uno esurire  
mense. Quidam ex eo grege, fato fun-  
ctus, nautum *Charonti* negavit, & etiam-  
nam ad *Stygias* ripas oberrare cogitur,  
& tamen hi homines (quæ mortalium de-  
mentia est!) *beati* creduntur. Agnovi  
verissima senis dicta, & tacitus vana ho-  
minum studia incusare coepi, qui tan-  
tum operæ caducis fortunæ bonis con-  
gerendis impenderent, animum verò in-  
cultum, virtutis & sapientiæ prorsus in-  
opem relinquerent. Sed interim hære-  
bam adhuc dubius quis tandem vago iti-  
neri terminus foret; Ille, ut me pressis  
labiis murmurantem, & crebros identi-  
dem singultus emittentem, videret, Sed  
quidni, inquit, festinamus ad *Philosopho-  
rum conventus*? illi enim soli se Deorum  
convivas perhibent. Nec longum inter-  
cessit spatium, adeò jucunda falsissimi  
comitis dicteria decurtabant viam, quin  
*Epicuri Gymnasium* accessimus, domum  
*Natura*, non *Ars*, fabricaverat, con-  
fertæ



tertæ per intervalla vites umbrōsam fo-  
cerant, & nec ipsi Soli perviam; ubique  
sedilia è vivo saxo erant; quibus hinc in-  
de saginati nonnulli discumbebant; in  
medio semper recens vini liquor ex pe-  
renni currebat fonte; ibi quidam, obeso  
magis ventre (huic enim qui graviori  
pollet corpore conceditur purpura unā  
cum gravitatis titulo) è vimineā cathe-  
drā differebat fortè de *Vitellii convivio*,  
quot illic dapes, quā longè allatæ a-  
viculæ, quæ exhausta comparandis pis-  
cibus maria, & quæ convenirent singulis  
ferculis condimenta; ubi aliquot magno  
labore expressisset sententias, implet ex  
fonte cantharum, quo deterſo, post-  
quam aliquandiu screavisset, & barbam  
bis terve demulsisset philosophicam, ad  
pensum redit; tum *Helio galum*, *Sar-  
danapalum*, *Apicium*, & nescio quot,  
— *Epicuri de grege porcos*, *usque ad*  
*Deos* devehit, dein instituit, in-  
ter *Græcam* luxuriam & *Romanam*, com-  
parationem, & tandem concludit, ne-  
minem adhuc ad illum *felicitatis apicem*  
per-

pervenisse, quo ipsi nunc fruuntur; interim auditores, *Baccho* & somno gravati, nictando annuebant, aderat enim tibicem qui post singulas dicentis periodos, veluti inter actus scenicos, personaret illam apud *Homerum* cantilenam,

Οὐ μὲν ἔγωγε τί φημι τέλος χαριέστερον εἶναι  
ἢ ὅταν εὐφροσύνη μὲν ἔχη καὶ δῆμον ἅπαντα

Et saltaret illud *Horatii*,

*Nunc est bibendum, nunc pede libero*

*Pulsanda tellus* —

Miseri sanè homines (ne pecudes dicam potius) qui cùm libertatem, individuum felicitatis comitem, aucupari videntur, ventri & affectibus turpissimè inserviunt. Festinamus ergò ad *Academiam Platoniceam*, locum nemorosum *Palladi* olim sacrum, nunc verò nocturnum habitatum, & ferali carmine resonantem: nullos hìc offendimus philosophos, nedum Philosophorum vestigia, tantùm depicta quædam in parietibus simulacra quæ idè olim dicebantur, eaque longè

vetu-



in vetustatis rubigine corrosa apparebant:  
verum ubi interiora loci penetralia intra-  
mus (juvabat enim omnes aditus explo-  
rare) videmus aliquot non unius gentis  
nec habitus homines, intentis oculis spe-  
culantes, idq; tanto supercilio, ut ex  
vultu facile esset divinari, eos non soli-  
tum aliquod aut usitatum opus machina-  
ri: extemplo fervet vario opere erga-  
stulum, hic nova *Mathematica* instrumen-  
ta fabricat, ille radios *Geometricos* corri-  
git, alter inauditas *Musica* chordas ex-  
cogitat, alius Naturæ novas leges, novos  
cursus imponere conatur, singuli singula  
diverso, eoq; non vulgari, modo fabrica-  
bant. Ego inanem hominum industriam  
mirari non desii, et quid verò (inquam)  
moliuntur formicæ istæ? an Solis plau-  
strum deficere credunt, & fabro carere qui  
resarciat? eoq; novum axem substernere  
conantur? Tum ille, Opportunè verò  
rogas, inquit, jamdudum enim gessivit a-  
nimus enarrare vesanum hominis ingeni-  
um. Postquam *Peripatetici* umbras *Pla-  
tonicas* fortiori spirita difflavissent, eo-  
rumq;

rumq; nomen ultra *Græcia* terminos flou-  
 ruisset, desertæ & despicatæ stabant istæ  
 ædes, abierunt *Musa*, & tristi bubonum  
 clamori locū dedere, donec post aliquot  
 exacta lustra *Chymici* quidā in hisce pla-  
 gis errabundi, satis perspectā loci natu-  
 rā, inhabitatam domum occuparunt;  
 hi, cum *Mycillo Lucianico*, nihil præter  
 aurum somniabant; *Mida* votum se ade-  
 pturos non dubitabant, ut solo tactu  
 quidlibet in aurum converterent; et quid-  
 ni? cum *Apollo* ipsis jam nunc asininās  
 aures concessisset: huc ollas, vitrea, fol-  
 les, et id genus instrumenta, ad instru-  
 endam officinam necessaria, adducunt; in-  
 sudant fornaci adornandæ; instaurant  
 focum; carbones lance libratos distri-  
 buunt; tacitè semper supputantes, si  
 uncia pareret quādecim, quantus proven-  
 tus esset ex uncis bis milli rediturus. Tan-  
 dem verò, ubi spem frustratā cernerent;  
 ubi se magno conatu nihil agere viderent;  
 nec *Terra* parens amplius suppeditandis  
 carbonibus sufficeret; aufugerunt una  
 omnes, domumq; fumo repletam, sparsis  
 hinc

hinc inde ollarum & vitreorum fragmen-  
tis, reliquerunt. Postea intacta sem-  
per manserunt limina, usquedum acces-  
serunt isti, quos vides, nugatores, scilicet  
fanatici cerebri homines, qui postquam  
aliquamdiu in orbe hoc imaginario,  
inter deliramenta & ægrorum somnia,  
versati essent, huc contendunt, totum-  
que speculationibus suis implent domi-  
cilium; appellant se, novo nomine,  
*Fratres Roseæ Crucis*; promittunt per-  
fectam, si Diis placet, omnium scien-  
tiarum & artium institutionem; novam  
*Philosophiam, Arithmeticam, Geometri-  
cam, Musicam, Astronomiam*, è cerebello  
suo effingunt; metuendam etiam est,  
ne novam Mundi cudant fabricam; at-  
que, ut majorem apud imperitos fidem  
faciant, jactant secretam, nescio cu-  
jus Numinis, inspirationem; libros o-  
stentant longè ante

—bellum Thebanum & funera Troja  
conscriptos, à Deucalione diluvii tyran-  
nide, nescio quo modo, conservatos,  
& ad suas tandem manus, longâ patrum

traditione, deductos, ubi verò ad rationes, & ad libros ventum est, fungi meri sunt, & nec Umbræ Philosophorum. Conjectabam statim cujus farinae homines essent, insulsi novatores, qui, quoniam communem nolunt calcare semitam, per colles, saxa, & lacus incedere gaudent.

Ab *Academiâ* digressi ad sinistram deflectimus, ubi aliquot emensi stadia *Stoam* pervenimus; locus angustus erat & spatiosus, numerosus confluxus, & satis amplum observationis nostræ theatrum, verùm ingressi (proh Deum fidem!) qualem hîc invenimus novam palæstram! *Tartarum* crederes inferorum, ubi scelerati plectuntur manes, aut tragicam *Thyestis* domum, adeò varia illic tormenta, supplicia, cruciatus, centum patibula, nec pauciores *Ixionæ* rotæ, secures, gladii, furcæ, funes apparebant, alius laqueo sibi vitam eripit; alteri aptantur compedes; alius percussorem exosculatur, & importunis precibus excitat ad accelerandas plagas; alius

alius ferro obvium, vultu hilari, offert corpus; *Socrates* etiamnum a *Xantippe* sua vapulat; quid multa? quilibet suos patitur manes, & quò quis magis premittur, eò *felicior* & major à cæteris habetur. Mirabar sanè ferreum hominum genus, qui miseras istas & pœnas nihili facerent, sed intrepido vultu quosvis casus subirent: simulque misertus durissimi infortunii, ô sancta, inquam, cœli numina, quid isti miseri perpetrârunt sceleris? quid indurata cerebra tanto dignum supplicio excogitare potuerunt? at verò

——— *Quid volvere casus*

*Insignes pietate viros, tot adire labores,  
Impuleris? ———*

Nullane ergò vobis bonorum cura? nec variæ quicquam virtutes in adversam fortunam valent? an potius reliquos omnes intactos præteritis, ut in una horum capita gementur pœnæ?

——— *jam jam nec maxima Funo,  
Nec Saturnius hac oculis pater aspiciet  
aquis.*

Hicce ob murmurantem dictis interpellat senex, et mitte, inquit, muliebrem miserationem; cave Deos incuses injustitiæ, falsamque illis culpam impingas: si autem, quos vides, non ferunt istas plagas, sed accersunt, sponte suâ miseri sunt,

Αὐτῶν μὲν σφετερήσιν ἀτασθαλίῃσιν ὄλονται.

Quia & hoc non exiguam *felicitatis* suæ partem statuunt, tum sese maximè *felices* credunt, cùm maximè sunt *mi-  
seri*. Vides illud macie et fame confectum corpus, is non minùs sibi applaudit quòd ventrem domuerit, quàm si totam *Asiam* devicisset. Is, qui variis involutus vestibus vix lacertos potest tegere, se credit regem esse; alter, cui famelicum marsupium ne obolum sup-  
peditat in prandium, *Cræso* se ditio-  
rem jurat. Quòd si quis fortè Deus vana eorum somnia vera redderet, & hunc regem, illum divitem faceret, næ illi indignarentur planè, quibus imaginaria,  
hic

— extorta

— — — *extorta voluptas,*  
*Et demptus per vim mentis gratissimus*  
*error.*

Occurrit mihi tum lepidum *Plutarchi* dictum, quò *Stoicos Philosophastros* irridebat : πλάσιον μὲν γέγονεν, ἐρανίζεσθαι δὲ σφοδρὴν παρ' ἐτέρων. Βασιλεὺς μὲν ἐστὶ, μισθὸς δ' ἀναλύσει συλλογισμούς. Ita incedimus per medias vapulantium turmas, cū nova statim sciscitandi ansa præbetur. Erant nonnulli unius habitus homines (sed prioribus *Stoicis* nequaquam similes) qui mendicantium more obambulabant, & crebris se identidem verberibus mace-  
rabant; caput rasum erat, facies squalore perfusa, corpus tegebat cilicium, restis erat pro cingulo, pedibus nudis incedebant: ego spectrum aliquod verebar, adeò illi omnes larvæ et umbræ mortuorum videbantur. Tum *Cynicus*, sunt, ait, ex *Monachorum* grege qui se *Capuchinos* appellant, induratae cutis homines, quibus unum opus est, scapulas flagellis excruciare; & summa voluptas, suas ostentare misérias; pecu-



niam contingere religio est, isto, quo vides, vestimento, sine famulatio; sine viatico; totas pererrant regiones, et in quem

\* Non omnes sumus istius modi.

... quia eadem vestis regit multos bonos viros induit. Comradus in Erasmo. Francisc. πῶς οὐκ ἔστι.

finem scilicet ? \* nempe ut aurem popularem captent, & evanidâ fucatâ sanctimoniam famâ intumescant. Verum, cum in istam jam rem incidimus, enarrabo tibi novam *Stoicorum*

gentem. Accesserunt huc nuper è vestris novitii quidam, qui, cum a reliquis familiis rejecti essent, in hæc sese castra contulerunt: non illi adeò paupertatis et ignominiam cupidi sunt, imò lucrum ex qualibet re, quocunque modo congestum, non dedignantur; jejunia oderunt magis quàm fauces *Erebi*; injuriam leviusculam usque ad aras ulcisci student, tantum abest ut forti ferant animo, jactant tamen nuda nescio quæ persecutionis & tribulationis nomina; ludibrium populi, vulgi sterquilinum se haberi gloriantur; fatum, plusquam veteres illi *Stoici*, crepant, id illis instar

*Sciti*

*Senti Vulcanii* est; si quis ex iis in adulterio deprehendatur, aut perjurii reus sistatur, coram iudice inevitabili sese illud necessitate perpetrâsse aiunt; homines censorio supercilio, et qui usque a cunabulis sapiunt; solos sese sapientes habent, solos *felices*, reliquos omnes *Terra filios*, nec unquam ad *Elysios campos* emeruros; oculatissimi in alienis moribus censores, in suis talpâ ceciores. Tu verò, fili, ( si sapias ) caveas tibi, quantum potes, ab isto hominum genere; *Harpjæ* sunt; virginem primò, & placidum vultum, præ se ferunt, sed rapaces tandem ungues produnt; aliud semper illis in titulo, aliud in pyxide.

—— fronte politi

*Asutam placido servant sub pectore vulpem.*

Perpendi sedulò senis dicta, et, dispareant verò, inquam, male fidi *Sinones* isti, lucemque dehinc intueri vereantur, Et tu, *Phæbe pater*, me a dealbatis parietibus, fucatis professoribus, conserves incolumem. Jam variis sermonibus ali-

quot parasangas eramus prætergressi,  
 cum in mediâ, inter *Academiâ* & *Sto-*  
*am*, viâ occurrit *Lycæum Peripateticorum*.  
 Locus amplus simul erat & amœnus;  
 campi tacitâ fluviorum alluvione rigati  
 continuo flore virebant, & gramina  
 sponte exurgentia a solis violentiâ defen-  
 debat arborum proceritas: ver perpetu-  
 um erat, & *Zephyrus* florum pater toto  
 anno per virgulta leni errabat susurro:  
 hic *Musa* sua agitabant choréas, (11)

—junctæque *Nymphis* *Gratia* decentes  
*Alternò* terram pede quatiebant.

Affecit me mirum in modum loci sua-  
 vitas, adeo ut non parùm solatii ex ipsâ  
 aurâ persentirem; & aut hîc, inquam,  
 quærenda est *felicitas*, aut frustra alias  
 terrarum perlustrabimus plagas. Nec  
 me fefellit genius, continuo enim me  
 deducit senex ad *Virtutis templum*; Tem-  
 plum erat ex marmore constructum,  
 gemmis conspicuum, & pretiosissimis  
 columnis suffultum: in superiori parte  
 per gradus aliquot ascensus erat ad alta-  
 re, cui lychni cerei lumen diei æmulum

mini-

ministrabunt; supra aram *Astræa alata*  
& quasi jam terris valedictura, omnes-  
que virtutes suo singulæ ordine circum-  
fusæ, ex ære fangebantur: hîc nonnulli,  
prono vultu strati, preces effundunt,  
alii sacra faciunt, alii cantu sancti numi-  
nis laudes celebrant: ego defixis oculis  
hæreo, nec minùs veneror sacrifices,  
quàm ipsi *Diam Virtutem*. Tum *Cynicus*,  
eccum istos mystas, inquit! an non ve-  
ri sunt virtutis custodes & satellites? an  
non *summam* spirant *felicitatem*? Rectè  
sanè, si lingua non dissentiret a pectore,  
& virtutem, non solo tenus nomine,  
colerent: at, quod mihi toties com-  
movit stomachum, alia plerisque facies,  
alius animus; quæ verò *ἀνισαγνεῖα*, cum  
nemo sortem suam quietus ferat, sed ad  
ulteriorem quisque dignitatem, ad su-  
periores in Templo locum aspiret, &  
(quod majus est vitium) honorem non  
meritis suis, sed nummis, ambiat? ne-  
quit inflatum ambitione pectus intra li-  
mites suos cohibere; semper ad summa  
tendit, & inferiora quæque despicit;  
inde

inde pullulat avaritia & insana divitiarum sitis; hinc premuntur imbecilles, violantur leges, & nec ipsi *Lares* ab iniuriis tuti sunt; æquum an iniquum sit, quod satagunt, nihili refert, modò in rem suam faciat. Quæ illi *felicitas*, cui peccatus invidia, sicuti *Tityi* jecur apud interos vultur, noctu atque interdium corrodit? qui nunquam lætatur, nisi cum alienam videt miseriam? qui alterius fortunas non alio vultu accipit quàm jacturam suam? cui statutum est, etiam amico inferre injuriam potius, quam ne lædat adversarium? quòd si vexari, ringi, nequis evadat superior, timere, summum bonum dici mereatur, valeat per me *felicitas*;

—————horum

*Semper ego optarem pauperrimus esse bonorum.*

Quid alios referam? *Philosophi* Naturæ cursum scrutantur, interim nesciunt quid Natura requirat; ignari *Astronomi*, dum coelum metiuntur, mentem commensurare nequeunt; *Medici* herbarum vires

vires in medicamenta explorant, animu-  
m languentem ne curant quidem;  
*Grammatici* circa sermones versantur, &  
si forte incognitam aliquam Etymolo-  
giam inveniunt, mirâ sibi titillatione ap-  
plaudunt; *Critici* in alienis operibus de-  
sudant, sua non agnoscunt vicia. Et  
quis, quæso, jam *beatæ* habebitur?  
Ego, cum me spe decidisse cernerem, cre-  
debam enim seni seriò loquenti, quan-  
quam nonnihil dubitabam *pus, Cynicum*,  
quas tandem, inquam, terras pererrabi-  
mus, ut *felicitatem* reperiamus? quos  
casus posuerant Dii? quæ saxa? quæ i-  
tinera, antequam fugientem *Ithacam*  
attingere liceat? Tum ille, siste verò,  
inquit, pedem & querelam, frustra alias  
oras investigabis, *beata insula*, incognita  
hactenus, & nulli unquam mortalium  
premendæ, restant; inanem, si pergas,  
pones operam, nisi malis ad infimas æ-  
des descendere (quò mihi nunc festinan-  
dum est) quod tamen periculo tuo fece-  
ris: nec plura, gradum promovet so-  
lito ocyorem, ego sequor libens certus  
quos-

Quosvis labores tentare, dummodò, ex-  
 acto itinere, voti tandem mei compos-  
 fierem: nec longa nos moratur via (adeò  
 proclivis *Averni* descensus) quin campi  
 se procul aperiunt latè patentés, & mur-  
 mur auditum quasi æstuantis aquæ; stag-  
 num deinde ingens & ripa apparebat, in  
 quâ ibat hinc inde numerosum agmen.  
 Juvabat infelices *umbrarum* notare cæter-  
 vas, simulque causam ex comite quæ-  
 rebam, cur aliæ illic in campis querulæ  
 vagarentur; aliæ verò, quibus nec æqua  
 virtute faveret, nec fortuna, transmittē-  
 rentur. Ille verò, *Charontem* appropin-  
 quantem & ad ripas admoventē videns,  
 vultum despicabundus avertit & in cym-  
 bam defiliit; ego, ne in locis incogni-  
 tis oberrarem, sequor comitem, eique  
 immobilis adhæreo. Cùm jam plenum  
 esset navigium, & portitor ille remos  
 moveret, nec quicquam promovere po-  
 terat (quippe humani corporis pondus  
 obstaculo erat) observat singulos torvâ  
 facie, meditabundus quid in causâ esset  
 quò minùs solito cursu lacum transme-  
 aret;



aret; tandem ubi ad me devenit, mihi  
autem

————— *per dura cucurrit*

*Ossa tremor, gelidusque coit formidine  
sanguis.*

Tun' verò, inquit, ausis sine ramo no-  
stram cymbam intrare? Tune istas in-  
humatus aquas enatare speras, arcana  
forsan olim imperii nostri proditurus? si-  
múlque libratâ à summo capite manu,  
medius fidius jam periisti, inquit; Ego,  
dum ictum declinare cogor, subito (quod  
in turbulentis somniis fieri solet) exper-  
giscor, haud leviter iratis me optato iti-  
nere, et lepidissimo comite privatum  
esse.

At ubi ego jam terrarum sum? an  
inanes me adhuc tenent *umbrae*? an po-  
tius in medio *Musarum* choro versor?  
ita certè est, agnosco coetum Academi-  
cum, simúlque poenitet graviores aures  
*somnio* elusisse; atque utinam aut *somni-*  
*arem* etiamnum, aut ab initio *vigilâssem*?  
sed nec præterita revocare sapientis est;  
nec constantis vestram captare benevo-  
lentiam:

**I**lentiam: Date saltem veniam, Viri, te-  
nui labori; et, qui dramata toties acta  
toties repetita, æquo soletis animo acci-  
pere, jam novam vobis in scenam pro-  
ferri fabulam ne indignemini. Non de-  
precatur simplex *Musa* sententias ve-  
stras; satis illa sibi candoris sui conscia  
est, nec vel lævam suspicatur interpreta-  
tionem, nisi fortè adsint in tantâ candi-  
dorum frequentia maligni obtrectato-  
res, qui, si orationem nostram ad sup-  
plicium suum detorquere ausint, agnos-  
cant prius se meruisse, quas metuunt,  
poenas, et, cum suspicionem frustra tan-  
dem esse viderint, vel inviti nobis inge-  
nuitatis palmam sancitam dabunt. Quod  
si benignior mihi adspiret iudicii vestri  
aure, quam temerè *somnians* quæsi, *fe-*  
*licitatem* in *vigiliis* me nunc invenisse  
profitebor.

\* Vos, meæ deliciae, agnoscite sum-  
mum patris amorem, qui ve-  
stri gratiâ delirare non dubita-  
vit; Vobis ego hoc *somniavi somnium*  
~~vos propter eosdem~~

*Exstinctus pudor, & quâ solâ sidera  
adibam*

*Fama sinor* —————

Siquis proluxius hujus fabulæ inu-  
sio expectet, quod ad mores vestros  
efformandos mentemque excolendam  
faciat, meritò audiet illud Comitorum,  
*Melius hac omnia intus transigentur.* Et  
jam etiam orationem in tantam excrevis-  
se molera sentio, ut languentes audito-  
rum animos diutius detinere verear;  
Vestrae jam succedunt voces, vos quod  
in viribus situm est, agitote.

*Subject. \* Novitii & absurdi authores.*

Dii vostram fidem!  
qualis huc irrepfit pu-  
tidissimorum authorū  
farrago! Subvenite po-  
pulares; cavete ne in-  
ficiatur tantâ contagi-  
one *Academia*; Et tu,  
*Apollo parens*, succurras  
ocyus gregi tuo, & *Pythonem* istum vi-  
rulentum sagittis purioribus confodias.

\* Quos permissum e-  
rat juvenibus hisce aug-  
ineptos sarcasms affli-  
gere, aut insulsos sale  
ingenii conspergere.  
Interea sedet attentus  
Pater & silet, nisi for-  
te effrenata Satyri cu-  
juspiam licentia cen-  
surâ egeat, aut verbis  
moderamine.

Ac

Aëunicum interim hoc ex te lubet quærere, mi primogenite; Cùm isti omnes nova quædam et inaudita priscis seculis protulerunt, quid tandem restat quod nondum repertum est?

Resp: Εὐδοκίμων *Aristotelicus.*

Quod superest, Vos denuò exorandi estis, *Academici*, ut palæstram nostram candore vestro exornare dignemini; ut patris somnium, filiorum nugas, æquo & benigno vultu accipiat. Non adeò vestrum deperimus applausum, ut longis eum precibus impetrare studeamus; nec eò diffidentiae ventum, ut summi *Jovis* causâ mendicare cogamur: tantum si sperare nobis liceat quod optamus maxime, qui ludicra et puerilia tractantes audivistis, ad seria forsan olim, alacriori animo suscipienda, excitabitis.

LUDIO



# LUDIO

## Paræneticus.



Ideor mihi nunquam satis  
mirari posse insulsum illud,  
prolatum nuper, & intem-  
pestivum χαίρε, quòd non  
citius hasce introivit aedes

\* *Adduceatus iste Mer-  
curius, nostrum ante-  
ambulo, quin se, ela-  
tâ voce, Matri Acade-  
mia BONA NO-  
VA attulisse excla-  
mavit; quasi idem*

\* *Accensorum unus  
(quos Academia Bedellos  
nominamus) ad scholarũ  
limina, nobis intranti-  
bus, Clarâ voce pronun-  
ciat, Bona Nova! Ma-  
ter Academia, Bona  
Nova!*

prorsus ei contigisset, quod *Latona* olim  
*Dianam* parituræ, quam sine dolore fe-  
runt filiam suam in utero gestasse, &

D

sine

sine sensu pariter in lucem edidisse; quòd  
 siquis vestrum varias *pregnantis Academiae* curas, ad justum tandem *quadrienni-*  
*um* protractas; diurna siquis numeret  
 discrimina, nocturnas vigilias; siquis  
 denique *quatriduanas*, dudum parturien-  
 tis, angustias revolvat animo; ab eo-  
 dem sanè *Alma Mater* partus sui ἀναίστη-  
 σίαι aliquam minimè omnium passa cen-  
 seatur. Gratulari ergo numerosam adeò  
 enixæ prolem, haud abortivam, et potu-  
 it ille, & nos omnes gratulamur; ut *na-*  
*um* autem, & inauditum, alicui ve-  
 strum jactare, tantum peperisse, quòd  
 aliud est, quàm aut satis foecundam in-  
 curiæ, aut effoetam omninò, & in æ-  
 tatis flexu positam, quantumvis nunc  
 fortuitò parientem, sterilitatis incusare.  
 Nec tamen huc conscendi, Academi-  
 ci, ut antiquum hunc, & jam verè pas-  
 sivum morem, acriori possem Stylo per-  
 stringere, aut per tot annorum series re-  
 ceptam salutandi legem unico sperem  
 momento abrogare; hæc ideò tantum  
 præmissa arbitremini, ne quod à majori-  
 bus

ribus nostris, summo consilio, ratione summâ, constitutum sentio, in transfusum rapiat malesanus aliquis; imò etiam ne quod hodie est dictum bene, sit malè intellectum. Sciatis ergo, florentissimi Academici, nec interea tamen suspicari possum me loqui nescientibus, gemella hæc, *BONA* et *NOVA*, non esse *Mercurii hujus Matrem Academiam*, alto quasi somno consopitam, excitantis; sed nostrum omnium, unius ore, præconis publici vicem subeuntis, proletariam ei felicitatem gratulantium, eamque explicantium lætitiâ, quæ tanta est ut exilire gestiât, nec patitur se intra arctiora angustii pectoris claustrâ contineri. Quin abeat ergo severus ille, contracto supercilio, obductâ fronte, si quis huc ingressit, *Cato*; cui ego non sum dicturus illud, quod proverbio olim jactatum fuit in tetricos nimis & ἀγέλαστος, Ἀκαδημαῖονθεν ἦκεις, *Ab Academia venisti.* *Ab Academia*, dicam, discedas potius, nec importunè nostras turbes delicias, dimque hunc intempestivâ aliquâ gravi-



tate obnubiles, *Serenitatis Diva*, *Lubentina* scilicet *Veneri* consecratum. Nul-  
 lum hîc *Heraclitum* hodie expectamus  
 redivivum, nullum exoptamus *Anax-  
 agoram*, quem per totum vitæ decursum  
 risisse nunquam, immotum aiunt & con-  
 stantem nimis vultum habuisse. Non o-  
 lim hoc postulavit illa *Romanorum Reli-  
 gio*, quæ *Vitulinam* habuit & *Lubentiam*,  
 binas lætitiæ præsides; non *Græcorum*  
 ista, qui *Risui* etiam, in *Deos* relato, fe-  
 stum diem, ludos annuos, & solemnia  
 simul sacra decrevere. Quid *Thessalos* lo-  
 quar, οὐδὲ γέλῳ⓪ veneratione insignes;  
 Quid *Lycurgum* ipsum, severæ quamvis  
 & rigidæ fatis, authorem disciplinæ,  
 qui *Deo Risui* marmoreum simulachrum  
 in *Spartano* dicitur delubro posuisse.  
 Quis magno illo *Platone* diviniore? at ei  
 cum ad humana descendit, non tan-  
 tum conspersa leviter, sed condita pro-  
 fus, sale convivia. Quis castior *Aristotele*  
 at cui tamen hinc inde commistam *Vene-  
 rem* invidemus fortè, minimè exprobra-  
 mus. At nefas sentio, præsertim mihi

hanc a vobis, loquendi saltem, liber-  
tatem implorare, quam, si *Romano* vi-  
vitur *more*, *trium* tantum *liberorum* jus  
merito sibi arrogare audeat, eorum plu-  
quam duplicatus numerus vel mihi vin-  
dicare poterit, vel vobis, licet invitis,  
rapere. Quin habeam hanc facultatem  
mihi concessam ritè, vel utcunque impe-  
tratam, audire videor, Parum conve-  
nit *Paterno muneri* infantilis levitas, mi-  
nùs adhuc *Artium magisterio*, & minimè  
omnium ita celebris ac solemnis futilitas  
locò *Dive Astrae* sacro, feriis tantum u-  
triusque juris controversiis destinato;  
imò, quod ille olim Magistratus nempe  
& viros graves a ludis levioribus coer-  
cendos censuit, ne cum illis *Respublica*  
ludere videatur, idem nobis cavendum  
judicant, verendum idem, ne nostrum  
forte ludente aliquo, ipsa etiam luderet  
*Academia*. Sed hæc finistrâ tantum au-  
re capio, aliud mihi, & diversum lon-  
gè, dextra suggerit. En quos illic astan-  
tes video Patrem filios imbuentem con-  
filiis, feriis scilicet & sanis, derisuros ul-

trò, & tantùm non sibilis excepturos !  
In dubio hæret Paternus animus, utris  
nempe placere studeat, cùm utrisque  
nequeat. Illud mihi video contigisse  
quod agasoni cuidam asinum ducenti ;  
narrabo fabulam lepidam satis, & qui-  
bus non audita priùs, admodum ju-  
cundam.

Adibat, inquam, agaso aliquis, u-  
nà cum filio, emporium publicum, asi-  
num venditurus, qui multùm, metuens,  
ne si ipse, vel filius, asino insideret, is fessus  
viæ & ponderis molestiâ minoris veni-  
ret, pedes ibat, sinistrâ filium, dex-  
trâ ducens venalem asinum, sarcinâ ca-  
rentem; cùm verò eo nomine ab obvian-  
tibus satis lautè rideretur, quòd bestia,  
scilicet ad labores nata, parcere studu-  
isset, primò filium asino imposuit, is, ut  
decurrit amantem patrem, à tergo se-  
quebatur : vix viæ aliquantum pro-  
gressus, ab aliis fatui nomine salutatur,  
quòd senex ipse, ac pannis involutus,  
titubante gressu iter faceret, puerum,  
firmis ire pedibus potentem, & satis  
expe-

expeditum, asino anteduceret; jubet  
protinus puerum descendere, clitella-  
rium ipse conscendit asinum; nec mul-  
tum hic itineris confecerat, quin denso  
respicit sequentes agmine, qui

*Ingeminant tremulos naso crispante  
cachinnos,*

quòd cùm, adjuncto puero, uterque si-  
mul asello vehi commodissimè potuisset,  
illum pedibus ire pateretur; quibus se  
satisfacturum sperans, tollit puerum,  
& advertenti præbet populi frequentiaë  
fatis amplè onustum asinum; vix au-  
tem oppidum intrârat, cùm, protenso di-  
gitorum indicio, mox plausu manuum,  
sublato dein clamore, hospitem undique  
incesserunt. O senem delirum! O asel-  
lum miserrimum! sub tantâ sarcinâ il-  
lucò ruiturum. Tantum est, pueri illum  
lapidibus insectati asinum concitârunt,  
is ita ultra modum moremve provoca-  
tus, utrumque dominum in lutum ex-  
cussos, ter, pro formâ, petitos calci-  
bus, labrisque coeno pulchrè notatis,  
ter, ut priùs crissante caudâ civiliter ab-

sterfos, valere iussit, & levatus onere festinantiùs discessit.

Habetis fabulam, utinam non de me, & meis hisce filiis, narratam, quibus ve-reor nec singulis licebit, nedum junctis, sine vestro nonnullorum cachinno, asino infidere. Quòd si fortè nullam patris confecti senio rationem esse adhibendam senseritis; at filiis saltem ætatulam su-am, tenellam adhuc, id a vobis obtine-re patiamini, ut eorum singulis, alter-nâ vice, asinum, tantùm risu venalem, liceat conscendere, & quod possunt ma-ximum, pretium aucupari. Nec vestro-rum tantùm antecessorum exemplo, quos putetis interim pronioris affectus, & ni-miùm facilis reos indulgentiæ, coacti potiùs, quàm invitati, videamini hoc, quicquid fuerit, licentiæ daturi, quam olim plurimis, alibi gentium, permissam legimus, & absque omni dedecoris notâ, plenâ quasi manu, impertitam. Inole-vit enim hæc *Hilariorum* festivitas in *Mercurialibus* apud *Cretenses*, *Sacea* festo apud *Babylonios*, *Peloriis* apud *Thessa-*  
los,

los, Saturnalibus apud Romanos, ut & Nuptialibus, & quidni etiam apud nos eadem suâ celebritate perfruatur annuis hisce nostratium Natalitiis? Taceo hîc solemnem illam exercitationem scommatum apud Lacedæmonios, à Lycurgo institutam; *τεφυγισμὸν* ipsis etiam Athenis observatum, ubi, in festo *Chœum Lenæisque*, comessantes, vecti curribus, & deridebant obvios, necnon conviciis provocabant; eousque hac in re prorupit quondam & Socratis illud, et ipsius etiam Ciceronis, ingenium, ut ille Atticus, hic itidem Consularis, Scurra publicè diceretur. At nobis tantum ingenua placet & literata lætitia; dicteria omnia, lascivam omnem scurilitatem amolimur, quam tamen si nostrum aliquis inexpectatò hodie concipiat animo, & lubricâ linguæ incontinentiâ, parum tempestivè, effutiat, putetis obsecro, humanissimi Auditores, quod de suis Ximènius ille, Complutensis nempe Academiae fundator, Scholæ id esse ebullientis spumam, suum ilicò fervorem repressuram.

*Antoni-*

*Antonius Panormita*, Dilectissima mea  
 & pulcherrima progenies, suavis admodum & facetus vir, interrogatus olim, ad rem uxoriam jucundè satis & concorditer agendam quibus maximè opus esse futurum duceret, duobus respondit, *Vir ut aurium surditate teneretur, Uxor autem oculorum cæcitate*; ne scilicet maritum hæc intemperanter plurima agentem conspiceret; ne uxorem ille rixantem audiret, & assiduò gannientem. Cum meipsum pariter *Patrem* undique salutatum audio, nec memini me aliam aliquam *uxorem* duxisse; quàm, quæ vestra cluet *Mater, Academiam*; quò felix faustumque magis in posterum fiat hoc nostrum, qualecunque, conjugium, nemini scelus & flagitium, minimè expiandum, videatur, si hodiernam ei cæcitatem imprecarer, si mihi ipsi crastinam surditatem: quàm enim vellem, ut nec illa me vobiscum hodie agentem  
 levi-



leviter, & infra quàm quod Paterna gravitas pati debeat, ludentem, conspiceretur, nec ego illam in utramque aurem cras & perendiè audiam detonantem: Utcunque fuerit, quod jam antea *Epicurus* dicitur uni ex studiorum confortibus scripsisse, idem ego vestrum cuivis dicturus sedeo, *Hac non multis, sed tibi, Sat enim magnum alter alteri theatrum sumus.*

Moris erat apud *Romanos*, constituto die filios profiteri, & Actis publicis nomina inferere: Utrumque me pro solito nostro, non longè ab illorum diverso, in amplissimo hoc hodierno conventu, facturum sensi, et fecissem fortè, nisi quòd me jam tandem memini vos omnes huc *anonymos* adduxisse. Id ergo mihi incumbit primò, ut unicuique vestrum votivum aliquod, & ab oscine acceptum, *nomen* imponerem, res quippe non sine delectu aliquo, et futuræ vestræ conditionis auspicio, temerè ob-eunda: Quòd si ergò omnes futuri estis

*Theologi,*

*Theologi*, *Theophrastos* par est, aut *Chrysostomos*, nominarem; sin *medici*, junctis ominibus, *Hippocrato-Galenos*; sin autem fortè *Consulti Juris*, ne erroris cuiusquam rei teneamur, quod in Jure esse periculosum nôstis, dicerem *Codico-Baldo-Bartholo-Pandectas*. Nec me primum invasit hæc qualiscunque *ne-minis* imponendi religio, aut, si malitis *anxia & sollicita superstitio*; nam scriptum reperi de nescio quo, filios suos præstantes scilicet *Jurisperitos* evadere cupiente, quod uni *Bartholus*, alteri *Baldus*, nomen indidit, tertium autem, cum in foro *Codicem* sæpe citatum audivisset, & hoc maximi alicujus Juris interpretis vocabulum arbitratus, *Codicem* appellavit: Amplector omen, et filium meum natu maximum, quem non tantum peritum juris futurum autumo, sed literaturæ omnis statuo candidatum, non simplici auspicio, *CodicEM*, sed, impacto numero, *CodicES* potius dictum volo, hoc est scilicet, *Bibliothecam* ambulante: Cæteros omnes, quos uno

uno est enixa partu *Mater Academia*,  
et uno velim signatos nomine, eo nem-  
pe quod ridiculum Caput opportunè  
mihi obtulisse videatur; Nam dum *Fa-  
son* aliquis, magni nominis inter Juris-  
consultos, de superiore loco *Papia* præ-  
legeret, multisque accersitis authoribus  
subjiceret, *Et Alexander ab Imola*, ac  
*Sequaces*, quæsiuit quidam ex assidente  
sibi, quis ille *Sequaces* esset, quem Præ-  
lector nominavit, putavit quippe ex  
*Glossatoribus* unum hoc nomine appella-  
tum; felix error! quem ego, quamvis  
risu olim & cachinnis exceptum, lubens  
sequor; Te ergo, mi primogenite, *Co-  
dices* appellabo; reliquos omnes, quos  
et juxtà literatos tandem futuros spero,  
tui *Sequaces* dictos volo. Jam autem,  
cùm filios habeo auspicatis adeo nomini-  
bus exornatos, hæc est mihi secunda  
cura, ut dimittam sanis instructos con-  
siliis, & contra omnem sævientis For-  
tunæ impetum abundè præmunitos.

*Misce stultitiæ consiliis brevem,*  
cecinit olim *Poëta Venusinus*; a quo nisi  
tem-

tempestivè admodum fuissem monitus, ego certe seriò eram, &, quàm potui, sapienter omnia vobis consulturus; nunc autem aliud longè paterni affectus habeatis pignus, *Seneca* mei utor sententiâ, &, quicquid alis videatur, *hand tarpe duco cum re* (præsertim hodiernâ) *consilium mutare*, ut & vobis mutandi ansam, factò æquè ac verbis, administrem.

Ea quippe, quæ conatu tanto, tantis sudoribus, ab ineunte ætate didicistis, jam tandem esse abjicienda protinùs, &, quàm potestis primùm, dediscenda præcipio. Sciatis enim vos pullos esse verè aquilinos, ad *Solem Academicum* jam *quariduo* exploratos, quibus supra nubes volandum est, nec in imâ hac scientiarum vulgarium septicolli valle (ab *oxymoro* mihi non metuo) muscas capiendum.

De *Grammaticâ* primùm, præsertim *Gracâ*, jam olim spero fuisse conclamatum; siquas autem *Latina* reliquias coactâ memoria invitas detinuerit, quod pictor ille apud *Ælianum*, *Homerum*, scilicet

scilicet Poetarum patrem, vomentem  
pinxit, reliquos Poëtas illius vomitum  
avidius elambentes, vobis meritò imi-  
tandum propono; haustâ nempe gene-  
rosissimi vini, primo præsertim mane,  
amyctide, eluatis omnes, & jejunioris  
stomachi, crudiorisve potius eruditionis,  
tyrunculis abliguriendas relinquatis.

Nec est, filii, cur, si res et occa-  
sio postulaverit, jacturam hanc nullo  
modo, arte nullâ, reparandam vereamini,  
quæ cum multis resarciri possit,  
eâ optimè quam non nisi Magister artis,  
& Latinæ linguæ perpetuus Dictator fu-  
turus *Cicero*, exercuisse dicitur; Nam  
cum *Pompeius Magnus* doctissimos  
*Urbis Romanæ* viros super hoc consuluit,  
*Utrum in Ade Victoria Tertio, an Ter-  
tium Consuli* in di debuerit, ut, dissen-  
tientibus, iis adierit *Ciceronem*; ille,  
ne hos vel illos videretur improbasse,  
suasit *Pompeio*, ut, omisâ terminatione  
omni, triviali re, nec tanti aestimandâ,  
brevitatis ergo, *TERT.* scriberetur;  
Pariter & vos, si Latinè fortè scriben-  
dum

dum fuerit, & ex præscripto meo, vo-  
 bis abfuerit puerile illud, quod *Gram-  
 maticam* vocant; si verba solum qua-  
 drante defecerint, scribatis, velim (ut  
 loqui solent, haud omninò irritò co-  
 natu, infantiles artifices, quibus licet  
 gestu perficere quod voce nequeunt)  
 verba *tertiata*. Sed & alia adhuc tentan-  
 da est, quæ vobis etiam, Latinè locu-  
 turis, poterit inservire. Id ego tacitè  
 cuius vestrum, & in aurem dico; Peri-  
 culosum esse æstate mediâ Latinè fabu-  
 lari; sin autem hyeme imperfectas vo-  
 ces & defectivas proferatis, juretis li-  
 quidò a vobis integrè prolata omnia, at  
 quartâ parte ab intemperie hybernî fri-  
 goris esse congelata: Res certè utcunque  
 vulgo & fœci hominum minimè pro-  
 banda, à doctis tamen, & in naturâ re-  
 rum exercitatis, optimè intellecta, ut  
 explorata: nam majus est quod eorum  
 nonnulli scriptum reliquerunt, *Antipha-  
 nem* quendam, unum è familiaribus *Pla-  
 tonis*, dicere solitum; In quadam *Scy-  
 tharum* regione tantam esse frigoris hy-  
 berni

berni sævitiam, ut vel ipsa verba ore prolata in medio aëre tota congelascerent, nec, priusquam æstatis calore dissolvantur, audiri posse, nedum intelligi: Quod si vobis nonnulla vocabula ex toto (ut aiunt) & integro defuerint locuturis, fingatis nova, ad placitum vestrum, & satis pro imperio, linguæ *Romanae* inferenda, delectu quorum percussis adversariis, aliqua inde tantorum nominum dimissa fuerit in populos notitia. Sic, apud *Ciceronem*, cum Orator quidam *Supputatilica* protulisset, adversarius verbi novitate attonitus, *Supputa*, inquit, ô Judices, quid sit scio *Tilica* verò nescio, ex eo autem insidiæ verendæ. Hæc de *Grammaticâ*.

De *Rhetoricâ* quicquid sit quod retineri debeat, est unica *Ironia*, idque eò ut quod falsò fuerit, aut incongruè dictum, quacunque in re ab artis cuiuspiam, imò & morum, regulis recessum, *Ironicè* dictum, & factum, fateamini.

*Dialectica* ars est, ad canes scilicet venaticos releganda, a quorum instinctu



aut acquirendam hominì exercitatricem  
Rationem, aut perficiendam eam quam  
connatam habeat, agnoscere dedigne-  
mini.

In *Ethicâ*, siquem omninò progres-  
sum feceritis (de speculativâ loquor,  
nam spero vos aut non tentâsse practi-  
cam, aut rariùs attigisse) ob id unum  
seria est agenda poenitentia, quippe ad  
quam *ἐπίπτοις*, quod aiunt, *χρεόν*, &  
ex ipsius Philosophi sententiâ, inidonei  
prorsus auditores accessistis.

*Naturalis Philosophia*, vel ipsius no-  
minis inauspicati gratiâ, est meritò re-  
spuenda, ne parùm scilicet sapientes ha-  
beamini, &, ut nostro loquimur idi-  
omate, *merè naturales*: nec certè aliter  
fieri possit, quàm *vanâ* hac *Philosophiâ*  
abdicatâ, ut puri puti facti Theologi,  
ad *Novam Angliam*, Angelicis illic con-  
cionaturi animis, sitis promovendi.

Cùm estis tandem a molestâ harum,  
aliarumque artium, scientiarumve, sar-  
cinâ liberati, quodcunque fuerit in  
*Theologiâ* maximè reconditum, quod  
in

in *Medicinâ* desperatum, quod in *Fa-*  
*risperitiâ* clamoribus controversum, &  
vix tandem facto silentio, minimè defi-  
nitum, illud primum, nullis freti harum  
doctrinarum principiis, nullis omnino  
præcognitis instructi, audacter admo-  
dum, & consternato parùm animo,  
vultuve, volo, aggrediamini. De  
*Primo Ente*, quid præcisè sit, quid eti-  
am secum ante jacta Mundi fundamenta  
decreverit, non aliter vos pronunciare  
jubeo, quàm illi olim singula nempe fi-  
la monstraturi rudentum omnium istius  
navis quam *Myrmecides* fabricatus est, a-  
piculâ contactam.

De febre, illo Medicorum ludibrio,  
qui præsentia haud promittunt remedia,  
apud vos, Filii, aut ἀνιάτοιοι, aut ἀνέ-  
τεστοιοι, nec *Medici*, nec ipsi *Medica-*  
*biles*, habeantur.

Quod ad infinita attinet *Furis Civi-*  
*lis ἀνίσθητα*, quæ in *Codice* quondam *Tri-*  
*boniani* inertia, si non invidia potius,  
dicitur peperisse, nullo negotio com-  
ponatis omnia, & in *Adæ Concordia*

*Justiniani* Imperatoris *Manibus* consecratis. Eadenique sit cujusque vestrum cum peritiâ summâ juncta singularis modestia, ut vos illud scire, & tantum illud fateamini, *n. scire nihil*. Hujus ad eô Catholicæ scientiæ siqua apud imperitum vulgus, & credulum nimis, sit ratio adhibenda; si res fuerit ad calculos revocanda, quod facto vos præstituros diffiditis, subtili ingenio & lepidis illud facietis sufficiatis. Profuit hoc *Vati* haud ignobili artificium, & ad summum honoris fastigium extulit, præsentis animi opportuna audacia, qui cum apud credulam plebem se montem quendam, stupendæ magnitudinis, voce tantum locomoturum jactitasset, ejusque prodigii sollicitâ expectatione concitatâ infinita propè populorum undique irruentium turba in unum confluxisset; Is monte ter advocato, ubi surdum esse & immotum conspexerit, parum certè, aut nihil, attonitus, dicitur exclamasse; *Si mons ad Mahometen venire nolit, Mahometes ibit ad montem*; idque cum, ridente

dente magis, quàm exprobrante, populo, aiunt præstitisse.

Unum restat de consortio monendum. Nolite vos, quod ambiunt nonnulli, in quacunque arte peritissimis conversari, sed ignaris prorsus & maximè imperitis; sic enim estis, per quandam quasi ἀν-περίεσιν scientiæ, singulis colloquiis ad minimum duplo doctiores evasuri.

Cum pulchrè ad eò inverso ordine, & ietextâ methodo, ab ultimâ usque literaturæ metâ Academicæ ad carceres tandem regressi fueritis, me certè iudice, honoris ergo et præmii, non nisi summo *Porphyriana arboris* ramo, in effigie saltem, suspensi, insigne eritis doctrinæ stadium percussuris spectaculum, dignis fortè quod *Diagenes, Cynicus*, cum foeminas quasdam miserè suffocatas in olivâ arbore pendentes viderit, *O utinam possem & reliquas arbores istiusmodi fructu onustas conspicari.*

Sic iussit Pater, Sunt & filii suæ vi-ces subeundæ pariter suaviludii, à quibus hodie litandum *Gratis* et *Veneri* Ge-

*mali*: nec enim illud mihi ultrà sentio superesse, quod ab Hebræis Patribus factum meminerunt, eos infantium suorum corpora sale multo aspergere consuevisse. Tantum est:

Strigosos nolo aut elumbes jocos, sed, quod veteres in suis *Nuptiis*, idem vos in vestris hisce *Natalitiis* faciatis, *Mercurium* juxta *Venerem* collocârunt.

Mordaces absint & aculeatæ facetiæ, non enim hîc *Clementem septimum* expectamus redivivum, qui *sinapi* delectetur.

Aniles omnes, & exoletas, est cur vestro periculo caveatis: Nam *Zeuxim* aiunt, cum ridentem anum ad vivum pinxerat, conspecto opere, aliis negligentibus, præ risu nimio animam exspirâsse.

Accedat tantum subtili venustate, & ingenuâ simul urbanitate, vestita, pileo donatis digna, eruditio; ne *Deo Risui* minimè omnium sacrificare videamini, sed *Derisui* potius ipsi sitis futuri sacrificia.

Summa

Summa est paternæ paræneseos, Seneca verbis parùm immutatis;

Concesso, juvenes, ludite jurgio;  
Concessa innocuis mittite scommata;  
Rara est in dominos ipsa licentia.

Dixi.

---

Postquam juvenes se jocando &  
Prævaricando aliquantisper exercuerint,  
Celebritatem paucis absolvit Pater,  
Et filios reducit.

**I**Nolevit mos apud antiquos, Puerperarum ædibus coronas prætere; si masculo auctæ fuerint, oleaginam; si femellâ, laneam. cujus cùm jamprimùm meminerim, & \* singulorum ca- \* Ritu Academic. piti appensam laneam quasi coronam conspexerim, verebar certè me non hodie filios mecum, ut eram pollicitus,

sed, quod præter morem et modestiam  
fuiſſet, *filios* potiùs, coram vobis lu-  
dentes præbuiſſe: rem tandem reperi; Ad-  
duxi *maſculos*, quos tamen vidi, favo-  
ris veſtri captandi cauſâ, in *fæminas*,  
hoc eſt, *Veneres* converſos; quas quoni-  
am ſuaviter adeò deoſculati eſtis, & ma-  
nibus amplexi, cum Patre ſuo, habe-  
tis iterum in *Gratias* transformatos; Ve-  
ſtrum, veſtrum eſt, ſpectariſſimi Acade-  
mici, & has æquis animis excipere, &  
quod *Amphitryonius ille Jupiter* apud Co-  
micum.

*Si quid hodie dictum eſt per jocum,  
Non æquum eſt id vos ſeriò prævortier.*

Dixi.

Adverſus





Adversus  
*Rhetoras formularios, cum*  
*Seneca Troada aperuit*  
*Cantabrigiae.*

*Ornatissimi Juvenes, & spe saltem, pu-*  
*bes oratoria,*

**Q**uotiescunque ego umbram  
 hujus suscepti muneris, &  
 nomen tantum, *Rhetori-*  
*ces* nempe *Praelecturam*, con-  
 sidero, sive illud ipsius rei  
 naturâ flagitante, sive animo nostro per-  
 fectionem nimiam, nimiam quandam æ-  
 reiſſetæ, ambiente, à me toties soleo  
 postulare, & irato mihi extorquere vel-  
 lem, quod in ante decurso, vel vitæ,  
 vel

58 *Adversus Rhetoras formularios.*

vel melioris literaturæ, curriculo, nec ipse me, ne mediocriter, novi præstare potuisse, nec ab alio quopiam de me unquam memini expectari: Quantumvis enim id poterit quispiam, orator alias probatus parùm, non invenisto verborum instructus artificio, fucato aliquo orationis nitore perstringere aures, præsertim minùs exercitatas, audientium, si tamen quoddam magisterium artis, & dictaturam, sibi audeat arrogare, si sublimem adeò regnantis *Eloquentia* cathedram conscendere, nisi habeat secum perpensa omnia, & ad amussim tum veteris, tum novæ simul, *Rhetorices* exarata; nisi eadem ad cujusvis ferè sensum accommodata, quid aliud agit quàm se cuivis, etiam de plebe, differt excipiendum pipulo, ludibriis cumulandum? Quò magis vereor, ne, ut *Galba* olim cantherius in portâ, ita ego in ipso operis, nondum inchoati, primo cogar limine deficere; aut, cum totius artis *Rhetorica* dispendio, novum aliquod, & vobis fortè antea inauditum, ignorantia

rantiaæ meæ velum obtendere. Nec inter-  
eà loci (lectissimi Juvenes) quod, *Strabone* olim, & *Messalâ*, Consulibus, a  
Senatu. *M. Pomponio* Prætori commis-  
sum legimus, de exigendis urbe *Rhetoribus* cogitamus; at, quod aliquot dein-  
de annis, *Domitius Enobarbus*, & *Licinius Crassus*, Censores, ediçto publico cu-  
rârunt, de eis saltem coërcendis consu-  
limus. *Renunciatum est vobis*, (sunt ip-  
sissima Ediçti verba apud *Gellium*) esse ho-  
mines, qui novum genus disciplina in-  
stituerunt, ad quos juvenitas in ludum  
conveniat: *Eos sibi nomen imposuisse La-  
tinos Rhetoras: Ibi homines adulescentu-  
los dies totos desiderare.* Et interjectis non-  
nullis. *Hæc nova, qua præter consuetudi-  
nem ac morem majorum fiunt, neque pla-  
cent, neque recta videntur.* Utinam nobis,  
eâdem libertate, dummodo pari autho-  
ritate suffultum, in hodiernos *Rhetoras*,  
(proh dolor!) non jam novos appel-  
landos, sed vetustate nimia efferentes  
sefe, & incautæ admodum juvenuti im-  
ponentes, ediçtum quoddam liceat præ-  
scribere

scribere; aut eos apud facundum Judicem, & literatorum omnium suffragiis comprobatum, æquum eloquentiæ arbitrum, incusare. An *ars* esset, quæ dicitur *Rhetoricæ*, variè fuit, & in utramque partem, à veteribus disputatum; Negantes prorsus sperabant se *Platonem* esse patronum habituros, in cujus *Gorgia* maluit *Socrates* eandem tantum nominare *ῥητορικὴν*, & *ἐμπειρίαν* potius quam *τέχνην*, nominare; quod si ipse divinus Philosophus, seu nescio quis in *Socrate* personatus, putetur suam sententiam adumbrasse, *Platone* magno non minor *Aristoteles* in *Rhetoricis* suis (nisi malitis authorem *Theodezen*) eandem multis satagit refutare; quem tamen audio hanc artem suam non circa proprium aliquod & definitum genus, sed incertum versari, satis quidem ingenuè confitentem; quasi illius vitæ defuncti sepulchro (non, ut fertur, *Deo dote Rhetoris*) lapideum corvum *Marcus Cicero* insculpi imperasset, & inscribi illud, *volare docuit, non orare*, *Aristoteles*

*Adversus Rhetoras formularios. 61*

teles. *Chrysippus* maluit scientiam dicen-  
ti, quàm artem, nominari; *asum Critolaus*;  
alii facultatem; potestatem nonnulli; &  
*Fabius* ille *Platonis* vindex, *Rhetorica*  
artis assertor maximus, haud constans  
sibi, videtur sanè ad vocem satis ambi-  
guam contugisse, vim nempe, quam  
*Græci* δυνάμιν, quasi ad quendam defi-  
diæ portum, & (præfiscinè dico) in re  
dubiâ ἀποφύγετον ignorantia. Quin ha-  
beant sibi rivales isti suam, quam de-  
pereunt adeò, *Argivam Helenam*; cluat  
τέχνη ars *Rhetorica*; habeat præcepta ca-  
tholica nempe, aut magis generalia,  
quæ in *Aristotele* amplector multa, in *Fa-  
bio* nonnulla, in *Cicerone* plurima; A-  
quilæ sunt hi, &, ut decet, in nubibus  
dominantur; at quorum tamen implu-  
mes pulli, dum ad nimis singularia de-  
scendunt, quibus modis, quid in quâ-  
que causa dicendum præscribunt, juve-  
nem suum, ut inquit *Vives*, pueriliter sa-  
pere ac loqui docent, & in *Tyberis* aut  
*Ilissi* alveum, irritò labore, conantur  
ipsum Oceanum corrivare; quos ego pe-  
nè

nè dixeram *Statores Oratoria*; non quò  
 eam, acceptâ clade, *Stiterunt* fugien-  
 tem; sed potius quippe captivis inge-  
 niis, liberè se, & prudenter satis aliàs  
 jactaturis, serviles adeò compedes injece-  
 re; aut, quasi lege *Pompeia* nuper de no-  
 volatâ, impositos velint frænos *Elo-*  
*quentia*. At vos, Juvenes, arripite citò  
 quæ vestra est, genuinam loquendi, & o-  
 randi, libertatem, (non procacem inte-  
 rim licentiam indulgeo) hanc sartam vo-  
 bis rectamque tueamini. Quod ad me  
 spectat in munere hoc qualitercunque  
 obeundo, *Prælectorem* vestrum nec illi  
 sequacem, nec in eorum præceptis vos  
 estis ducem habituri. Ad *Palladis* potius  
 & *Mercurii* connubium (quod *Antiquitas*  
*Hermathenam* vocabat) sitis invitati, ad  
 prudentem volo, nec minùs eloquentem,  
*Tragoedum Senecam*, grandem verbis,  
 crebrum sententiis, materiâ pressum  
 & pensitatum; qui, inter alia ad invi-  
 diam probi hominis conficta, ob hæc  
 præsertim, *Dii boni*! quanta piacula!  
 non nisi ipsius *Majestatis læsæ* reus age-  
 batur

batur, nempe quòd, *Nerone* perorante,  
& versus faciente, ausus esset *Eloquen-*  
*tia* laudem sibi, ut aiunt, uni ascivisse,  
& a quo crebrius carmina factitasse. Nec  
quòd vobis *facultatis* scilicet *Oratoria*  
candidatis *Poëtam* proposui, aut cul-  
pam mihi deprecandam sentio, aut a quo-  
vis veniam impetrandam, dum ipsum  
*Fabium*, in eruendâ *Artis* suæ vetustate,  
ad *Poëtam* video *Homerum* fugientem;  
nec jam primùm habeatur *Poëtica* *Συμ-*  
*πογία* quædam popularis oratio. At si-  
quis alius *Poëtarum* uspiam, id noster  
*Seneca* nunquam non putetur præstitisse,  
quod ait apud *Platonem* *Callicles*, ἐν θεό-  
της πρὸς τοὺς ἑταίρους. Id tantùm superest, Si  
nemo nisi vir bonus, secundum *Fabii*  
*Quintiliani* sententiam, *Orator* dici *perfe-*  
*ctus* poterit, en vobis præbeo *perfectis-*  
*simum*, *Annaum* *Senecam*, quem ob sum-  
mam probitatem animi, integritatem-  
que, partim scriptis, partim etiam mori-  
bus relucens, frendente licet *Dione*  
*Cassio*, de optimo quovis scribente pes-  
simè, pessimè sentiente, *Muretus* et aliū

*San-*



*Sanctum* appellarunt; è cuius scriptis, quod unum addo, si non *orando* sitis *periores* futuri, sitis saltem *vivendo meliores*.

Dixi.



Ad

*Philologiam Antiquam invitatio.*

*Confecto Praelectionum circulo, sic clausit Terminorum ultimum & Senecam.*

**S**Am tandem videor (lectissimi Iuvenes) quomodocunque, meo defunctus officio, & nunc vobiscum jure liberandus ab hac parùm grata molestiâ. Quantumvis illa Antiquitatis monumenta, quibus ego in hoc trium quatuorve Terminorum decursum versabar maximè, instar *Cyri Sepulchri*,

chride \* quo olim diximus, \* In Not. ad Sen.  
non in hortis tantum, (ut  
languidè reddit *Strabonis* in-  
terpres) sed ἐν παραδελτοῖς quidem posita  
videantur, & vireta dici possunt litera-  
ria, ambulachra nempe ad volupta-  
tem æquè vestrum omnium, ac usum,  
destinata. Quò magis invitandi estis,  
ut, delassatis animis per ambages Logicas  
& labyrinthos ambulando, à sinistrâ mise-  
sis novitiorum senticetis, huc diver-  
tami, carpatis poma verè aurea, æ-  
ternitatem vobis unicè vindicantia. Sin  
cui fortè nimis pertinaci in sterquilinio  
magis libeat volutare, fruatur sus, per  
me licet, suis deliciis, & ut verbo di-  
cam, is sit quem ego, verus audaxque  
vates, futurum pronuncio, sempiternæ  
devotum caput Ignorantiæ.

Dixi.

Seneca



## Senecæ *Encomium.*

*Cum, intermisso biennio, resumpsit Praelectoris Officium, & suam Senecam.*



Rodeo iterum, Charissima Juventus, repetitâ hujus, absoluti olim, officii vice, nescio an *Rhetoricen* ornaturus, an progressurus potius, res magis ardua, *Criticen* exercere. Deposui tantum, non abjeci, meum *Senecam*, Scenæ tyrannum, *Orchestram* unice *Romanam* quatientem; et, ignito *Eloquii* curru latum, ardentem facundiam è nubibus fulminantem. Nec enim intra privatos lares quisquam est quo magis possum languescentem mihi animum erigere, & intercalari quadam suavitate delinire. Sequor *Medeam* vindictæ

vindiçtæ saturam, & pendentem in aëre hyemem calcare videor, vipereo triumphantis curru alligatus. *Hippolytum* lego? exulare cogo importunam libidinem, & sanctissimum illud *Castitatis* sacrarium soleo venerari; cujus malediscerptos artus dum infelicem video *Thesea* componentem, nictantes seni oculos sustineo. & trementem figo manum perhorrescens. Quid dicam cætera? Excecatur se scelere convictum *Oedipus*, & suos mihi largitur oculos, quibuscum videam olim *peruncta facibus ora* splendore summo, & pulchritudine *Artis Rhetoricæ* decorata. *Troas Hecuba*, dum interfecto lacrymis parentat *Hectori*, deponit mihi in sinum caput, & innumera cadunt eloquii stillicidia. Verbo omnia; Non citius fumo in manus *Senecam*, quàm intra angustum mei pectoris domicilium theatrum porto, ubi affectu vario movetur Anima, & incedit cothurnata. Quò magis liceat deslerere iacturam literariæ, quòd è tot triginta Poëtarum fabulis has decem tantum,

nec omnes has, integras numeramus; quos nescio an ab *Apollinis* oraculo (quod de *Gracis*, *Sophocle* & *Euripide*, fertur) *sapientes* pronunciatos; certè quem habemus superstitem *Sanctum* oîm diximus appellatum, & quis ergo dubitat *Sapientem*? Adeste igitur, ornatissimi *Juvenes*, excutite omnes, quos fovetis nimium, turpissimos spuriae *Eloquentiae* proxenetas, qui oratorum, si *Diis* placet, titulo insigniti, quicquid hesternæ contraxit crapula primo mane in os vestrum solent revomere, & simplici cujusvis tenerioris animi credulitati inequitare. Quod tandem loci hujus, munerisque, est; à vobis nos (quantillum vestrae pignus observantiae!) singulis septimanis unius tantum horulae praesentiam, ejusque gratum futurum comitem, silentium postulamus.

Dixi.

Classicum



Classicum Homericum  
*Prælectoris Græci ad armata  
 studia Collegas Juvenes  
 provocantis.*

---

*Leetissimi Juvenes, Mea cura,*



I, quod hodiernum me mo-  
 net officium, & penè im-  
 perat exemplorum autho-  
 ritas, per vicarias manus  
 mihi tradita, & ab ultima  
 proifus Antiquitate delegata, *Græcæ*  
*linguæ Dictaturâ* ineunte, ejusdem ego  
 lemniscatum vobis *Panegyricum* institu-  
 erem; eâdem operâ viderer certè aut  
 pristinam quandam exprobrare negligen-  
 tiam, aut præsentem summi profectus  
 ambitum

ambitum in re nempe literariâ desiderare; quorum illud molestum satis futurum autumo, hoc scio fore non minùs inhonestè, ætati præsertim vestræ, deputatum; utrunque tandem intempestivum æquè habendum suspicor, ac odiosum. Nam quorsum, Juvenes, inter arma & militares, undique còruintes, exercitus, *Linguarum* laudes conarer celebrare? non virum sonat, sequioris sexus gloriam intercipit, & muliebria prorsus honestamenta aucupatur; quorsum *Græcæ*, scilicet supra modum eruditæ, inter grassantem nimirum undique Barbariem, ubique dominantem? Illud potius, cuicumque vestrum five felix præceptoris inscitia, five suæ repugnantis, aliqua, at & faventis ideò, Naturæ pertinacia, five denique utriusque satis curiosa incuria, tantillum admodum *Hellenismi* contraxerit, eidem sentio, ad dignitatis apicem, & honoris fastigium, assurgere ambienti, hoc etiam, quantulumcunque sit, esse seriò dediscendum; quod duxi ego maturè

vos,



vos, & in Academicâ hac infantia, admonendos, ne adultâ posthæc cum ætate scientiâ, nobiscum forrè *insania* acti, hoc est, *doctrina*, cum temporis simul ac tamæ dispendio, infelicem illum cruditionis tramitem cogamini remetiri; ne sitis serò insipientes evasuri, ut fitis potius inculpatè ignorantes. Quid enim, obsecro, juvabit *Theologum* speciosa *Græca* linguæ peritia, nisi ut *Patres*, si diis placet, antiquos perlegat, illos *Papalis Cathedra* patronos, *Prelatica* pompæ impios paracletos? Quid *Medicum*, nisi ut *Hippocratem* Gentili Deo prognatum, *Galenum* Arheum, familiares habeat, & dum in iis corpori studeat salutaria, mortifera animæ pocula exhauriat, eademque aliis propinet delibanda? Quid *Furis* denique *Civilis Consultus* hanc in subsidium sibi superbè arroget, cùm *jura* interim *municipalia*, ut vocant, ut nos, *Communia*, politicæ hujus machinæ columnas, popularis porrò libertatis vindices, *Romana* linguæ fæculenta barbaries munivit satis, egregiè

honestavit. Sed personam exuo. Hoc est illud incendium, Juvenes, quod nocturno oleo, & antelucanâ nostrâ lampade, conflagravit, ædes hæc *Musarum* nomini, & Sapientiæ, consecratas, nisi occurratur citius, citissimè vastaturum; quod nescio certè an lacrymis extinguerem, an sputo potius, & contemptu, suffocarem. Ubi enim projecta summi *Senatus* auctoritas, & ad ipsum flagitii patrocinium prostituta; Ubi calumniis conspurcata *Regia Majestas*, eademque vi & armis oppugnata; Ubi violata denique *Ecclesie Sanctitas*, Venustas direpta; frustrâ tandem dignitatem togæ periclitantem deflebimus, quam, ceteris pereuntibus, conservandam seriò sperare non possumus, penè dixeram, nec prudenter exoptare. Idèone tamen abjiciendæ sunt literæ, librique, sacre Veterum reliquiæ, furenti populo, claudicanti illi *Vulcano* immolandi? Idèone gentis togatæ capita, templa *Mercurio* et *Palladi* sacra, *Vacuna*, & *Murca*, & *Inscitia*, turpi harum pedissequæ,

dissequæ, sponte devovenda? Quin potius, Juvenes, alterâ manu teneamus gladium, librum alterâ; sic, ut plebs suam effrenatam licentiam, nos nostram, divinitus concessam, *libertatem*, hoc est, *Regiam*, nam & hæc nostra est, à quâ unâ defendimur; *Religiosam*, nam & hæc nostra est, quàm meritò veneramur; *Literariam* denique, verè nostram, & *Marte* simul & *Arte* vindicemus, eamq; suo in loco constitutam strenuè tueamur. Tantum est, sic pugnemus, Juvenes, si fors obtulerit, sic interim studeamus, ut seditiosa plebecula, & intemperanter libera, *Religionis*, *Majestatis*, *Literarum* denique, exilio erubescat, earumque tandem, nostro, quantum in nobis fuerit, auxilio partum, reditum gratuletur; nec tanti miseram salutem æstimemus, quam, nisi beneficio, si-ve maleficio potius, iervitutis, sacrilegii, perduellionis, ignorantia, habere, etiam precariam, non possumus, et, si mecum estis, pulchro hoc stipatam satellitio, nolumus expectare.


Dixi.

Tuba



## Tuba Hebraïca

*Prælectoris, inter bella civilia, Collegas Juvenes ad studium Linguae Sanctæ convocantis.*



Uod me tam serò vobis præsentem sisto, humanissimi Auditores, suscepto jam olim munere obæratum, nisi satis perspecta esset nostrorum (quanta!) animorum trepidatio, & malefida studiis, usque etiam suavissimis, attentio; hodie tandem aut speciosum aliquem Expectationi vestræ obtentum litarem, aut, suspectam forte, inertiam deprecarer: nec enim cuivis contigit *Catonis* animus, qui, quo die repulsus est, lussit, quâ nocte fuit peri-

periturus, legit, de summa nostrarum omnium fortunarum agitur, ipsisque etiam vitis periclitatur, & nescio quidem an non sit temerè contumacis animi potius, quàm prudenter fortis et strenui, tum loqui incipere, tum linguas expolire, cum in alieno positum arbitrio intuemur, an sit nobis desinendum vivere. At cum subit in mentem mihi, calamitosa temporum infortunia cogitanti, tremendum illud *D. Hieronymi, Hebraam linguam non desero, ne ab eâ deferar*, calcandam censeo *Fortuna* pessima intentantis audaciam, et, quocunque dispendio (siquid poterit temporaria hæc nostra, quantumvis aliàs intempestiva, diligentia.) futurum linguæ *Hebraïca* commercium, & sempiternum ejus patrocinium, ambiendum. Quod tamen non ideò putetis dictum, quasi præclusa nobis sit *Æternitatis* janua *Hebraïca* ignorantibus, Rapiunt indocti cælum, tenentque; sed ut *Augustam*, & verè Imperatricem Linguam, fide omnium coelesti olim dominio coronandam, honesto interim dignemur

nemur obsequio, & comitatu saltem non contemnendo prosequamur. Agamus igitur, ornatissimi Javenes, et supra hosce *Civiles* tumultus, hominumq; maleferiatorum satagentiam, in coelesti nempe confinio positi, securi omnium, *Sacram* hanc *Linguam* excolentes, Angelorum consortio, & beatarum Animarum colloquio perfruamur. Quod ad *Praelectorem* vestrum intereà attinet; si dabitur ei legendi libertas, cui in hoc eodem Sacrario \* orandi licentia aut prorsus interdictur, aut conditione parùm honestâ conceditur, quamvis non jactabit se affectatâ nimium lectionum frequentiâ; de debitâ præsentiâ, quantum officii ratio postulaverit, se fideli vobis pollicitatione obligabit.

\* Aut à Sacris ei abstinendum præcipitur: aut Deum versus altare non esse adorandum.

Dixi.

Pre-

*Præfatio habita ante Disputationem Philosophicam.*

*In Scholis publicis.*

**D**Uæ res sunt, florentissimi Academici, quas à singulis, quibus officii ratio in hæc subsellia ascensum imperat, tum loci dignitas, tum spectatissima vestri conventus celebritas, solet postulare, vivida sc. *Eloquentia*, & sana *Philosophia*; quarum alterutram forte si contigerit abesse, non minus infausti ominis augurium foret, quam si in mari turbido orbatu fratre *Castor* apparuisset. At quàm arduum sit,

&



& supra humi-repentis ingenii vires, ita  
 omnibus perfectum numeris in publicum  
 prodire, si non aliorum exemplo fre-  
 quenter didicissem, id meo jam essen-  
 fato, egregiè doctus, in præsentiarum pro-  
 baturus. Tantum est, Auditores opti-  
 mi, quod alii in infortunii loco sapiissi-  
 me posuere, hoc ego ut ambitionis api-  
 cem constitutum habeo, ita & in gloria  
 cumulum accessurum sentiam, in hac  
 vel illâ, quod in utrisque fieri non posse  
 video, vobis placuisse. Memoriae prodi-  
 tum est, *Gallos Herculis Ogygii*, quem  
 ut divinam *Eloquentiae* Numen semper  
 coluere, simulachrum facturos, in una  
 præsertim re miram lenocinantis facundia  
 vim ingeniosè admodum, & scitè, adum-  
 brasse; ex ore nimirum aiunt catenula  
 quædam tenuitatis subtilissimæ ad cir-  
 cumstantis turbæ aures pervenisse; qui-  
 bus illud innuere videbantur, quantillo  
 labore potuit hic verè *Hercules* consu-  
 entis undique populi frequentiam ala-  
 crem sibi, & non omnino reluctante  
 attrahere, orationisque veluti contracto  
 fræno

fræno pro libitu moderari. Quod hîc  
in *Hercule* depictum habuistis, si mihi ho-  
dierno die obvenerit, ut vestrum aliquos  
anribus forte suspensos habeam, id n-  
num vellem, catenâ pariter fiat tenuis-  
simâ; non ut sperem vos vel dicendi fa-  
cilitate, vel aliquâ disputandi subtilita-  
te, detinere; quin illud potius in votis  
habeo; si quicquam vobis arriserit mi-  
nûs, præ tenuitate facilè ruptâ catenu-  
lâ, quocunque vestrum cuique libeat  
abeat liber; sic factum erit, ut incitiæ  
nostræ, temeritatise, testes, aut nullos  
simus, aut, quod proximum in votis  
est, saltem perpaucissimos habituri.

Dixi.





In minoribus Comitibus

*Præfatio disputationem Philosophicam cum Patre  
habendam antegressa.*

*Domine Procancelarie, Veneranda Purpura,  
Magistri ornatissimi.*



Uàm arduum esset, & supra  
omnem orationis cujuscumque  
à tenuitate nostrâ prodeun-  
tis ambitum, variis undique  
*Tripodum* facetiis jamdiu delinitos, & per  
ingenii vireta palantes, animos severi-  
oris *Philosophia* laqueis irretire; nisi eru-  
dita illa, & flexanima, Patris interpo-  
sita

sita\* Explicatio eos omnes, \* *Prioris thesauri*  
nescio quâ naturali magiâ, veluti intra  
circulû quendâ convenas cōpulisset, mal-  
lẽ certè autumare tantû, & fæliciter  
occupatus, animo conicere, quàm re  
unquam seriò experiri; imò mihi, præ-  
fertim hodie, deprecari liceat attentas  
aures, & præsentem quandam absenti-  
am impetrare. Quæ enim solent dispu-  
tantis animum excitare maximè, & la-  
bantem reficere, topica illa discurrendi  
licentia, per locos h. e. Dialecticos spa-  
tiandi, & dilucida adeò quæstionis sen-  
tentia, ut nec ab implicata metuat dif-  
ficultatem insuperabilem, nec ab incer-  
tâ haud præcavendum periculum; utra-  
que mihi prærepta video, aut ferè de-  
speranda. Quod enim primò agitandum  
convenit, cû in *Scholis Theologicis* se fa-  
tis liberè jactitaret, & alternâ vice ad u-  
tramque partem volitaret transfuga, vel  
in duas divisum æquè pugnam satis am-  
biguam redderet, ad *Philosophiæ* tan-  
dem angustias reductum, & in suo quasi  
minimo naturali constitutum, *Respon-*  

G
dentis

*dentis lateri fidus satelles, nisi Opponen-*  
*tem quendam κωμωχῆσιν repererit, si*  
*quicquam video, omninò nullam seriò*  
*disputanti ansam ministraverit. Quod ad*  
*secundum attinet, cùm ad Intellectum*  
*divinum scandit, supra omnem huma-*  
*num captum positum existimo, &*  
*admirari possum, intelligere perhor-*  
*resco. Quod cùm sibi famulantes ha-*  
*beat istas improvide ætatis pupas, ut ait*  
*ille, Idéas Platonicas, non dico hodie-*  
*rum Patrem, cujus ingenii acumen no-*  
*vimus, quod de Platone ipso noster Ve-*  
*rulamius, veluti de excelsâ rupe, omnia*  
*circumspicere, alios dicam vindices re-*  
*perisse, ut Alexandrum Aphrodisæum,*  
*aiunt, Aristotelicam illam de Æternitate*  
*Mundi sententiam, non quòd esset om-*  
*nium verissima, sed quòd contradicti-*  
*oni minimè obnoxia. De utrisque mihi*  
*metuendum video, ne in rebus hodie*  
*peccarem pariter ac in nominibus olim*  
*Rois filius, magnus ille Aristotelis inter-*  
*pres, qui cùm nec Græcam, nedum La-*  
*tinam, linguam intellexerit, sed purissi-*  
mum


mum illum *Philosophia* succum in *Arabicam* unam transvasatum excepisset, posuisse fertur pro polo *Ptolomæum*, pro *Protagorâ* *Pythagoram*, pro *Cratylo* *Democritum*. Utcunque est, \* quantumvis fortè *Actio* nostra, ut nimis temeraria, *punibilis* habeatur, animo tamen ad *intellectum* vestrum, & voluntatis libitum, non nisi omni conformitate composito, vestrâ spero humanitate condonabitur.

\* *Ad questiones discutendas alluditur.*

Dixi.

G 2

Speculum



*Speculum Socraticum,  
Ad nobilem quendam Juve-  
nem, in arenam Philoso-  
phicam sponte descen-  
dentem, breve Mo-  
deratoris Ante-  
loquium.*

---

*Generose Juvenis, vel, quo magis fortè  
gloriaris titulo, nec mereris minùs, e-  
rudite,*



*Ides te cingentem undique  
pubem Atticam, &, tan-  
quam ad Socraticum illud  
speculum, coëuntem, in quo  
se omnes, quales futuri  
sunt,*



sunt, aut fieri debeant, cum summâ animi delectatione intueantur, hoc est, probos, hoc est, eruditos, hoc est, modestos, hoc tandem est, omni virtutum genere & ornatu nobili insignitos. O-randus ergo es, ut illud tuæ perfectionis exemplar in publicum proferas, nec pa-tiaris modestiam, intempestivè aliàs & inutiliter verecundam, idem intra angusti, quamvis & casti, pectoris late-bras continere, ne tute debito hono-rario defrauderis; ne Juventus hæc aut frustretur spe, aut desiderio collobas-cat. Dixi.

*Ad Eundem,  
feliciter absolutâ Disputati-  
one, Gratulatorium E-  
piphtegma.*

*Lectissime Juvenis,*

**P***ralusit Hydra, de Hercule olim binos  
serpentes in cunis comprimente, dixit*

apud *Tragædum Megara*; de te nos totidem adversarios, satis callidos, & nisi rationis vi arbitrioque detentos, ex amplexu elapsuros, in hisce *Academicæ* saltem *literaturæ* fasciis, & incunabulis, superante; in quo certè conflictu satis amplum dedisti specimen subtilis ingenii, ingentis animi, & tamen eruditæ modestiæ; nec quicquam est, quod tam arduum cogitare possumus, ut idem nobis de tuâ indole non audeamus polliceri. Is es, qui non sericato otio, & calamistratâ socordiâ, delectaris; huc nempe prodis in arenam *literariam*, non auctoratus, non tractus, non poenæ aliquâ pulsus formidine, nedum popularis auræ illecebris irretitus; breviter dicam, honorarius simul & munerarius planè clueas disputator, idque hodie seriò præstitisti, ut quantâcunque spe futuræ olim eruditionis tuæ expectationem concepimus, eâdem animi firmitudine, teneamus.

Dixi.

Ardelio,



Ardelio,

*Sive,*

*In Scholis Furisconsultorum  
Moderatoris Oratio, præ-  
missa duplici Contro-  
versie.*

---

*Florentissimi Academici.*



*Antisthenes olim Atheniensibus consuluit, ut asinos, perinde ac equos solerent, ad agriculturam deligerent; quod cum iis absurdum prorsus, & perridiculum, videretur; & tamen, inquit, habetis duces militaris rei admodum imperitos, à vobis*  
G 4
designa-

designatos. Quòd si ille in Scholis hisce hodiernas moderandi vices subjisset, non aliud, sentio, nostris Jurisperitis objecisset; qui cùm ubique satis altercari soleant, sæpiusculè hîc subtiliter disputare, in solemnioribus hisce, simulque doctioribus, eorum controversiis, nihil minus quàm *Juris-peritos* moderatores plerunque habent, & Judices edititios: Hoc si aliis, olim hæc subsellia ascendentibus, cuiquam videar falsò imputâsse, de me ipso saltem impræsenti-  
arum, Academici, haud quicquam melius audeo polliceri; cui penè idem reverâ video contigisse, quod de se tantùm minatus est Cicero: *Si mihi, inquit, vehementer occupato stomachum moverint, triduo me Jurisconsultum profitebor.* Et fortunati sanè, sælicesque, fuissent vel optimi *Juris*, seu *Senatorii*, seu *Imperatorii Professores*, si, quod *triduo* quidem vix fieri potuisse sentio, *triennio*, uno, vel trino, illud aureum opus confecisset, quod, in personâ *Crassi* loquens, fatetur se seriò cogitâsse, ut *Juris* nempe  
Civilis

*Civilis* disciplinam in *Artis* rationem formamque redigeret, quàm enim nunc, quæ *Digestorum* nomine circumferuntur vulgò, *confusa* pleraque, & *indigesta*! quàm inter se mutuò pugnantia, & in *Fure*, *Civili* dicto, bella in sunt plusquam *Civilia*! quod *Triboniano* illi, non huius unius injuriæ Architecto, acceptum referendum, qui, ut *Fustinianum*, *Thracis* bubulci nepotem, Imperatorem factum, ὁρθολόγιστον quidem, ut ait ille, sed (proh dolor!) ἀπάντων γεαυμμάτων ἀμάθητον ἄμα καὶ ἀναλφάβητον, personæ suæ fautorem haberet, admiratorem diligentiae, quæcunque olim *Papinianus*, *Furis asylum* dictus, & *Legalis prudentiae thesaurus*, quæcunque *Paulus*, *Pomponius*, *Ulpianus*, cæterique, sacra *Furis* monumenta reliquerant, sælici exitu in *compendium* se jactavit redegisse; quorum, si non omnium, *Academici*, plurimorum saltem, *dispendium* potius fecisse videatur. Et facile erat hac in re ignaro Principi, & nimis credulo, impetere, cui illud antea augurantis fidei pignus

nus tradiderat; *Justiniano* scilicet mortem esse minimè obeundam; at Imperatricem Animam, eandemque carne vestitam, in coelos esse assumendam; quam ipse apotheosin, infectâ re, futuram veritus, *triennio* illud (ô præcipitem nimis, & infælicem *Furisconsultis*, festinantiam!) *triennio*, inquam, absolvit opus, quod alius quispiam, quamvis ipse juris peritissimus, vix toto potuit *decennio* confecisse. Hinc illæ olim lites & lacrymæ; hinc plures facti *Consulti Furis*, *Iustitia* pauciores; Hinc demum triplex liber, terminandis causis destinatus, *cereus invitum flecti*— congeffit potius, quàm sustulit, controversias. Quantum felicius, faustiùsque, *Justinianus* præstitisset quod *Caius* Princeps dicitur innuisse, qui, cum effrænata *Furistarum* sui temporis superbiam ferre non posset, iactavit se protinus effecturum, nequicquam præter *aquum & bonum* ausi essent uspiam respondere. Idque seriò effecisset, si *Furisprudentiam*, ut olim, gratuitam, non, ut dein, quæstuariam reddidisset.

didisset. Ferrur enim apud Antiquos morem extitisse, *Furisconsultos* non, pretio conductos, vendidisse verba, sed in publicum locum quotidie prodeuntes, & unicuique civi se præbentes gratis consulendos, sacra *Furis*, cujus fueret dicti *Sacerdotes*, & *Iustitia* oracula edidisse. Sed quorsum hæc, veluti ad *Furis* invidiam dicta, sinistra fortè multorum nimis aure imbibenda, ex animo certè (saltem quod at melioris notæ *Consultos* attinet) nihil minùs sentiente prolata! Ad te tandem aliquando convertor, dignissime *Professor*, nec tamen quicquam aliud allocutum, quàm quod *Alcibiades* olim ad *Eurybiadem*, sublato scipione, eum loqui vetantem, πᾶσι-  
ξον ἔν καὶ ἄλλους

——— *Feri sanè, inquit, & audi.*

Sic tu etiam virum hunc, literatum satis, in procinctu, ut vides, stantem, *ferias* lectissimis argumentis, & tamen *audias* appositè respondentem. Tu autem, erudite *Respondens*, *Professorem* vestrum, cæterosque te publicè *invasuros*, ne  
ictu



ictu oculi maligno *interfice*, at eorum tela, dum inculpatam tutelam habeas, quâ poteris arte, omnia subterfuge; aut, si quod fortè vulnus acceperis, præsentî panace, Linguae scilicet sanes hoplochrismate; interea loci nos omnes scias, veluti tot *juratos testes*, *testimonia* tuæ literaturæ simul, ac Juris peritiæ, vera quidem, & valida, datuos.

Dixi.

---

Quæsti-	{	<i>Licet invasorem interficere.</i>
ones		
discuti-		
endæ.	{	<i>Testimonium testis injurati non valet.</i>

*Leſſâ explicatione prioris Theſews, Sic excitat Cathedratum Profefſorem Dominus Moderator.*

*Ampliſſime profeſſor,*

**P**laceat dignitati vestræ utrique *opponenti* facem præferre; *Invasorem* agas,

agas, sed tamen facilem, idque eruditi  
*Respondentis* vires experiendi gratiâ, ne-  
quaquam opprimendi; me interim ha-  
bes modestum fatis, *Moderatorem* tem-  
poris, non *Judicem* controversiæ.

*Monente* horologio, sic affa-  
tur ultimum Oppo-  
nentium.

---

*Ornatissime Magister,*

**V**Ereor ne limites temporis huic  
disputationi præstitutos transilire  
videamur; placeat tibi ut hodierna lis, u-  
trinque fatis acriter agitata, hîc acqui-  
escat tandem, & terminetur.

Pro



Pro electione

*Ad Præfecturam Scholæ Persianæ,*

*Et, paulò post,*

*Ad Sodalitium Caio-Gonvilensē,*

*Utroque simul fruituri privilegio,*

ΕΥΧΑΡΙΣΤΗΡΙΟΝ

*Ad indulgentissimos Electores,*

*Magistrum & Socios*

*Collegii de Gonvile & Caius,*

*In Academiâ Cantabrigiensi,*

*Apud Anglos.*

*Integerrime Dignissimeque Custos;*

*Viri, si cui unquam ullo, mihi certe  
nullo non nomine colendi.*

**D**icuntur veteres ut *frontem Genio,*  
*digitos Minervæ,* ita & *aurem e-*  
*tiam*

tiam *Memoria* consecrâsse; cui si fortè *Linguam* addidissent, putâssem eos & grati animi, acceptum munus meritò prædicantis, & benefici etiam, ut par est, eundem audientis, utriusque sacra facientis *Memoria*, imaginem designâsse. Quòd siqua tandem jubeat Religio, (& jubet aliqua) tempestivam accepti benefici mentionem, votivâ velut tabulâ depictam, *Gratiarum* scilicèt Templo appendi *Memoria* consecratam, æquè mihi sacrilegi videntur qui, collatâ gratiâ, surdescent prorsùs, & sub titulo modestiæ occludunt aures, cuius grato linguæ, ut & animi, obsequio fidem suam, seque ære, gravi admodùm, liberanti; ac qui, acceptâ aliquâ (propudia hominum!) immemores simul, & ingrati, obmutescunt. Habeo ergo cur vobis possim, & debeam, gratulari, Viri ornatissimi, satisque mihi conscire videor, quantum vestræ, non dicam præsentis, quam loci hujus aut sanctitas, aut dignitas, postulâsset, & me licèt absente, habuisset; at, peractis sacris,  
ad

ad quæ præcipuè confluxistis, quantum  
vestræ sim moræ hodiernæ debiturus;  
quâ in re idem mihi video contigisse,  
quod *Chrysippus* olim, referente *Senecâ*,  
gratiâ aliquâ beneficiove donato statuis-  
set, quem, velut in certamen cursus  
compositum, & carceribus inclusum,  
suum tempus operiri voluit, nec, nisi  
signo dato, profilire; & quidem *Chry-*  
*sippo* acceptam refero tam sæliciter obla-  
tam gratias nostras, ita serò redeuntes,  
causandi ansam, ut dicam scilicet, me  
ante hodiernum diem à Vobis nullum  
signum accepisse; quod si tandem op-  
portunè datum respuissem, & stetissem  
mutus, spero benevolentiam vestram  
non illud mihi obstinatè rennenti, aut  
grati animi officium recusanti; sed amo-  
rem vestrum, & ingentem simul benefi-  
ciorum cumulum, stupenti imputâsse.  
Memini me de *M. Tullio* alicubi legisse;  
Neminem ejus monumenta adeò accu-  
ratè volutâsse, quin si denuò revolvat  
eadem, quod antè latuit, aliquid inve-  
niret; quidni id ipsum ego de vestris in  
me

me cumulatis beneficiis profiteret, quæ si conarer omnia, curiosè adhibero scrutinio, enumerare, num *aliquid* dicam? apage tantillæ vocolæ tantam *μελῶσιν*; dicam *plurima*, ne dicam prorsus *innu-mera*, superfutura. Juvat equidem, fateor, & nostram simul, et favoris vestri, infantiam meminisse; quas primitias, quàm certum amplioris gratiæ, postea conferendæ, accepi pignus, *Scholarium* scilicet ordini assignatus! idque quantum in te fuit, Venerande *Custos*, (nefas enim esset tacere) tunc temporis oblatum habui, cùm, si non defuit accipiendi facultas, defuit saltem acceptum retinendi; prælusit nempe *D. V.* secundæ curæ, quæ me, ut decuit, modestè latitantem, excitavit tandem, & honoris tanti fecit Candidatum, quantum ego, nisi tuo monitu impulsus, vestroque simul, Viri literati, consilio fretus, munitus auxilio, minimè quidem sperare poteram, minùs expectare; at utrumque vestra benevolentia superavit, & spem simul, & expectationem, digna

H

nata

nata scilicet me, tantum non infimi, olim, subsellii *servum*, fecisse *Socium*. Quin adhuc aliud restat, quod vobis acceptum referam, Venerande *Custos*, *Quadrumviri*, quotquot adestis, spectatissimi, amplam satis *Persiana* nimirum, quondam florentis, *Schola* Praefecturam, quam nescio quidem an à me dicam temerius ambitam, an à vobis, Viri, lubentius, collatam; quod siquam forte majorem solito spem concepistis, doleo equidem me, infelicem, eandem fefelisse; quem & accepti muneris, quantumcunque est, serio poeniteret, si quenuquam vestrum sentirem dati poenituisse; Habeo enim cur suspicarer, Viri humanissimi, ne de me dicatis quod de *Galbâ Tacitus*. *Omnium consensu* capax imperii fuisset, nisi imperasset; qui si benè, ut dicitur, *latuisset*, nescio certè an *vixisset* melius, scio melius *audivisset*; quò vicem meam deflere debeam, quòd, quanticunque gratiam vestram aestimarem, in hoc uno *ingratus* videbor, quoniam *indignus*; nec tamen



men ita *indignus* essem, aut viderer minus, nisi in barbarum genus hominum incidissem, & ingenuitate nostrâ (audacter dicam, dum modeste simul) longè *indignorem*, quibus nunquam placere potui, nec studui unquam; quæ ipse scio non probat populus; palpare, assentari, ad placitum omnia & facere, & loqui, quæ probat populus, ipse nescio; nec enim capto popularem auram, præferim inter cives nobis aliàs infestos, summæ fidei, & assiduæ industriæ, sine turpi & fallaci obsequio, aut æstimatores humiles, aut iniquiores interpretes; gaudentes scilicet oratorem vestrum incauto ambitu à vobis insciis perpetuam litem, & vile servitium, non adversus fortunæ ludibria præsidium aliquod, & Ludi literarii Magisterium, aliàs honorificum, obtinuisse. Et nisi temerè arreptum *imperii* titulum superbe nimis jactare videar, dicam verè, nostro in loco, *Qui nescit servire*, ita saltem ut sibi consulat, *nescit imperare*; Id ergo mihi, cætera nescienti, facile erit factur-

rum satis, si a Vobis præsertim fidem impetraverit; officium loci, quicquid sit quod sobria *Ratio* poterat expectare, temulentâ quamvis refragante *Invidia*, (quæ pro neglecto habet quod sciens volensque rejicio) & sublesta fide contrarium asserente, pro virili saltem, me seriò præstitisse: Nec tamen illud arrogare audeo, quod *Apolonio* olim, & *Callimacho*, ubique, ut aiunt, artem sequentibus, Antiqui tribuebant, apud quos ἀπῳοί, & ἀδύνατοι, quasi qui errare nescirent, dicebantur; foelix, ignorantia! quam ut discam (abeat *Cato* ad *Græcas* literas confectus senio) ego senex lubenti animo dediscam omnia. Sed quò me rapit importunum nimis vestra omnia in me collata beneficia officium *numerandi*! cui illud incumbit potius, studium *referendi*; de quo tamen nihil quicquam dicendum habeo, nisi quod sentio animum linguæ minimè reluctanti suggerentem; *Gratias* nimirum, quas me ab ipso vestri favoris primordio *habentem* profiteor, eas me in præ-

præsentiarum tandem *agentem* gestio; & quas, pro merito vestro, me *relaturum* nunquam sperare audeo; audeo tamen me perpetuò *habiturum* seriò polliceri. Quòd siquid adhuc ultrà expectetur vobis tribuendum, ut dicunt *Æschinem* se olim *Socrati* tribuisse, meipsum tribuo; &, cùm nihil habeam *animâ* decumarius, quam ex Naturæ præscripto aiunt & toti totam, & totam singulis membris distributam, utinam, paulò majori miraculò, per eandem Naturam licuisset vobis ipsam, quibus ter & amplius deberetur, et totam omnibus, & simul totam singulis impertiri.

Dixi.

H 3

In



## In Scholis Theologicis

### Quaestiones disputandæ.

1. *Episcoporum* ordo est divinae institutionis.
2. *Seniores Laici* non nituntur verbo divino.

**A**D quas impugnandas utinam mihi aut tertiæ tantum vices contigissent, aut potius nullæ; quippe qui parùm cupio cuius scurræ optio procedere, & libellionum impudentiæ succenturiare; libentiùs me in publicam Ignorantiæ clientelam dede-rem; imò audire malletm utriusque turpis desertor causæ, quàm improbitatis tantæ, & antiquæ malitiæ, jam postliminio reversæ, strenuus propugnator.

Quod

Quod ergo, doctissime *Respondens*, ad theſeꝝ tuarum explicationem attinet, eandem excepimus bene munitam de promptis è ſacrâ paginâ testimoniis, *Patrum* ſuffragiis, *Conciliarum* calculis, &, quod miram eſt, nonnullo etiam ipſius *Rationis* prætentu roboratam; abſit igitur ut in eandem ego temerarius irruerem, quam, ſi aliquâ ex parte nudatam conſpexeram, vel animæ mea objectu contexiſſem; Hâc igitur miſſâ, pro formâ ſaltem, & officii ratione, ſic invitus diſputo;

*Omnis inſtitutio conſtituit rem in particulari cum determinatis circumſtantiis;*

*Inſtitutio divina non conſtituit Episcoporum ordinem in particulari cum determinatis circumſtantiis; Ergo &c.*

H 4

Decla-



## Declamatio prima.

Quæritur,  
 Utra utri,  
 Prudentia, an Eloquentia,  
 In Imperatore præstantissi-  
 mo, C. Julio Cæsare, sit  
 præferenda.

**M** Inervam Deam, Corona  
 spectatissima, quam artis  
*Imperatoria* — inventricem  
 fecerat, *hastam* unâ te-  
 nentem manu, *librum* al-  
 terâ, non inconcinne quidem, finxit  
 Antiquitas, illâ robustum et forte *brachi-*  
*um*, hoc *mentem* literis & virtute ex or-  
 natam, voluit denotare; nam tantum  
 absuit ut incultum illud, & *Scythicum*,  
 inge-

ingenium *Imperatorio* sat dignum munere cogitaret, ut æterno porius damna-  
ret servitio. Apage ergo degeneres il-  
los, homines dicam, an turpia huma-  
ni generis propudia? quos cum in hoc  
summo rerum fastigio *Fortuna* colloca-  
vit, en

———— *genus & proavos jactant;* ———  
hoc tantum ab illis deberi sentiunt, hoc  
expectari; quod si ingeniosa archite-  
ctrix *Natura* nonnullis *Veneris & Grati-*  
*arum* insigniis corpora decoravit, spe-  
culum adeunt, at non *Socraticum*, nam  
omnem illicò animi ornatum aut negle-  
ctui habent, aut despiciatui. At euge  
tu tandem invicte *Cesar*!

*Cui meliore lato finxit praeordia Titan;*  
non te *Regem* fecit vestis *Tyria* color;  
non frontis nota *Regia*; at tres in fronte  
sessitantes *Gratiae*; at cothurnata *Musa-*  
*rum* caterva, pulchro *Virtutum* stipata  
satellitio. Hinc *Imperatorum* vocaris glo-  
ria, quod quaecunque naturæ, aut ar-  
tis, ornamenta *Imperii* sceptrum tenentem  
deceant, in te uno, ad invidiam usque,  
eluxe-



eluxerunt omnia; & , quod magna pars laudum fuit, eò *prudētia*, eòque simul *eloquentia*, devenisti, ut summum utriusque culmen attingisse apud *Historicos* videre. At itāne, victo *Pompeio*, in te bella geris plusquam civilia? Ideone, quod summa tibi contigit *prudētiā*, quod summa pariter *eloquentia*, altera alterius imperium quærit, & dominarum?

*Quin benè convenient, & in unā se-  
de morentur:*

fit, quod *prudens*, *Casar* Imperator optimus; fit & optimus, quod *eloquens*; at quis seipso melior, aut melior optimo? Quod si cui vestrum, Auditores, perspicacem adeò ingenii oculum tribuit *Natura*, ut in horum alternatim præstantiam videat, ab illo nostrum captivum duci libenter patiemur iudicium; quippe qui admiramur *Casarem* adeò *prudētem*; admiramur itidem adeò *eloquentem*; at, quod res est, propter utrum admiremur magis, penitus ignoramus. Ferunt *Historici*, veteres *Græcos* nihil adeò  
in

in votis habuisse ac Reges optimè Musi-  
cen callentes, nec Epaminonda quic-  
quam à Thebanis magis in laudem cessit,  
quàm quòd ad citharam bene cantare  
potuit. Quin mage virilis animus Roma-  
nis, quibus arridet tantum.

*Quod prodesse potest, & delectare—*

quæ utraque solam potuisse suadam, si  
perorantem Casarem audivissetis, & tu-  
lisset dictis, & facto comprobâsser. Si-  
leant inter inituros pugnam inanes illi tu-  
barum strepitus;

*Non est, horribilem cum Mars ciet un-  
dique pugnam,*

*Tortilibus clangant lituis, aut tympa-  
na pulsent,*

Casarea modò sit præsens eloquentia,  
clara, vehemens excelsa, & totis ingenii  
viribus incitata, militantium animos  
plusquam trecenta classica acuit, irritat;  
erigit jacentes, consternatos reficit, la-  
bantes sustinet; cujus auxilio usus, Ve-  
nit, Vidit, nec quid interest, quin eti-  
am Vicit, Caesar refragantem Pontum,  
Hæc, Pompeiano prælio, milites, nescio  
quo

108 *Prudentia, an Eloquentia.*

quo fato, perterritos, fugientes revocavit; Hâc ipsis inimicis *Gracchus* excussit lachrymas; Hâc etiam sicariorum enses, in suum districtos jugulum, hebetavit *Antonius*; de hâc pulchrè cecinit Poëta;

*Per medios ire satellites,  
Et perrumpere amat saxa,  
Potentius ictu fulmineo.*

Quòd si res fortè postularet, *Snada* non posset *Proteus* ipse esse mutabilior; inflammandi sunt animi? in ignem accenditur; pungendi? in stimulos acuitur; consolandi? in *Nepenthes* spargitur. Dici non potest quot sunt lenocinantis *facundia* mites immitesque præstigiæ; hoc tantum est quod dici potest,

*Illæ regit dictis animos, et pectora mulcet.*

Habulistis, Auditores *Casarem* nostrum armatum foris, & Eloquentem; accipite eundem togatum domi, nec *facundum* minùs. Refert *Quintiliannus*, J. *Casarem*, quo bellavit animo, eodem etiam in foro perorasse, excelso scilicet &

& sublimato; & quid hōc ad *Imperatoris* dignitatem amplius? quid ad populi utilitatem uberius? quid denique ad utriusque famam inter externos propagandam excogitari unquam potuit illustrius? Hinc *Mithridates* tanto dignatus encomio, quod *Legatos*, à quocunque ferè terrarum missos angulo, ornatâ adeò oratione excepisset: Hinc laudat *Homerus*, poëtarum rex, *Menelai* argutam brevitatē, *Nestoris* melleam suavitatem, *Ulyssis* copiam nivibus similimam,

——ἐπεὰ νιφάδεσσιν ἐοικότα χειμέριον.

Hinc ipsum *Casarem* jactat φῆναι πρὸς λόγους ἄριστα, *Plutarchus*. Sed ad forum redeo; illic in folio sedentem video *Reginam Eloquentiam*, ejus auxilio *Casarem* controversa disceptantem, ignorata sagaciter inquirentem, vesanos quandoque populi tumultus ad nutum suum facillè sedantem; adeò ut quod de *Mercurio* virgâ fixerunt Antiqui, hoc ego de *Casari* *Suadâ* non vereor affirmare,

*Increpuit? tacet omne pecus;——*

*Conspexere? silent, arreptisque auribus astant.*

*Cum*

Cum enim in oratione cernant authoritatem monentis, severitatem increpantis, Deamque ipsam, ut *Periclis* olim, ita *Falir*, labiis sessitantem, velutque è *Castalio* fonte *eloquentia* perpetuò fluentem scatebram, præsens *Minerva* numen, ut par est, agnoscunt, venerantur; Et quando veriùs, *Auditores*, *Imperator* dici potest *Cesar*, quàm cum *Subditorum* animos, quòcunque velit, non solùm ducit, sed invitos licèt, & reluctantes, compressis quasi habenis *Eloquentiæ* attrahit sibi, & pro arbitrio coërcet. En *Suadam* in prælio pugnanti clypeum! En eandem in solio sedenti sceptrum! & tamen unum restat, en ultimum expiranti *Cesari* confugium!  $\kappa\iota\ \sigma\upsilon\ \tau\acute{\epsilon}\lambda\epsilon\upsilon\upsilon\varsigma$ ; tria tantùm, at tantarum virium vocabula, ut ex iisdem *Brutus*, parricidarum ingratiſſimus, nisi fuisset ei pectus plusquam triplici munitum chalybe, mortiferum magis accepisset vulnus (& accepit forte) quàm *Cesar* noster tot conjuratorum adactus pugionibus. Videtis aliàs quantum subsidii gloriæque dede-

rat *Cæsaris Imperio Cæsaris Eloquentia*; at si non comitem habuisset *Prudentiam*, quæ nullo modo potuit prodesse, plurimum obfuisse; hæc in re habeo oratorum summum mihi suffragantem, qui, se malle, inquit, *indisertam prudentiam*, quàm *garrientem illam*, & *loquaculam, stultitiam*; non enim *eloquentia* meretur nomen, quam stultis negatam, & *μόνον* *Ἰσχυὸς εὐφρονέσσης ἑργῶν* dixit *Isocrates*. *Minervam*, Auditores, quam natam de *Jovis* vertice fabulantur *Pœtae*, *Prudentia* emblemata agnoverunt *Romani*; quam cùm *Amulius* pictor penicillo adumbraret, eandem tanto perfectam artificio, et consummatam, dedit; ut undique versum spectantes, intentè admodum intueri videbatur. Miror equidem viri ingenium, pictorisque felicem manum deosculor, qui externis oculis, omnia plerunque crassè intuitibus, divinum tantæ *Virtutis* proprium subtiliter expressit: quæcunque enim ad faustum *Imperii* statum, perpetuamque *Subditorum* salutem, conducant, hæc omnia

omnia, plusquam *Lynceâ* oculorum acie;  
*Imperatoria* plerunque prospicit prudentia;  
in pace futura meditatur pericula;  
in bello latentes *Martis* subolet, præcavetque,  
insidias, dolos intercipit; nec quid unquam  
inconsultò adeò, temere, committit, unde  
incommodi quicquam patiatur *Imperium*. At quid  
*imprudens* possit *Inoperator*, testis sit, favente  
plebe, Consul olim factus *Flamininus*, quem  
misera præcipitem adeò egit insania, ut, viribus  
solum, & audaciâ, exultans, nihil præter certamina  
cogitavit; unde a *Pæno* ingentem accepit plagam;  
cui nisi prudens ille, & *Imperii clypeus*,  
occurrisset *Fabius*, *Roma*, terrarum orbis gloria,  
subitò corruisset. At quis nostro *Casare* prudentior?  
qui novit optimè ferociore sævientis *Fortuna*  
impetus aut callidè declinare, aut, quod magis est,  
jamdiu paratâ manu, fortiter repellere. Quin abfit,  
Auditores, ut *Casarem à Casare* dividamus;  
& in tanto *Imperatore*, id agamus seridò,  
aut pejus, quod in *Amphitryone*, duplici



plici iussit *Comicus*, verumque *Casarem*  
vero itidem *Casari* opponamus: Gtatule-  
mur potius in eodem *Fulio*, aliisque *Impe-*  
*peratoribus* exoptemus, utraque hæc u-  
triusque status, *Civilis* scilicet, & *Bel-*  
*lici*, ornamenta, æquè necessaria, ita  
prosperè juncta, & felici nexu conca-  
tenata.

Dixi.

---

I


Declamatio

---



## Declamatio Secunda.

*Malè fecit Porcia, quæ Bruto, Cæsaris exitium meditantì, silentium præstitit.*



*Amylas solos silentium perdidit; jam olim in proverbium abiisse fertur; & utinam tuum, invictæ Cæsaris, exitium nobis, coram hac spectatissimâ Coronâ hodie perorantibus, proverbiali fidei nullam refragandi ansam præbuisse. Quin eccum, Athenienses, ipsum Cæsarem, non humili Amyclarum gente oriundum, at Romanum, at Romanorum Principem & Imperatorem, fortem, facundum, silentium,*

etiam, idque vix fidem habiturum, foemineum perdidit,

*Sic Porcia fecit,*

*Ut nullam obtineat fabula prisca fidem.*

Serpentem ferunt tantâ celeritate linguam movere, ut, cui unam solum *Natura* tribuit, movendo triplicem habere videatur. Quam de serpentibus illi, hanc ego de *femina* *Harrassem* fabulam, nisi inopinatò *Porciam* tacentem legeram.

Quoties enim *feminea* loquacitas increpita? quoties fidei loquendo violata, & quam referta, occurrunt exemplorum volumina? quam catervatim viros, uxoriâ, prorsus incontinenti, linguâ, alios exulantes, alios dignitate & opibus spoliatos, & præter *Fulviam* è *Romano* proceribus, quam multos vitali lumine exorbitatos, antiqua memoria scripta prodicere? Et tamen *Porciam*! *feminam*! tacere! idque etiam cum *maritum* prodere potuisset! si nihil miri in verbis lateret, res ipsa nobis supra sexum aliquid stupendum pollicetur. At quò magis possem hoc tuum, *Porcia*, sus-

picari *silentium*, facit animus novitatis avidissimus, facit & lingua insulsè adeò maritalis percontatrix consilii; illud nimix aut levitatis, aut curiositatis, indicium; hoc tuæ fidei commissum aliquid parùm cautè servandum minatur. Nec te *silentii* ream fuisse arbitror, nisi turpe aliquod moliendum facinus animo statuisses. Consultius igitur fecisset *Brutus*, si (ut matrem prætextatus *Papyrius*) importunam *feminam* extemporalis aliquo commento elusisset; tu, *Porcia*, fidelius, si aut *maritum* talia meditantem à proposito dimovisses; aut, tam nefando animi instituto immobiliter pertinacem, proditorem prodidisses; nam sic decuerat amantem *Conjugem*, sic *matronam* honestam, & subditam. At quàm aliorum rapit *Porciam* perfidia! quæ, dum hæret, minatur, æstuat, queritur, *Brutus*,

*Furoris vultu signa lymphati gerens,*  
non hæc, ut in Tragœdiâ *Clytemnestra*  
nutrix,

*Fraus furialem (Conjux) & siste  
impetum,*

*Et quanta tentes cogita; —————*

At potius

*————— in praeceps rapit, Porcia,  
Iramque flammis dubie residentem  
excitat;*

*Incumbe in iras (inquit) teque lan-  
guentem excita;*

*Penitus feroces pectore ex imo im-  
petus*

*Violentiùs hauri; —————*

*Quicquid admissum est adhuc, aut ad-  
mittendum,*

*Pietas vocetur. —————*

At dum fucato verborum collyrio lippi-  
enti *Bruto* obducit oculos, excœcat pe-  
nitùs; & dum maritalem salutem simu-  
lat, exitium quærit. Hôc igitur longè  
miseriôr *Brutus*, qui, tantam *fœmina* ad-  
miratus constantiam & affectum oscula-  
tus, manus præ gaudio in altum sustu-  
lit, *Adeste propitii Cœlites*, inquit, ac  
dignum me *Porciâ* maritum præstate.  
*Insipiens Brute,*

*Coniuge tu, teque est dignissima Porcia conjux.*

*ubi tu Caius, Brute, sit Porcia Caii. Sed quousque tandem vestrâ (Viri Athenienses) abutemur patientiâ? quousque feminam, maritum urgentem, increpare progredimur? quam unicum patrandi sceleris silentium ad ipsas Inferni Furias relegabit. Et tamen egon' illud perstringam facinus, quod olim melliflua Ciceronis Snada non modò ab omni culpâ liberavit, quin etiam summo insignivit encomio? Egone Porciam silentem arguam, dum ille Brutum laudat occidentem? Imò hoc acrius mihi certandum video, quò magis strenuum sim nactus adversarium: Quòd si hæc eadem Ciceronis Snada sit hodiernam fortè passura metellæ luxuriv, & quas in foro olim Romano, in hoc amplissimo pariter perorandi Theatro partes egerit, prefabor exordienti metro aculeatè monitorio.*

*Causa patracinio non bona pejor erit. At quid tibi, Porcia, fecerat Casar, ut eundem*

eundem perfidè interfecturum celares?  
quid tibi, *Brute*, ut in *Senatu* interficeres? quid tibi, *Cicero*, ut interfecto triumphares? Num ille publicum *Ærarium* compilavit? (quamvis bono publico perfregit) Num vestra unquam bona dissipuit? ædes incendit? liberos trucidavit? Num ille denique *Hunc mihi plecte; Hunc tolle in crucem; Hunc virgis cade;* ferocientis olim in foro *Dictatoris* more, exclamavit? Absit, absit, inquam, ut innocuam *Serenissimi Caesaris* majestatem tam atrâ tyrannicæ crudelitatis maculâ turpiter, & immeritò, inquinetis.

*Non hic interemit nobiles, juvenes,  
senes, domos non, circumque  
sparsos per orbem, cum suos mortis  
metu*

*Fugerent Penates. — — —  
Servavit civis Principi & patria gra-  
ves;*

*Cum licuit unâ voce suspectos sibi  
Mori jubere, non tamen jussit mori.*

*Ac intestina, aiunt, commovit bella,*



&, ambitiosâ regnandi libidine correptus, *Pompeium*, patriæ patronum, trucidavit; Siccine verò *Cæsarem* incusas *Cicero*, *Pompeium* liberas? Num te oculatissimum omnium, latere possit, quod Poëtam non latet?

— *Non patitur Cæsarve priorem  
Pompeiulve parem* —

aut quantum inter *priorem* & *parem* distat, ignorat *Cicero*, aut novit quanto fastu *Cæsarem Pompeius* superavit. Quin tu, cum, quod necessum est videas, videre nolis, nōsti connivere; At te uno licèt connivente oculo, alio *Cæsarem* obliquè intuente, utroque pariter coeca *Fustitia* hunc, tuis undique circumseptum calumniis, non modò liberâsse, verùm etiam *Cæsari Romanum Imperium*, ex merito prorsus, videatur contulisse; Ne dicatur *Brutus* tyrannum occidisse, qui ab ipsâ *Fustitiâ Imperatorem* constitutum, nequissimus hominum, interfecit; nec (ut tu vulgo suggestisti *Cicero*) fortem *Romana* libertatis vindicem, sed proditorem *Porcia* perfidè

perfidè celavit. Sic *Brutus*,

*Dum falsum nefas exequitur vindex,*

*Incidit in verum nefas scelestus.*

Sic *Porcia*, dum *veram* patriæ simulavit fidem, *simulatam* prodidit: Ne tamen tu tibi aculeatam eloquentiam, illa non minus subdolum & artificiosum *silentium* sibi pariter posset gratularier, *Casarem* unicum Reipublicæ Liberatorem, *Pompeium* intestinæ seditionis fautorem, breviter demonstrabo. Et quid ego fautorem dixi? cum, nisi rupta *Pompeii* fides *Casarem* provocasset, vix unquam, sentio, habuisset prælium, quod cantaret, *Lucanus Pharsalicum*. Hinc ad arma curritur, quibus sæpissimè victus *Pompeius* insolenter admodum æquissimas pacis conditiones recusavit. Cum enim *Cæsar*, missis per *Antonium* ad plebem literis, peteret ut ambo Provinciis decederent, exercitus dimitterent, plebisque judicio sese subicerent; repudiavit *Pompeius*, &, recollectis viribus, ut in hostem designavit. At statuit *Cæsar* armorum præmia armis defendere; sic, interfe-

interfecto tandem hoste, seditiones compressit; pacem universo terrarum orbi præbuit; instaurantes bella undique coercuit; leges instituit; labascentem Romanum populum sustinuit; *Italiam*, pariter nutantem, firmavit; civibus pepercit; inimicis indulgit; exules reduxit; & triumphali frontem decoratus lauro, *Patria Pater, Dictator perpetuus*, publicâ *Romanae* gentis acclamatione salutatur. Sed quid ego, laudando liberandove *Casarem, Porciam* silentii, *Brutum* perpetrant parricidii reum, progredior tantâ contentione inculcare? Quidni cum *Hippolyto Seneca* dicam?

— *Hâc potius pergam,*

*Quæ via magnum compensat iter.*

Sit ergo *Cesar* noster proditor *Patriæ* perditissimus; sit depopulator audacissimus; sit ipso *Nerone Neronior* h. e. crudelior *Tyrannus*; at tibi interim pater, *Brute*, & in hoc tibi, *Porcia*, patronus; utrique præsidium; & is demùm quo pereunte pariter peristis. Hunc te igitur injussum & (quid si dicam?) inau-  
ctora-

Oratum, *Brute*, minimè omnium interfecisse decuit; te minimè, *Porcia*, interfecturum animasse, frustra enim sub otioso silentii titulo, & ineptâ spe, tibi blandiaris, nisi unam *Porciam*, omnibus notissimum, ignorum lateret.

*Quæ non vetat peccare, cum possit, jubet.*

Memoriæ proditum est, quòd post *Pharsaliam* victoriam non comparente *Bruto*, *Cæsar*, eundem interfectum veritus, indoluit graviter, & à militibus diligenter perquiri iussit, cui cum incolumis tandem perductus esset, non modò vitâ, quam perdere meruisset, donatus, sed tantâ fuit cum alacritate animi lætitiâq; acceptus, tantâ benevolentia, tot honoribus, affectus, ut à quibusdam non adoptatus titulo, sed reverâ natus ei filius crederetur.

————— *Sed olim*

*Prodigio par est in nobilitate Senectus.*

————— *En Brutus in cadem ducis,*

*A quo salutem tulerat, armavit ma-*

*nus.*

————— *Quan-*

*Quantum cruentis Roma tunc vidit  
sui*

*Lacerata toties ! —————*

Quòd si hoc *Brutum* animo meditantem indicasset *Porcia*, illi *Populus Romanus* vitas, illi liberos, illi fortunas, illi denique ipsam *Casarem*, ipsamque *Rempublicam* acceptam retulisset. *Aequum* igitur censeatur, *Porcia*, ut tuum tergum maritali stultitiæ, quam celando tuam facere voluisti, subdas succidaneum. Sed

*Qui statuit aliquid, parte inaudita altera,*

*Aequum licet statuerit, haud æquus fuerit.*

Prodeat igitur jam tandem *Porcia*, & quemcunque silentii prætextum habuit in medium proferat. Quin hæc (*Athenienses*) cum dubitabat adhuc quid *Brutus* agitare, modò eam sui participaret consilii, quicquid demùm astrictus esset, si non auxilium præbere potuerit, silentium saltem & fidem se præstituram pollicetur. Quàm apertum foemineæ temeri-

meritatis indicium ! Non sic ille olim  
*Germanus*, qui *Dominicano* cuidam quid  
 arcani commissuro, siquid Principi hoc  
 scire interesset, quodcunque fuerit, se  
 minatur proditurum.

*Præstare, fateor, poterit quis tacitam  
 fidem,*

*Si scelere careat; interdum scelus est  
 fides.*

Sin non sit scelus, *Porcia*, est stulta fides,  
 quod prodi debeat illud celare.

*At te reflectis conjugis nomen sa-  
 gram;*

*Quin cogat potius proditoris nomen  
 impium.*

Nec hoc conjugii sacrata fides est; Prin-  
 cipem trucidare; Nec hoc est fidem  
 præstare *Viro*; *Patria* violare. Quod  
 si *Dii Conjugales*, ipsaque *Genialis* tori *Lu-  
 cina castos*; silentium foeminae imperas-  
 sent *Pythagoricum*; dum *Deos Patrios*  
 offensos habeat, necesse fuerit, illis mi-  
 nùs gessisse morem; his decuit *Porciam*  
 eloquii obsequium; & fidelem animi ve-  
 nerationem præstitisse. Non ergò *Casa-*

sem interfecit Porcia, filium tantum, & interfectorum celavit.

*Quin scelus intra se tacitum qua continet illum,*

*Facti crimen habet.*

*Hostis est quisquis mihi*

*Non monstrat hostem;*

*Neronis olim, favientis licet, fuit tamen Imperantis dictum, & in hoc salutem haud infavientis.*

*At ubi non licet tacere, quia cuiquam licet?*

Imò nonnunquam licet tacere, Porcia, & intima pectoris arcana tibi soli nota custodire, tua scilicet, non eadem alieni animi prodigia in perniciosum principis aliquando, nisi prodita, proditura.

*Sape vel lingua magis, (et vel manu forte)*

*Regi atque Regno mala libertas obest. Quod si hæc tria tantum emisisses verba, Rex Brutum eade, & monuisses temperare Casarem, nec mariti nomen, sine aliquo subterfugio, detulisses. At te filiente Porcia, cecidit Caesar, &*

*Casare*



*Cæsare* vix steterat *Roma*, nisi propitiis  
*Deorum* manibus sustentata. Certe quem  
 saluum tibi, & summis honoribus eve-  
 hendum promiseras, periit *Brutus*; &  
 scelerati tandem silentii conscia, dupli-  
 cisque parricidii rea, tu etiam propriis  
 confecta manibus, *Porcia*, periisti. Quæ  
 igitur *Cæsare*, marito, sibi que ipsi, ex-  
 itio fuit. Patriæque, difficulter conser-  
 vata, periculo, si non malefecit filendo  
*Porcia*, iam tandem vestrum est, *Atheni-  
 enses*, dicere, Ego

**Dixi.**



**Decla-**



Declamatio tertia.  
Caii Cæsaris, non Porcii  
Catonis, sententia, de cap-  
tis in Conjuratone Catili-  
nariâ Patriciis, & landan-  
da fuit, & à Senatu Ro-  
mano admittenda.

**D**E Conjuratone Catilinariâ  
(*Athenienses*) siquem ve-  
strum, in frequentissimâ  
hâc lectissimâq; Coronâ,  
sentirem prorsus nihil in-  
auduisse, illum ego stupendæ ignorantia,  
meque ipsum difficilis fidei, animique  
nimium suspicacis, viderer incusare. Hoc  
olim anxie curavit *Cicero*, ut in Rem-  
publicam Romanam Catilinam conjurâs-  
se,

se, eundemque tandem (Cicerone scilicet Consule) fuisse deprehensum, cum Romanâ linguâ ad posteros, ubicunque nascituros, non sine infamiæ notâ, transmitteretur; nec quisquam è vobis est, qui vel a limine eandem linguam salutarit, cui non execrandum illud *Catiline* facinus, cui non & ipse ille *Dis Inferis* devorum caput meritò videatur. Urbem incendere, Consulem trucidare, sacra Deorum templa demoliri, quæ omnia, nisi feliciter præventus, *Catiline* perpetrâisset, fuisset quidem, ut cum *Tragædo* loquar,

*Efferum, ignotum, horridum, tremendum cælo pariter ac terris nefas:*  
cujus si ego hodierno die inhonestum patrocinium susceperem (nisi vobis simulationem insitam judiciumque præriperem) apud vos essem, satis scio, aut nullam *fidem*, aut nullam certe *gratiam*, habiturus. Quod tantum abest, humanissimi Auditores, à nostro instituto, quantum a vestris animis abesse sentio, de me ita malè augurari. Quin abeat  
K ergo

ergo in malam rem hæc pestis patriæ;  
 abeat turpe hoc *Romana* gentis Propu-  
 dium, *Catilina*, qui non si nostro, fultus pa-  
 trocinio nequeat stare, in æternum cadat.  
 At vereor tamen ne cui vestrum oratio  
 nostra arrideat minus, ut quâ planè vi-  
 dear *Catonianos* jam diu consopitos ma-  
 nes coram hoc vestro tribunali sistere,  
 ab *Inferis* revocatos. Et hoc jubet qui-  
 dem (*Athenienses*) *Casarei* nominis, in  
 frequenti olim *Romanorum* *Senatu* unius  
 tantum senis (delirantis dicam, an ni-  
 mium sævientis?) temeritate, majestas  
 conculcata; Cùm enim *Vulturcius* qui-  
 dam, (nuper & ipse *Catilinarii* sceleris  
 popularis) *Patricii*, *Senatorii*que ordinis  
 nonnullos ad *Ciceronem* detulisset, ecce,  
 vix adhuc patefacto facinore, de suppli-  
 cio cogitandum! Nec imperavit citius,  
 quàm *Silanus*, nescio quis, at, quantum  
 ex re ipsâ licet conjicere, *Senator* aliquis  
 triduanus, pro gravitate illâ, quam a-  
 bunde satis tantillo temporis spatio ex  
 purpurâ contraxerat,

Terri-

*Terrificans capitis concussis, torque  
quaterque*

*Caesarem,*

et tandem, cæteris aliquanto commo-  
tior, dicitur exclamasse,

*Dent ocyus omnes,*

*Quas meruere pati (sic stat senten-  
tia) pœnas.*

At, *Dis* gratias, nondum est *Silanus Ro-*  
*ma* factus, habitusve, *Pythagoras* trans-  
formatus, ut quod ipso dicti, pro jure  
statim & æquo censeretur ratio, minime  
repudiando: Et tamen utinam quod  
ille dixit, idem *Senatus* aut serò saltem,  
aut non omnino statuisset; quod ab eis  
abfuisset longius, nisi truculentam hanc  
*Silani* sententiam severus *Cato* assensu  
comprobasset; Cum enim ad illum, &  
*Caesarem* nostrum, delata res esset, ut  
quid uterque agendum sentiat, *Senatus*  
intelligeret; *Cato*, pro more suo & fo-  
lito, non nisi morte plectendum fecit;  
*Caesar* parcendum dignitati iudicavit;  
illi *Senatus*, quod huic debuit, obsequi-  
um præstitit. Et quis vestrum est (A-

*thenienses*) qui non in hoc *Catonis* audaciam miratur magis, quàm *Catonis* probet iudicium? quem nec metus affidentis *Purpuræ*, nec circumstantis populi contracta supercilia, in re momentosâ adeò, plenâque periculi, ab hac censendi temerariâ licentiâ deterrere poterant; nec authoritas *Semproniae* legis, de civibus *Romanis* morte non plectendis, ad hanc *Caesaris* clementiam aut probandum publicè, aut cum silentio saltem ferendum, commovere. Miram audaciam! *Porcium Catonem*! *Senatorum* unum! in medio *Senatu*! non tantùm viros generosos & nobiles, sed ipsos etiam *Senatores*, morti adjudicare; & tamen majus mirum, *Catoni* sævienti tot graves & prudentes viros, assessores iudiciû, tam paratè & promptè consentire potuisse; nisi fortè, quod de *Mario Consule* refert *Salustius*, idem de *Catone* cogitemus, *nihil ausum ei Senatum abnuere*. Quin demus *Senatum* submissum adeò factum, & *Catoni* quidlibet censenti obnoxium: Est tamen hydra multorum

torum capitum adhuc superanda. Fortè  
Populus hoc improbabit: Tu, Cato, fa-  
cies ut Populus probet. Satis, certè, pro  
imperio prolatum;

—— *Maximum hoc regni malum est,  
Quòd facta domini cogitur populus  
sui*

*Tam ferre, quàm laudare, ——*  
nam quòd te *Dominum, Cato, & Regem,*  
salutemus, Populumque *Romanum* tu-  
um nominemus, cogunt dicta & facta  
omnia pro arbitrio, nemine auso con-  
travenire, aut quicquam contra *Catonem*  
mussitare. At *Lex* prohibet; Tu, *Ca-*  
*to, lex* es tibi. At exemplo caret: Et, ne  
posterì fient exemplo carituri, exem-  
plum dabis. Maeste hâc tuâ severitate,  
*Cato*, & cùm omnes *Reipublicæ Romanæ*  
cives at *Inferos* relegaveris, tum tuò  
poteris regnare solus, solus triumphare.  
Crudelis *Cato!* cujus tacente linguâ, fur-  
cas, equuleos, cruces, mortem deni-  
que ipsam, mortem dixi? parùm hoc,  
& *Catonicâ* planè indignum tetricitate  
(parcant, oro; *Ciceroniani* manes cui fa-



vent *Ovidiani* ) dicam mortES (autore *Senecâ* ) fimbriata frons , oculi fulgurantes , pallentes genæ , totus denique vultus , & persona muta , solet minitarily. Tantilli scilicet apud te sunt tot viri nobiles ? tot *Patritii* ? tot *Senatores* ? *Leptuli* ? *Statilii* ? *Ceparii* ? qui viri ! quæ familiæ ! quæ demum *Romani Senatus* insignia ! hos omnes unâ perire nocte ! unius tantum perditissimi proditoris scelere trucidari ! idque uno *Catone* imperante ! esset quidem *summum jus* , & vereor ne tandem *Reipublica Romana* futurum sit *summa injuria*. At quid ego de salute Urbis *Romana* conservandâ jam postliminio dubitare videor , intemperanter sollicitus , intempestivè curiosus ? Evasisit, floruit, & , *Catilinâ* suo cum exercitu pereunte, feliciter triumphavit.

*Honestâ quædam scelera successus facit, multa consilia.* Sic olim deletâ floruit *Carthagine* , *Catone* pariter , at majori, censente ; quòd si tortè stetisset illa , quòd si & illos a supplicio liberâssent , quæ bis tantum dicitur floruisse , felix

ter & ampliùs extitisset. Memoriae pro-  
ditum est, de *Pericle* morituro, quòd  
cùm ex affidentibus amicis alios pruden-  
tiam, alios eloquentiam, alios alia lau-  
dantes audivisset; ille, modicè erecto  
capite, *Aut parva*, inquit, *aut fortu-  
ita laudâstis*, & illud interea maximum  
omisistis, quòd nemini pullam sump-  
sisse vestem nostro unquam contigit im-  
perio: Mirum iudicium, & Rege dig-  
num! Hoc habuit ille,

*Hoc habent Reges magnificum & in-  
gens,*

*Prodesse reis, supplices fidòtare*

*Semper protegere. —*

At tantam interim *Romana* Majestas de-  
dignatur clementiam; in subditos sæ-  
vire, fontes supplicii gravitate deprime-  
re; infontes æquè aliàs trucidare; im-  
mò ipsa Naturæ foedera temerè violare;  
à primis orientis *Romæ* crepundiis mag-  
nifica ducebantur; & *Catone* tandem  
in *Senatu* dominante, clamatur,

*—solum decus esse Romæ,*

*Semper intensum tenuisse ferrum.*

Quid autem ego hac in re *Porcium Ca-*  
*zonem* crudelitatis nimiae infimularem,  
 quem cura miserè periclitantis patriæ, &  
 extremum pene spiritum haurientis, so-  
 lito magis aliquantùm irritaverit, &  
 hanc ei (aliter invito fortè) sententiâ  
 extorserit? Quin abeat, scilicet in ma-  
 lam rem, hæc impia pietas, & cura  
 nunquam patriæ profutura, nisi maximâ  
 sit incuriâ prætermissa; Abeant hi *Am-*  
*putatores* potius, quàm *Patres*, patriæ,  
 qui, quod in arboribus fieri solet, *Rem-*  
*publicam* sentiunt non, nisi decacumina-  
 tam, posse reflorescere. Itane *Porci*?  
 num illud tibi est; *Patriam* curare, *Se-*  
*natum* interficere? Vivat *Senatus*; tuam  
 sentiat populus clementiam; & Patria,  
*Cato*, si possit, pereat. Ferunt *Metel-*  
*lum*, in bello *Fugurthino*, prohibendo  
 à delictis magis, quàm vindicando, ex-  
 ercitus brevi spatio confirmâsse. Quod  
 in exercitu *Consularis* prudentia, quid-  
 ni idem in Republicâ poterit, obsecro,  
*Senatoria*?

*Qui fruitur pœnâ ferus est, legumq;  
videtur*

*Vindictam præstare sibi. —*

*Diis proximus ille,*

*Quem ratio, non ira, movet; qui facta  
rependens*

*Consilio punire potest. —*

Abfit tamen interea, ( Auditores ) ut  
tam horrendum scelus sit, nullo vindice,  
impune evasurum; Id tantum ego, id  
tantum *Caesar* provisum vellet, ne magis  
apud *Senatum* valeat horum scelus, quàm  
sua dignitas; neve iræ magis, quàm fa-  
mæ *Urbis Romana* consulatur.

*Dura supplicia ingerat Catonis ira;*

*Vinclis nobiles oneret manus,*

*Clusosque saxo noctis aeterna obruat,*

*Dum vltis parcit.*

*— Duo nunc moriuntur in uno,*

*Civis, Senator:* quòd si necesse habeat  
*Cato* ut perdantur *Cives*, servantur saltem  
*Senatores*. At qui ipsi *Senatum* confodere,  
*Rempublicam* evertere; qui *Populi  
Romani* nomen tantum non extinguere  
conabantur, illos *Cato* vel puncto tem-  
poris

poris hac vitâ frui, & hoc communi spiritu confoveri, non putat oportere; quippini? quos nec tentati frustra facinoris poenitere posse, nec denuò repentibus præcaveri putat, nec adeò infensos semel animos, & à se mutuò divulsos, licere coalescere. Confecto bello *Macedonico*, Auditores, cum de *Rhodiorum* civitate, Populo *Romano* semper intestâ, infidâ semper, consultum fuit, id visum est tum in ipsius *Senatus* dignitatem, tum in Urbis *Romanae* salutem, abiturum, non tantum illis intactam *Civitatem*, quin & ipsos etiam *Rhodos* (vivos?) immò prorsus *impunitos* dimittere. Quod olim *hosti*, concessum legitur, *Catone* pro arbitrio sæviente, id ipsis *Civibus*, ne dicam *Senatoriae* dignitati (quam injusta summitas justitiæ!) Auditores, pernegatur. Nec quidem aliter *Rhodo* contigisset, quam ipsi quondam *Carthagini* audivistis, si *Cato* aliquis (fatale nomen!) *Senatus-consulto* interfuisset. Et satis mirari nequeo *Ciceronem*, illum oratorum principem, pro

Consu-

Consulari suâ, quam habuit, prudentiâ, non tantum *Catoni* stimulos addidisse, quin & turpia majorum parricidia, quæ sempiternis offundi tenebris decuisset, in re malâ exempla longè pejora protulisse. *Manlius Torquatus*, ait, filium, quod contra patris imperium in hostem pugnauerat, necari iussit; Factum *Torque* cannabino, certè, dignum, aut ferro. *Marcus Brutus* duos simul natos, revocandis in Urbem Regibus studentes, pariter interfecit; verè *Brutus*, a cognomento minimè alienus. Et quod privatis licuit, illud tandem, in extremo totius Reipub. periculo, *Senatori* publico, aut ipsi potius *Senatui*, non licet? Ut mulus mulum! ut *Marcus Marcum* scabit, & *Manlium*! cum siquod in *Romano Foro* vestigium sui *Astrea* reliquisset, non ità parricidæ isti effrænatos furoris impetus exercuissent; non patrias leges violassent; non ità denique ipsi Naturæ vim impunè intulissent. Sed ad *Catonem* redeamus, quem in *Senatu* audire videor ità perorantem.


*Agitur hodierno die P. C. vestra non tantum de horum proditorum supplicio sententia, quin & simul de salute hujus pulcherrima Civitatis, de Imperii Romani stabilitate, de legum nostrarum incolumitate, de libertate civium, de liberorum conjugumque pudicitia, de vita, fama, bonisque omnibus bonorum omnium: Ut quicquid sit, quod de illo pronuncietis, idem aequè de singulis hisce statutum sentiatis. Ergone, Cato, moriantur, inquis? quin etiam dicas, sit hujus Civitatis salus perditâ; sit Imperii Romani stabilitas concussa; sit legum incolumitas periclitata; sit libertas civium cum servitio commutata; sit pudicitia liberorum conjugumque impudicè prostituta; susque deque habeantur omnia, & confundantur, frustra enim, his morti traditis, Catilinam animo devictum habes, & debellatum; id potius senti; eundem, omni abjectâ spe, aperto Marte crâs Urbis hujus moenia oppugnaturum; illam ipsam, Cato, quam tu indignè occupas, sedem habiturum, & animam istam, nil præter cædes*



cædes & sanguinem exspirantem, (ut par est) ad *Inferos* demissurum. Non sum nescius (*Viri Athenienses*) *Romæ* aliter rem sese habuisse; absit tamen ut id insano præcipitique *Catonis* consilio, quin ipsi potius *Capitolino* *Fœvi*, perpetuo Urbis *Romanae* Servatori, acceptum referatur! quod cum videar mihi satis compertum habere & cognitum, nec metuo, nec dubito, illud liberè pronuciare; Si ego de *Patriciis* hisce sententiam laturus pro salute Reip. in *Romano Senatu* fuisset pristino tempore constitutus, non *Silanus*, non *Cicero*, minùs tetricâ gravitate *Cato*, summam dicam, & seriò; hac saltem in causâ, *Athenienses*, aut certè fuisset *Caesar*, aut nullus.

Dixi.

Decla



## Declamatio Quarta,

*Bene & consultò fecit Nobilis Stanleius, qui, cum filii periculo, Richardo tertio, Angliæ Tyranno, auxiliares copias postulanti, pernegavit.*

**M**Emoriæ proditum est (ornatissimi Academici) de *Burleighe* quodā, summo olim inclytissimi hujus Regni *Thesaurario*, & Serenissimæ Principis *Elizabethæ* Majestati à Secretioribus Consiliis; quandocunq;  
cum

eum adisset aliquis, id petiturus scilicet, ut peregrinandi copiam faceret, sagacem senem de vario hujus *Insula* apparatus, Comitatum situ, more gentis, & aliis eò spectantibus, plurima percontatum, si fortè domi, quod aiunt, hospitem, & in suâ patriâ peregrinum comperisset, sic viri levitatem, sic domesticarum rerum ignorantiam increpuisse; *Ἐνὸς δὲ τὰ κνέτερεα, Nostra* imprimis *cognosce*, dein quæras aliena; Turpe nimitum nobili huic, & experto, Consiliario videbatur, ita exterarum Gentium res admirari, nostras interim prorsus negligere, aut parùm scitu dignas existimare; Nec quid aliud nunc dierum agimus, Academici, cùm in præclaro hoc Eloquentiæ Theatro peroramus, quàm, calcatâ nostræ Gentis Historiâ, & *Vulcano* traditâ, *Gracâ* scriptam fide proferimus; in *Romano* præsertim Foro res olim agitas recolimus; Cives *Romanos* hinc accusamus, illinc defendimus, causas moderamur; quasi jam postliminiò simus donandi civitate, aut (quod majus

jus esset) pro Consulatu ipso futuri Candidati. Quòd si quis vestrum est qui hodiernum mihi silentium commendaret, non sine opprobrio *Britannica* Gentis, castissimarumque aurium offensione, productum sentiens execrandum tertii *Richardi* nomen, *Deisque Inferis* perpetuò devovendum; testor quemvis æquitatis arbitrum; quicquid inde detrimenti ceperit gloria *Anglicana*, illud tua, *Richmonde*, virtus, illud singularis, *Stanleie*, tua in patriam pietas, abundè satis poterit resarcire. Absit enim ab illustri adeò & præcellenti viro, Auditores, ut

*Famam aucupetur nati de sanguine,*  
et

*Compenset aurà pietatis scelus.*

Salvam optat *Stanleius* Patriam, saluum Filium affectu, pius, paterno deprecatur; at, cùm necesse sit alterutrum defuturum, de se suisque parùm sollicitus, huic instat, ut salutariorem omnibus salutem asserat. Nec enim est cur quisquam possit perperam suspicari, vel par-  
ricidii

ricidii nosmet, vel perfidia, aliquod patrociniū suscepturos; illud inhonestum esset, & impium; hoc (quicquid aliud) minūs tutum; utrumque sanè, si dextros simus interpretes habituri, aversamur protinūs, & amolimur.

Ferunt nonnulli, de *Norfolciensi Duce*, illo qui in prælio hoc, de quo jam verba facturi sumus, dicitur cecidisse; quod rogatus sæpe quid in causā esset, ut *Richardum* tertium, patriæ hostem, insolentem, (ut nōrunt omnes) *Tyrannum*, adjuvaret; respondit ille, si Coronam possi, vel stipiti, imponatis, quamvis certo cum vitæ dispendio, pro virili agam ut salva eadem, & intacta, conservetur. Laudatur meritò in Duce tanta *Coronæ* reverentia; quam si ego à nobili nostro *Richardo* huic auxilium perneganti, vel oppugnatam sentirem, vel imminutam; imò si non magis auctam crederem, & seriò propugnatam; vel filerem hodie, vel factum certè nullus vindicarem. Quicquid sit quo memorandum illud *Stanleii* facinus vel à nobis

jure laudari possit, vel ab aliis parùm justè vituperari, paucis accipite, & si estis Arbitri, quales vos esse sentio, æquissimi, judicate.

Quàm infestum fuit, & tranquillitati publicæ perniciosum, inter *Eboracensem* olim, & *Lancastrensem* familias infælix dissidium, neminem sentio in conferatissimâ hac auditorum frequentia, qui non nescire mallet, si nesciat, quàm pro atrocitate rei, & historiæ veritate, narratum exaudire, quas Nobilium strages, quas cædes Civium, quas populorum undique, & ætatum omnium, edidit lanienas, si ad illas ex *Cæsaris* & *Pompeii* bello, quamvis plusquam civili, *plusquàm bello* (ut ait ille) oriundas conferamus, vel patientiâ vestrâ abutemur, Auditores, vel nostram certè ignorantiam proderemus. Quàm in utramque partem lusit *Fortuna*! quàm in utriusque miseriis seriò triumphavit! nunc hanc, nunc illam, ad summum usque dignitatis, Majestatisque culmen visa extulisse, *ut lapsu graviore ruat.*  
Sensit

Sensit hoc, & utinam non sensisset, Academici, inigne scævientis *Fortuna* ludibrium, *Henricus* sextus è *Lancastrensi*, Rex, siquis alius, verè pius, pacificus nimis, non semel tantum hæreditario privatus regnandi jure, de Solio deturbatus. Sensit hoc, & utinam sensisset solus, Auditores, *Eduardus* quartus, *Eboracensi* prognatus stirpe, ad Regnum, quod per vim prius occupaverat, amissum tandem, per eandem vim denuò restitutus; quasi quod inter *Eteoclem*, & *Polynicen*, servatâ fide, prostiterat fœdus, alternas regnandi vices *Fatum* destinâsset: quod si diutiùs vixisset ille, vel citiùs obiisset; aut *Fato* moram, aut intestino *Bello*, grassanti per *Britanniam* pesti, *Ne plus ultra*, posuisset. At nondum *Insula*, parùm tunc temporis *Fortunata*, perfecta clades; hunc nequis finem malorum putet, est tantùm gradus; frustra enim cruentus ille Dux *Glocestrensis* (quem sub exoso tertii *Richardi* nomine dehinc estis, Auditores, habaturi) *Lancastrensis* familiæ patrem, fili-



um, propriâ confosfos manu, ad mortuos relegasset; nisi & fratris percussis liberos, Principum illud innocuum par, orientes Phosphoros, duo, futuræ aliâs, pacis pignora, at & duo ambientis animi impedimenta, aut eâdem, quod aiunt, paricidali manu, aut non diversa mente, sanguinolentâ, removisset. Ita, ut *Romanum* olim *Tarquinus Superbus*, hoc *Anglia* regnum, præcipiti consilio, *rapere* maluit, quàm *expectare*; quam nefando partam scelere potestatem non exercuit meliùs, quàm acquisiverat. Hinc illæ lacrymæ; hinc populo Regis nota & notata crudelitas; hinc populi fides suspecta Regi; metuentes metuit; quos metuit mactat;

*Periere mores, jus, decus, pietas, fides,  
Et, qui redire, cùm perit, nescit, pudor.  
Per scelera semper sceleribus tutum est  
iter.*

Sic sensit ille. At ne vos nimio magis suspensos tenerem, & historiæ tædio defatigarem, (quamvis multum in hoc dicendi genere, Auditores, tractandæ  
rei

rei postulavit dignitas, difficultas flagitavit) cum ultra omne tum fas, tum nefas, sæviisset Impietas, Tyrannis dominâset; eecum à transmarinis partibus, ubi exul vixerat, huc advolantem *Richmondia* Ducem, summâ nobilium plebisque prece sollicitatum, scilicet ut regnum susciperet, ut patriam miserâ servitute liberaret. Suboler hoc in ipso limine sagacissimo hominum Tyranno; is sibi consulit; quorum vacillantem suspicatur fidem, hos vel trucidat ilicò, vel carceribus committendos curat, vel dato obside, vix è conspectu tamen patitur abeuntes. A *Stanleio* nostro, quippe qui *Richmondii* matrem in uxorem duxerat, filium postulat, traditum observat. Rebus sic, Fatisque simul, itâ ordinatis, ferro stipatus satis, an fide, nescio, occurrit hosti;

——— *Bina nudatis stetit*

*Acies in armis, ara jam bellum cient,  
Aquilâque pugnant signifer motâ vocat.*

In medio tandem sistit se, fidâ magis,  
L 3 quàm

quàm numerosâ, militum armatus manu, nobilissimus *Stanleius*; utri inclinaret parti neutra scit, expectat utraque; Rex, quod per nuncium intellexit ille, nisi suos juverit, non se prius prandium sumpturum jurat, quàm, fidei pignus, filium trucidaverit. Ex adverso orat *Richmondia* Dux per sacrum vitrici nomen, per & mariti, (quippe matrem perituram prævidet, pereunte filio) per quicquid charum, patriam, parentes, jura, pietatem, fidem; succurrat ilicò ruituræ patriæ, juvet suos. Quàm impar votum! unus emittit *minas*, alter *preces*; Imperantem sequeris, strenge vir, an exaudis impetrare laborantem? *Quanta malorum moles me miserum obruit!* exclamat ille; *Quàm sum infelix pater, maritus, vitricus, Dux! Filium, conjugem, privignum, patriam, quàm lubens conspicio! quid perdam horum? ô, perdam nihil: at, dum fallacis umbrâ spei, & inani voto, complector omnia, teneo nihil, Quid? num privignum ergo?*

In utramque partem ducor affectu paris

———— Nil possum pie,

Pietate salvâ, facere; quodcunque mea

Præstabo nato, fiet privigni malo.

Quid ergo? Conjugem?

———— Animum distrahit geminus ti-  
mor,

Hinc gnatus, illinc conjugis chara ca-  
pat;

Hinc meum perdo; illinc dimidium mei.

Quid ergo? patriam? Me Patrem Filius  
vocat; sed & me Patrem Patria. Fui  
Richmondia Ducem? amitto filium; fu-  
i Richardum Regem? sic perdo patriam;  
sic cum privigno conjugem; Neutrum ju-  
vo? sic hunc, sic illum; sic hanc, sic illam;  
sic perdam omnia. Quid faciam miser?  
componam lites, servabo omnia. Dicam pri-  
vigno;

Frena furialem (precor,) & siste im-  
petum;

———— neve, quam regere expetis,

Everte Angliam. ———

Petendopatriam, perdis; Ut fiat tua, vis  
esse nullam. At has non patitur moras præ-

lium, dicto citius, committendum; non patitur Furor jam concitatus. Quin dicat Regi infestus Nuncius; Detrectat iussa Pater Stanleius tua; inquit, Si filium mactes, plures habet. Euge invicte vir, nec conterende minis, nec promissis capiende. *Preferre patriam liberis sic decuit Ducem.*

*Alios parentes alloqui in lætu decet,  
Tibi gratulandum est, pater, quod nato cares.*

At non carebis tamen; salvum sospitem-  
que dabit *Fortuna* filium, quem tu te patriæ dedisse putas.

— *Nondum pendet exigua malè  
Caput amputatum parte, nec trunco  
cruor*

*Exundat [necdum] ora cum fremitu  
jacent.*

Vivet, Vivet, inquam, finito prælio, & in paternos amplexus totus ruet; Cujus tu, pius pater, *exequias* meditaris, is tecum lætos aget *triumphos*, & novo Regi, paternis faustè partam auxiliis, *vi-*  
*etoriam* gratulabitur. Sed dedignamur,  
causæ

causæ æquitate elati, faventis adeò *Fortuna* flatum anticipare; Sentiatis juvenem brevi trucidandum, & sic adhuc sentit *Stanleius* pater; Nec is hoc ultro recusat perpeti;

*Sed, quam parenti patriæque debet;*

*Animam libenter reddit.* —————

Hoc sæpè tactum florente *Graciâ*; Hoc novit olim, dum sælix, *Roma*; novit *Hispania*; nec à nobis sola putetur *Anglia* tantam nescire animi constantiam, tantam pietatem. Fertur, Academici, de *Cratiscleâ* quadam, matre *Cleomenis*, *Spartæ* regis, quòd cùm is grandi bello cum *Achaïs* distineretur, sed & *Antigonum* simul & *Macedonas* timeret, à se impar omnibus, opem, & opes, à *Ptolemao Ægyptiæ* rege impetrabat, hac autem lege, ut mater & filius obsides fidei in *Ægyptum* mitterentur; Durum hoc visum *Cleomeni*, conatus tamen, necessitate adigente, idem matri proponere, sæpè abscidit, abscessit sæpe: acuti ingenii mulier aliquid suspicata, amicos percontatur, Ecquid vellet effari *Cleomenes*,  
nec

nec auderet pudibundus : re intellectâ,  
hortatur illos submonerent filium ; mo-  
destum nimis acriter incitarent ; qui tan-  
dem, collecto spiritu, iniqua *Aegyptiaci*  
Regis postulata aperit ; illa, in cachinnum  
effusa protinùs, *Et hoc erat*, inquit,  
*quod dicere abstineras ? Mitte corpusculum*  
*hoc quòcunque terrarum, ubi Spartæ u-*  
*sus futurum sit potius, quàm hîc domi senio,*  
*& defidiâ, solveretur ; Tu, fili, interea te*  
*virum simul ac Regem præsta.* Sic fata mu-  
lier mitti institit, &, assumpto nepote  
*Aegyptum* navigavit. Quàm lubens hic  
me sisterem, Academici, & tantam in  
foeminâ virtutem admirarer ! sed cogo r  
ultrâ ducentem sequi, ne putarer debi-  
tam Cratificlæ gloriâ (quod nollem)  
invidere. Non multò pòst, cùm *Ptole-*  
*maus* parùm ex fide ageret, & occasio-  
nem habuit *Cleomenes* cum *Achaïs* pa-  
ciscendi, cunctatus solum ob matrem  
& filium, ut quorum vitas hoc pacto  
videt in apertius discrimen vocandas, re-  
scripsit illa, Anum & puerum nil curet ;  
*Ptolemaum* negligat ; quòcunque tan-  
dem



dem è dignitare *Sparta* futurum prævi-  
derit, illud agat; Et egit, Academici; at  
sic hæc & ille sub infido hospito, *Aegypti*  
Rege, postea periere.

Quanto parentes sanguinis vincolo  
tenes,

Natura! quàm te colunt invitati quo-  
que!

Magna erant, nec diffiteor, Academici,  
quæ cum *Acheis* gessit *Cleomenes* bella;  
at, ut matrem taceam, cum natum ob-  
fidis dandum vice, cum etiam neci tra-  
dendum viderit, quantò intra paternum  
pectus, & oblucentia piæ naturæ visce-  
ra, gessit majora! nunc huc, nunc illuc,  
habuit *Euripo* magis fluctuantem ani-  
mum; nunc spiritu citius possit carere,  
membris, luce, ipsoque regno, sic  
natum amat: nunc ipso nato, sic amat  
patriam. Quid tandem agit? exuit pa-  
rentem ut Regem induat; amittit filium,  
ut servet *Spartam*. Quin hæc forte Regi  
permisla optio, nobili negata: *Stanleio*  
non licet quod licuit *Cleomeni*. Quid?  
num ergo in scelus vertitur suprema pie-  
tas?

tas? nec summo placet Virtus Numini nisi coronata? Aut fallor ego, & quod in Rege laudandum facinus, haud excusandum scelus in nobili æstimatur?

—————*Sanctitas, pietas, fides,  
Privata bona sunt, quæ juvat, Reges  
cant.*

Sic olim *Atreus*; imò & sic noster *Atreus, Richardus*. Et in hoc saltem *Stanleio* gratulandum, cui in *secundis* licet esse pio, dum Tyranno liber impio *inprimis* esse & inhumano: cui licet tandem servare patriam, dum placet illi obsidem trucidare. Quòd si tamen, post illustratam pari facinore *Graciam*, relictâ *Româ*, *Hispaniam* adirem, aliud adhuc exemplum petiturus, vereor hanc nostri *Stanleii* pietatem, quæ, quòd tanta fuit, impietas putatur, in suum simul ac gentis nostræ dedecus abituram, tantillam existisse. Nam scriptum legimus de *Alphonso Hispano*, quòd cùm *Sanctius Castella* Rex *Tariffam* urbem *Mauris* abstulisset, sed ob hostiam viciniam, & ingen-

ingentes sumptus, difficilius sensit partem tueri, quam fuisset acquirere; anxium Regem adit *Alphonsus*; in se unum urbis curam suscipit; stipendii partem se daturum promittit, Rex aliud agat, *Tariffa* securus: non citius factum, quam *Sanctii* hujus frater *Joannes* ad *Mauros* transit, acceptis copiis *Tariffam* obsidet; obsessi interim nihil trepidare; in suâ, & ducis, virtute fidere; animos supra periculum habere. At ecce quàm sit hæc rerum subitò mutata facias! *Alphonsi* filius, ut per agros divagatur, ab hoste capitur;

— *Hunc, circum mœnia ductum;*  
*Objiciant patris ante oculos, gladiis-*  
*que minantur*  
*Ni dedat, quam non longum tutabitur,*  
*urbem,*  
*Aethuros sese nati intra viscera fer-*  
*rum,*  
*Et patrum charo sparsuros sanguine*  
*vultum.*

Quo viso perturbantur populares omnes, solus pater immotus animo, vultu immu-

immutatus, negat se urbem dediturum  
hostibus, nec, si vel centum sui filios ha-  
buissent, se lato ungue à fide discelsu-  
rum; Quin si vos tanta jugulandi pueri  
habeat libido,

————— *Ferrum.*

*Hoc, ait, accipite, & ferrum de manibus  
altis*

*Projecit.* —————

*Stupor me habet hac scribentem, inquit  
Lipsius, nec me minor, Auditores, ha-  
bet hæc enarrantem. Quid spectantes ha-  
buit? addit ille; addam ego, Quid vos  
habet audientes? Patrem nempe filium,  
eumque unicum, nominis memoriam,  
præfidiū generis, hæredem familiæ, tan-  
tilli æstimasse. Quis, cum Alphonsum  
viderit manum capulo admoventem, eva-  
ginantem gladium, non senserit patrem  
in sua potius acturum viscera, quam hosti  
daturum, quo filium interficeret. Ac  
nihil hic jura Naturæ valent, prævalet  
fides, et amor Tariffa. Quid quod Stan-  
leium pariter movit fides, & amor An-  
glia? fides scilicet data Richardo, turpi-*

ter violatâ. At nihil minùs; filium dedisse, fatemur ultrò; fidem intereâ, cui nullam debuit, dedit nullam. Ut fidei obsidem accepit ille; hic tantùm ut latranti offam cani projecit, &

*Toto spiranti rabido de corpore flammam.*

Sic enim maluit unius jacturam filii sustinere, quàm certam totius familiæ cladem, & impendentem patriæ ruinam expectare. Et quotusquisque vestrum est, qui tam imprudentem possit putare *Stanleium*, ut, cujus conspectum amisso (ita desperavit) filio, nuper evitârat, eundem, nullâ necessitate adigente, adiret quamvis armatâ manu; &, quem oportuit potiùs territum adhuc, vixque sui compotem, opprimere, copius sublevaret; Quin & sentiat eâdem operâ daturum scilicet Tyranno gladium, à quo ipse feriatur. Non ignorat *Stanleius* noster quos illo alter *Neto*, *Richardus*, obliquo semel oculo conspexerat, ad eadem omnes esse designatos; qui si nescivit aliquandò quos suo merito interficeret,

ceret, inquire jussit quos potuerit immerito suspicari. Sic ille apud Tragœdum;

————— *Alios quarite, ô socii, reos,  
Quos sermo, nutus, latitia, moror, metus,*

*Vel signa quavis levia, suspectos dabunt;*

*Arguite, rapite, trahite, convicti rei*

*Ita moriantur, sentiant ut se mori.*

At nec jam primò suspecta Regi Stanleii fides; erupit olim illud incendium, cum in frequenti Nobiliū confesso affidenti percussorem immisit; nec vivum dimiserat, nisi metuisset sibi, ne filius hic, quem nunc tenet obsidem (ne iterum metuat) turbas concitaret. Mitto alia, rariùs fallentia, indicia, quibus iratum sibi futurum Regem præscire potuit, nec tamen, nisi frustrà, præcavere. Id tantum addam; Si *Richardum* noster juvisset *Stanleius*, & strenuè dimicnisset, confecto prælio, & Tyranno ejus successu confirmato, supplicium capitis, haud aliud certè tantæ virtutis præmium

miū accepisset : pari sorte ac *Henricus*  
ille *Buckinghamia* Dux , eundem *Richar-*  
*dum*, vel ultra aras metasq; fidei, armis &  
officiis prosequutus. Sic sæpè aliàs fa-  
ctum;

*Mortem Tyrannus præmii dedit vice.*

Quin adhuc hæret vobiscum, scio, prona  
adeò, quamvis imperati, obsidis traditio.  
En vultum animi cuiusque vestrum aut  
suspecti, aut suspiciosi indicem ! cui in-  
scriptum lego (nisi me fallunt oculi) *Sic*  
*durus pater filii nece suam gaudet vitam re-*  
*demisse;* quam ille interim non tanti æsti-  
mat. Est aliud longè & vitâ ei, & nato,  
charius; Patria nimirum, per tot anno-  
rum series civili discordiâ miserè lace-  
rata; Quòd si in pugnâ fortè ceciderit  
*Richardus* (& sperat fore quod optat ta-  
tum, quodque suis totus urgebit viribus  
*Stanleius*) factò inter utramque partem,  
fælici conjugio, tum tandem videt nul-  
lam publicæ saluti & paci moram super-  
faturam. At quid rei est, ut cuius ille  
auferendas sibi promittit moras, sit ipse  
mora ? Cur, qui *Richmondia* Ducem

M

statuit



statuit juvare, nondum juvat? Consul-  
tò factum; Sperat Tyrannum, quem in  
suâ causâ præliantem non habet, si nec  
eundem viderit adversantem, aut, om-  
ninò velle à ferâ obsidis cæde abstinere,  
aut jam anxie instruendo milite occupa-  
tum, solum paternæ fidei reum saltem  
ampliare: O spem fallacem minimè!  
fælix augurium! Inquit *Richardus*,

— *Nefandi patris invisam prolem  
In Castra ducite, Marte confesso, sta-  
tim*

*Capite paterni criminis pœnas dabit.*

Hæc præfatus ad pugnam accingitur; In  
quâ non temerè, dicam, & desperanter;  
hoc dandum, quamvis Tyranni, merito,  
& Veritati litandum; fortiter conflixit,  
ut qui in mediâ nostrorum acie dicitur  
obuisse quod de *Catilinâ L. Florus*, pul-  
cherrimâ morte, si pro patriâ concidisset.  
Quid aliud restat? Gratulamur jamtan-  
dem tibi, fortunate Dux, & tuum,  
& Patriæ, hostem interfectum; Victo-  
riam partam; filium forti manu redemp-  
tum, recuperatum; Tuæ præsertim vir-  
tuti

tuti Dux *Richmondus* coronam; Con-  
jux vitam; Patria salutem acceptam re-  
fert; Nos omnes tibi, *Richardo* tertio  
auxilium perneganti, & debemus hodi-  
ernam, & futuram in perpetuum sumus  
ab intestinis diffidiis ( si verax vates )  
immunitatem debitori.


Dixi.

---

M 2

*Antimachus*

---



Antimachus  
Gigantum;

*In istam quæstionem; quæ solet  
disputari à Commentatoribus in A-  
ristot. 1. Phys. cap. 4.*

*Utrum in quavis specie detur corpus  
maximum & minimum,*

*Digressio de Gigantibus.*



Rebra est in veteribus histo-  
riis, & poëtarum fabulis,  
tum etiam in ore vulgi, Gi-  
gantum mentio, unde alii,  
creduli nimis, persuasi sunt  
pro certo tenere, alii verò, sapientiores,  
meritò dubitare, fuerint unquam, nec-  
ne,

ne, portentosi ejusmodi, tantæ magnitudinis, homines; Nos impræsentiarum contra *gigantes* istos certamen instituímus, & post firmas, philosophiæ rationes (ex quibus demonstratur tantæ magnitudinis impossibilitas) contra eorum patronos, nunquam tales, quales asseruntur, *gigantes* fuisse, contendimus; ordimur autem à poëtis, qui præcipui eorum patroni esse creduntur. Dicuntur illis *gigantes* è *Terrâ* & *Cæli* sanguine nati esse, cùm *Saturnus* patri suo abscidit testiculos, sicut apud *Hesiodum* in *Theogoniâ*;

ὄσσαι γὰρ εἰσθάμισγες ἀπέσσυθεν αἰματό-  
εσσαι,

πάσας δέξατο γαῖα, περιπλομένων δ' ἐ-  
ναισῶν

τεῖναι ἔριννῦς τε κραιτέρας, μεγάλας τε γί-  
γαντας.

quos sic licet *Latinè* accipere;

*Sanguinea quotquot gutta cecidere, re-  
cepit*

*Terra omnes; eadem rursus, volventi-  
bus annis,*

166 *Antimachus Gigantum.*

*Horrendas peperit Furias, magnosque  
gigantes.*

& qui citatur, *Orpheus*, apertius;

οὐνεα γῆς ἐγένοντο καὶ αἱματὶ καὶ σπέρματι :

*Quod sint è Terrâ generati & sanguine  
Cæli.*

Plerumque verò à matre denominantur,  
& *Terræ Filii* appellantur; ut apud *Sophoclem*;

οὐθ' ὁ γηγενὴς στρατὸς Τρυόντων. (i.)

*Neque Terrigenum exercitus Gigantum  
& apud Homerum in βατ' ἐχθρομυομαχία.*

Τηγενέων ἀνδρῶν μιμῆμενοι ἔργα Τρυόντων.

quem versum ego sic *Latine* reddo;

*Terrigenum Heroës imitati facta Gi-  
gantum.*

Idem habet *Ovidius*; lib. 5. *Fastorum*;

*Terra feros partus, immania monstra,  
Gigantes*

*Edidit, ausuros in Jovis ire domum.*

Atque hoc ipsa vox γίγας, ejusque etymologia, innuere videtur, quam *Eustathius* deducit ἀπὸ τῆς γίγασθαι ἐκ τῆς γῆς, sive γᾶς *Doricè*, quia è *Terrâ* nati ferebantur. Tantum de eorum parentibus.

Staturæ

Staturæ autem, & magnitudinis, tantæ  
fuisse perhibentur, quantam vix crede-  
re fas est. *Homerus Odysſ. lib. II.* sic de  
illis loquitur;

Ἐννέωροι γὰρ τοίγε καὶ ἔννεαπύχες ἦσαν  
εὐρεῖ, ἀτὰρ μῦνον τὲ γενέσθην ἔννεόγυιοι.  
quod sic tranſtulit *Natalis Comes*;

*Atque novem cubitos ambo crevere  
novennes*

*In latum, longumque novem corpus fu-  
it ulnas.*

Aliud eſt de illis *Ovidii* commentum, lo-  
co prius citato;

*Mille manus illis dedit, & pro cruri-  
bus angues;*

*Atque ais, in magnos arma movete  
Deos.*

Unus, *Typhoëus*, tantæ magnitudinis fuiſ-  
ſe dicitur, ut cùm tota *Sicilia* tribus  
promontoriis claudatur, tota ſupra ejus  
corpus poſita ſit; cujus ſupra dextram  
eſt ſitus *Pelorus*, qui *Italiam* proximò  
tendit; ſupra lævam *Pachynus*; ſupra cru-  
ra *Lilybaeus*; capiti verò *Ætna* ſuperim-  
ponitur, quod ſtupendum ſtupendi mon-

168 *Antimachus Gigantum.*

stri sepulchrum Ovidius sic describit ;

*Vasta Gigantæis injecta est insula  
membris*

*Trinacris , & magnis subiectum mo-  
libus arget ,*

*Ethereas ausum sperare , Iphoëa ,  
sedes ;*

*Nititur ille quidem , pugnatque , resur-  
gere sæpè ,*

*Dextra sed Ausonio manus est subje-  
cta Peloro ,*

*Læva , Pachyne , tibi , Lilybæo crura  
premutur ,*

*Prægravat Ætna caput , &c.*

Et Virgilius *Æneid. 6. Tityum* describit ;

*Nec non & Tityum , Terræ omni-  
parentis alumnum ,*

*Cernere erat , per tota novem cui iuge-  
ra corpus*

*Porrigitur. —————*

Eundem eodem modo describit Tibullus ;

*Porrectusque novem Tityus per ju-  
gera terra.*

Unde colligere licet , eos omnes , juxta  
poëtarum delineationem , immensæ , imò  
incre-



*Antimachus Gigantum. 169*

incredibilis planè, magnitudinis fuisse.  
Hi verò Gigantes tanti roboris fuisse, tan-  
tæque audaciæ, perhibentur, ut ipsis Su-  
peris bellum inferrent; quod memorat  
*Virgilius 6. Æneid.*

*Hic & Aloïdas geminos immania  
vidi*

*Corpora, qui manibus magnum re-  
scindere cælum*

*Aggressi, superisque Jovem detrudere  
regnis.*

Quo autem propius, & facilius, cum Diis  
manus conferre possent, ingentissimos,  
& altissimos, montes accumulâsse di-  
cuntur; ut apud *Ovidium Fast. lib. 5.*

*Extruere hi montes ad sydera summa  
parabant,*

*Et magnum bello sollicitare Jovem.*  
*Virgilius ipsos montes nominat Georg. 1.*

— — — — — *tum partu Terra nefando  
Cæumque Japetumq; creat, sævum-  
que Typhoea,*

*Et conjuratos cælum rescindere fra-  
tres;*

170 *Antimachus Gigantum.*

*Ter sunt conati imponere Pelio Ossæ  
Scilicet, atque Ossæ frondosum invol-  
vere Olympum.*

Quod ille mutuatus videtur ab Homero  
*Odysf. II.*

ὄσσαν ἐπ' οὐλύμπῳ μέμασαι θέμεν, αὐτὰρ  
ἐπ' ὄσσην

πῆλεον εἰνοσίφυλλον, ἵν' ἔρξαντο ἄμβροτος ἐμ.  
nisi quòd alio ordine montes invertisse  
videatur. Quis verò tandèm *Gigantum*  
istorum exitus fuerit, pari modo docent  
poëtæ, scilicet dignos eos sceleris & re-  
meritatis suæ pœnas dedisse, & *Jovis*  
fulmine dejectos fuisse, ut *Virgilius* in lo-  
co prius citato;

*Ter pater extructos disjecit fulmine  
montes.*

& *Ovidius;*

*Fulmina de cæli jaculatus Jupiter arce,  
Vertit in authores pondera vasta suos.*

Sic habetis breviter poëticam de *Gigan-  
tibus* narrationem, quinam scilicet eorum  
parentes fuerint, qualis statura corporis;  
quæ res gestæ; & denique quis exitus :  
in quâ narratione si quis veritatē histori-  
cam

cam inesse putet, nã ille dignus est qui in summo meridie planè cæcutiat, aut

—jungat valpes, aut mulgeat bircos,

Longè alius certè, & multò sublimior, nobis sensus ex hisce poëtarum umbris est eruendus, allegoricus scilicet, sive mythologicus, quem in plurimis eorum descriptionibus præcipuè oportet attendere. Sunt igitur *Gigantes*, secundum *Sabinum*, ( qui mythologicam edidit in *Ovidii Metamorphosin* interpretationem ) nefarii conjuratores, qui in legitimi principis, aut Reipub. ruinam conspirant, quales olim *Sylla*, *Marino*, *Catilina*; & apud nos, ( heu nimium recenti memoriâ ! ) pulverarii proditores, fuere. *Goropius Becanus* tyrannos illos fuisse vult, idque præcipuè ex *Belgicâ* hujus vocis ( *Gigantis* scilicet ) etymologiâ apparere contendit. Potest autem extendi fabula ad omnes in genere malos homines, præsertim violentos, impios, libidinosos; Illi è *Terrâ* nati dicuntur, eò quod toti terrenis rebus inhiare videantur, nèc quicquam habeant caleste præter sanguinem ( id

( id est, interprete *Becano*) vitam brutalem, lumine mentis prorsus sepulto sub foedo corporearum libidinum barathro. Dicuntur *immania corpora*, vel quia *corporeis bonis*, robore, opibus, honoribus præpollent; vel quia *corporeâ* vî cuncta tentant, adeò ut ipsum coelum velint rescindere, non *ratione* ullâ humanâ, aut divinâ, sed *manibus* ( *i* ) violentâ *manuum* injectione, in quâ omne jus, & omnem potestatem volunt esse constitutam; Inde *Briareus centimanus* dictus, & à *Virgilio centumgeminus*, eò quod *centenas* ( *i* ) infinitas *manus* haberet, quibus omnem *Deorum* potestatem, five totum *Rationis* regimen territabat; cui nescio ecquid magis alludat quàm *Græcum* illud proverbium, quod ex *Æschine*, & *Polybio*, docet *Erasmus*, τῶν χειρῶν νόμος, five *jus manuum*, quod de iis dici consuevit, qui non secundum normâ *rationis*, sed violentâ *manu*, quicquam faciunt. Dicuntur iidem *Superis* bellum intulisse, eò quod omnem religionis, pietatis, & virtutis, curam excutiant, & ipsum

ipsum *Fovem*, five supremum illum rerum moderatorem, blasphemis, & nequitis; five *Rationem*, quæ in animâ humanâ dominatur inordinatis affectibus, de solio suo deturbare conantur. At non impunè ferunt *Gigantes* isti sua scelera; *Nemesis* à tergo est, nec deserit unquam

—peccantes pede pœna claudo.

*Feruntur fulmine* (i) vindictâ divinâ, & præcipitantur in *barathrum*; quæ fortè ratio commovit poëtas ut eos in *Siciliâ*, aut *Thessaliâ*, stratos, & sepultos, fingerent, quia crebriores illic ignium eructationes, quibus *barathrum* aptissimè representari credebant. Sic videtis tandem poëticam illam *gigantomachiam* prorsus evanescere in allegoriam, nèc quicquam indè concludi posse quod ad astruendam ingentem monstrorum eorum magnitudinem faciat.

At qui ex historiis eruunt *Gigantum* istorum narrationem multò fortius vibrare telum videntur; historiam siquidè appellat *Cicero lucem veritatis, magistram*

*gistram vite, qua si vera sit, & probata,*  
*non leve asserere potest ad probationem ar-*  
*gumentum.* Historias autem hîc non ap-  
 pello illas, seu potius fabulas, aniles,  
 quæ de ingentibus, et pluribus, *Giganti-*  
*bus* circumferuntur, quos dictus noster  
 tutelaris Divus *Georgius*, aliique illustres  
 heroës debellâsse dicuntur. Nèc histo-  
 riæ nomine dignor vulgatam illam fabu-  
 lam de *Gigantibus*, hujus *Insula* nostræ  
*Britannica* incolis, & præcipuo inter eos  
 monstro *Ogmagog*, cujus etiamnum in  
 vicino nostro nomen celebre est, quos  
*Brutus* ille à Divino sanguine oriundus  
 stravisse fertur. Explosa est jamdudum  
 isthæc fabula, ejusque vanitatem, post  
 alios multos, clarè ostendit doctissimus  
*Cambdenus* in suâ *Britanniâ*. Hujusmodi  
 historias, & siquæ sint aliæ hujus gene-  
 ris, rejicimus, ut spurias, & verè *Gi-*  
*ganteas*; easque tantùm admittimus,  
 quas sapientes non hujus modò, sed &  
 superiorum sæculorum, viri pro genuinis,  
 veris, & probatis, agnoverunt. Occur-  
 rit imprimis *Strabo*, insignis ille Geo-  
 graphus

graphus ( lib. 3. Geogr. ) ejus verba hæc sunt. τινὲς δὲ καὶ φλέγεσθαι διὰ τὸ το τὴν κυμαίνον νομίζουσι κληθῆναι, καὶ τῆς πεπρωκότων γιγάντων τὰ κεράυνια τεταύματα ἀναφέρειν τοῖς τοιαύτας προχοῶς τῶ πυρὸς καὶ τῶ ὕδατος. (i.)  
*nec desunt qui Cumanum agrum idem Phlegram judicent appellari, & Gigantum ibi occisorum fulminibus inflata vulnera ignem istum aquasque ebullire.* At perpende satis verba, non loquitur ex propria snūpsius sententiā, sed aliorum, τινὲς (inquit) *nonnulli*, haud planè, ac ex certā eorum scientiā, aut sententiā, sed opinione, & conjecturā suā, νομίζουσιν, *opinantur*, conjecturā poëticis istis fabulis de *Gigantibus* malè fundatā, et innixā, quod vel inde liquere potest, quod paulò suprā in eodem libro citat versiculum illum *Homeri*, eumque ad *Cimmerios Italia* populum applicat

——— ὅλεποτ' αὐτῶς.

Ἡελιὸς φασέθων ἐπιδέρμεται ———

quem sic transtulit doctissimus *Casaubonus*;

——— *neque*



neque unquam

*Illos illustrat radiorum lumine Titan.*  
quod poëticam fictionem sapere cuivis  
facile constat. Talis ferè per omnia locus  
habetur lib. 6. ejusdem authoris: *μυθεύ-*  
*σαι δὲ ὅτι τὰς περιληφθέντας τῶν Γυγάντων ἐν*  
*τῇ κατὰ Καμπανίαν Φλέγγα Λευτερνίως κα-*  
*λεσμένως, &c.*

*Ferunt* (inquit) Gigantes, qui è Phle-  
grâ Campaniæ evaserant, Leuternios di-  
ctos, eò usque ab Hercule fuisse exagitatos,  
ibique terrâ obrutos, & ex eorum sanie  
scaturiginem talem esse, ideòque eam etiam  
maris oram, Leuterniam vocatam esse. Vi-  
des rursùm verbum *μυθεύσαι*, quod fabu-  
lare et fingere potius significat, quàm  
pro certo credere, aut referre. Adeò tan-  
tùm videtur Strabo ex aliorum senten-  
tiâ, vel potius conjecturâ, loqui, quos  
fabulæ poëticæ nimîâ suâ credulitate  
fascinâssent.

At apertiùs multò contra nos citatur  
*Plinius* (lib. 7. *naturalis hist.* cap. 16.)  
audiamus ipsa ejus verba. *In plenum*  
*cuncto mortalium generi minorem indies*  
*fieri*

fieri propemodum observatur, rarosque patribus proceriores, consumente ubertate seminum exustione, in cuius vices nunc vergat ævum. In Cretâ, terra motu raptò monte, inventum est corpus stans 46. cubitorum (in margine verò, ex doctissimorum virorum castigatione, pro 46. cubitis ponuntur 16. adeò statim pereunt 30 cubiti ab immani hoc monstro) quod alii Orionis, alii Oti fuisse arbitrantur. Orestis corpus oraculi jussu refossum 7. cubitorum fuisse, monumentis creditur. Jam verò ante annos propè mille vates ille Homerus non cessavit minora corpora mortalium quàm prisca conqueri, &c. Huic authoritati obviam it Goropius Becanus in *Gigantomachiâ* suâ, acuti certè & subtilis ingenii vir, nisi quòd nonnunquàm (ex *Criticorum* more) ignei & fastidiosi, cujus vestigia insequi mihi nequaquàm pudori esse potest. Negat igitur naturam in hoc mundi senio minora proferre corpora; negat imminui facultatem generatricem; aduri semen; aut deficere stellarum coelique influxum, qui vege-

N

tando

tando semini requiritur. Et certè in philosophiâ verissimum id oportet esse quod asseritur, nè enim potuisset aliter *Aristoteles* planè ponere æternitatē mundi, specieiq; perpetuationem tueri, siquid in hac rerum compage immutatum aut diminutum fuisset; At nullam talem mutationem observavit Antiquitas, nè hodierna notare potest Experientia; solida scilicet omnia sunt, firma, & stabilia;

————— *condita pergunt*

*Ordine quaque suo, rerumque à principe cursu*

*Fixa movent.* —————

At verò quia *Plinius* *Homerum* sententiæ suæ authorem, vel assensorem citat, ut videatis quàm non verè adeò, ac hyperbolicè, loqui soliti sint, quantumque illis in hujusmodi narrationibus fidei debeatur, unico exemplo ostendam. *Homerus* vires *Diomedis* sic describit;

————— ὁ δὲ χερμάδιον λάβε χειρὶ

τυδείδης, μέγα ἔργον, ὃ ἔ' δύο ἄνδρες φέροιεν,  
οἷοι γ' οὖν βροτοῖσι· ὁ δὲ μὴν ῥέει πάλλει, καὶ οἷος.

quos versus sic *Latine* accipere licet;

————— *Saxum*

— *Saxum capit ingens*

*Tyrides, qualem haud homines cer-  
vice subirent*

*Bini; quod solus, facileque per aëra  
mittit.*

Quod mutuatus & imitatus *Virgilius* lib.  
12. *Aeneidos*, eccè ut ex plethro faciat ju-  
gerum, ut hyperbolicè eum locutum esse  
planè agnoscas; sic enim *Turni* robur ex-  
tollens de duobus facit duodecim.

— *saxum circumspicit ingens,*

*Saxum antiquum ingens, campo qui  
fortè jacebat,*

*Limes agro posuit, litem ut discerneret  
arvis;*

*Vix illud lectibis sex cervice subi-  
rent,*

*Qualia nunc hominum producit corpo-  
ratellus.*

Sed ut redeamus unde digressi sumus (si  
tamèn digressio isthæc dici mereatur quæ  
præcipuum attingit, hujus quæstionis  
fundamentum) negat *Becanus* id quod  
*Plinius* asserit, quodque ex multis a-  
liis historicis astruitur, fuisse unquam

inventum tantæ magnitudinis cadaver ,  
 non humanum certè, at benè belluinum,  
 aut marinum, qualia multa ingentia ter-  
 ra, sed mare præcipuè, alit corpora, quæ  
 fortè ratio esse potuit quòd simplices  
 homines marinorum animalium ossa per  
 littus dispersa *Ajaci*, *Asterii*, & *Hylli*, ca-  
 davera esse crediderint , nàm eorum se-  
 pulchra mari & tempestatum vi reclusa  
 perhibentur. Nè certè contemnendum  
 est, aut vile, quod ipse ad fidem sibi fa-  
 ciendum producit. Asservantur *Antuer-*  
*pia* apud *Brabantos*, hodièque ostentan-  
 tur , *gigantis* cujusdam ossa, quem fa-  
 ma est *Scaldis* fluvii, qui *Antuerpiam* al-  
 luit , ripam tenuisse, manusque illorum,  
 qui illac iter facerent, vectigalis loco  
 amputasse; ac venisse tandèm *Brabonem*,  
 nescio quem , *C. Julii Caesaris* socium,  
 ac commilitonem , qui inito certamine  
*Gigantem* illum superaverit , & , talio-  
 nem sceleribus reddens , dextram ejus  
 recisamin *Scaldis*, quantâ potuit vi, con-  
 jecerit. Ad æternam autem istius facti  
 memoriam castrum illic à *Julio* extru-  
 ctum

Etum nomine *Hantwerpum* (i) manus  
*projectionem*, totam autem proviciam à  
*Brâbone* vindice, & victore, *Brabantiam*  
vocatam esse. Ea scilicet diu tinafama  
erat, vulgique ora atque animos tenuit.  
At *Becanus* ea non *hominis* alicujus, sed  
*elephanti* ossa esse certissimè ostendit, &  
contendit. Quæ cum impostura recen-  
tioris memoriæ homines deceptos & ig-  
naros tenuerit, quid mirum si prisca ante  
tot sacula faciles cujusvis fabulis aures  
præbuerint, quos vana *Deorum* suorum  
superstitio, & poëtarum nimia, (vel po-  
tius falsa) credulitas transversos rapue-  
rit? Sic videtis eam, quæ a prophanis  
scriptoribus celebratur, de *Gigantibus* hi-  
storiam non aliud esse quàm vulgatum  
illum de montium partu apologum,

*Parturiunt montes, nascetur ridiculus  
mus.*

Quod unum superest, sacras paginas ex-  
aminare (in quibus aliquoties habetur *gi-  
gantum* mentio) id verò non est hujus  
loci, nec temporis, nec officii mei; As-  
scribam tantùm *Gilberti* . . . . . verba

quædam ex ejus Commentario super hanc vocem, *Gigantes*, decerpta, unde conijcere facile sit interpretationem non ab eo tantum sed à plerisque eruditis viris *Gigantemachia* ista passa sit. *Gigantum* inquit, quatuor genera nominibus distincta, recensentur, i. Nephelim qui inter Hevæos habitârunt dicti quasi grassatores propter rapinam [nisi melius fortassè hoc nomen interpretatur *Becanus cadentes*, eò quòd, uti in sacris literis legimus, *deciderint* à primævâ religione & puritate, cui interpretationi non male inserviat epitheton illud quod *Strabo* in loco superiùs citato (5. scil. *Geogr.*) *Gigantibus* attribuit *ἡ περὶ τῶν γιγάντων*, *Gigantum cadentium*] 2. Emim, inter Jebusæos, Moabitas, & Ammonitas, quos hi gentili nomine *Zanzumim* quasi formidabiles propter violentiam nominârunt. 3. Anachim apud Hethæos, quasi torquati, ab opum suarum ostentatione. 4. Raphaim qui sedes habuerunt inter Amorrhæos & Palæstinos nomine sumpto honesto, inquit ille, quòd *Servatores*



tores & Curatores essent, nam *Rapha Hebraum*, sine *He*, curare sive mederi significat; at Pagninus vocem illam à *Raphah*, quod est dissolvere, deducit, eò quòd homines (inquit) qui eos vident dissolvuntur, adeò ut sese mortuos esse credant. Videtis utramque hanc historiam facile (etià retentâ nativâ vocabulorum significatione) abire in mythologiam, adeò ut *Gigantes* isti, qui in *S.* literis memorantur, non essent progenies aliqua hominum quoad corpus monstrorum, qui reliquos omnes tantâ proceritate & magnitudine superarent, sed homines quoad animum *Gigantai* (h. e.) impii, tyranni, rapaces, violenti, atque (si unâ massâ complecti omnia liceat) tota vitiorum colluvies in unam impurissimi corporis sentinam delapsa.

FINIS.



ERRATA.

**P** Ag. 11. lin. 9. lege, eminentior venti flatus. p. 14. l. 4. l.  
 tribuens. p. 18. l. 14. l. locus augustus. p. 20. l. 1. obmur-  
 murantē. p. 22. in Marg. l. *Conradus*. p. 24. l. 14. l. duas. p. 27. l.  
 12. l. 13. l. cynicus. p. 24. l. 2. l. *Chrysostomus*. p. 27. l. 20. l. ut  
 adfuerunt. p. 28. l. 1. *Aceras*. p. 28. l. 1. l. filii. p. 28.  
 p. 28. l. 1. l. decurda. p. 71. l. 8. l. ut hīs. p. 25. l. 13. l. colla-  
 balcat. p. 90. l. 5. l. in vicium. p. 91. l. 1. l. quod ad. p. 100.  
 l. 14. l. scelus ignorantia. p. 104. l. 1. l. antepellit. p. 108. l. 12.  
 l. 12. l. inflammandi. l. fur animi. (si non nemo aie)  
 p. 112. l. 9. l. Imperator. p. 117. l. 5. l. rapit *Pyria*. p. 139. l.  
 4. l. publicum. *Arcton*. p. 112. l. 13. l. perpetrati parricidii.  
 p. 131. l. 3. l. qui si. p. 131. l. 3. l. non falsus parricidio. nequeat.  
 p. 131. l. 1. l. ipse dixit. p. 147. l. 13. l. praestiterat. p. 155. l.  
 1. l. hospite. p. 159. l. 2. l. ille inter. p. 163. l. 3. l. terrib.

